

कुण्डलियारामायणा ।

कविकुलतिलक गोस्वामी

तुलसीदासजीकृत ।

कलकत्ता

३८२ भवानीचरणदत्तट्रोटस्थित

वङ्गवासी श्रीमन्मैथीन प्रेसनें

श्रीब्रुटविहारीराय द्वारा

सुद्वित घोर प्रकाशित ।

सन् १९०३ ई० ।

कुण्डलिया ॥ आश्रयण ॥

दहन अमङ्गल सकल दुख गजसुख सबसुखदानि । प्रतिग-
तिरति रघुपतिचरण विघ्नहरनकी बानि ॥ विघ्नहरनकी बानि
जानि सज्जन सब गावत । भक्ति मुक्ति वर देव शेष अङ्गरसुर
ध्यावत ॥ अङ्गर ध्यावत शेष सुर रिपुगण खलजन गहन ।
कह तुलसिदास अङ्गरसुवन भजत भक्त भवभयदहन ॥ १ ॥

दीनदयाल दया करौ दीन जानि शिव मोहि । सीताराम
सनेह उर सहज सन्त गुण होहि ॥ सहज सन्त गुण होहि
घथाप्रद लाभ दुःखसुख । कर्मविषय जहँ जाउँ तहाँ सिधराम
कपासुख ॥ रामकपासुख नित रहौं जगतजनित संग्रय हरौ । कह
तुलसिदास अङ्गर उमा दीनदयाल दया करौ ॥ २ ॥

रामचरित अतकोटि शेष शारद शिव भाखे । नारद शुक सन-
कादि वेद कहि बीचहि राखे ॥ बीचहि राखे चरित पार कहि
पावत नाहिन । कहि कहि हारे सकल रामयण कहत सिरा-
हिन ॥ नहि सिराहि रघुवीरगुण सो तुलसी मनमें डरत ।
भजन भाव वेदन कहा कहे चरित भवनिधि तरत ॥ ३ ॥

पुलक्य नृप कौन जोरि सुनिगण द्विजकुलवर । कह
वशिष्ठ भै सिद्ध दीन हवि लै प्रसाद कर ॥ लै प्रसाद कर दीन
देहु भाषिनि नृप जाई । सुनि दशरथमन हर्ष सकल प्रियनारि
बुलाई ॥ नारि बुलाई कौशला कैकेयी युग भाग कर । मन
अनन्द रानी नृपति दीन्ह सुमितहि हाथ धर ॥ ४ ॥

सङ्गलमयी विचित्र वृत्ति प्रकट भई गृह आनि । ब्रह्म-
सच्चिदानन्द उर प्रकट भये सुखखानि ॥ प्रकट भये सुखखानि
हानि द्वारिद दुख नाश्यो । देवन लखो अनन्द सही मन मोद
प्रकाश्यो ॥ सही मोद द्विज सकल सन्त सज्जन यश गावत ।
ब्रह्मादिक सब देव अवधन्तपथर चलि आवत ॥ आवत वर्षत
सुमन धन तुलसी कहि जय जय जई । नाक नगर अहिपुर भुवन
प्रकट भई सङ्गलमई ॥ ५ ॥

सास भयो शुभवार योगवर नखत विराजत । तिथि नभ
जल सहि विमल द्विधा विदिशा सब भ्राजत ॥ भ्राजत सरयू अवध
देवगण जय उच्चारत । वर्षत सुमन प्रशंस हंस निजवंस निहा
रत ॥ हारत खलगाख मनमलिन प्रकट भये सुख दुख गयो ।
तुलसी रघुवर प्रकट भे सास एकको दिन भयो ॥ ६ ॥

सुनि भूपति सतजन्म भगन नहि देह संभारत । उठे भवन
कई दौरि बोलि तब गुरुहि प्रचारत ॥ गुरुहि प्रचारत चले विप्र
संग ले सुनिनाथक । भून भविष्य वर्तमान ज्ञान सब जानन
लायक ॥ लायक सुन सुनि समुक्ति कै जातकर्म सब विधि
क्रियो । हेम हौर नौरज सुपट सहि हय मय भूपति द्वियो ॥ ७ ॥

थाचक जो जेहि काज ताहि नृप पूछि दिवावत । वृन्द वृन्द
बर नारि विमल खर सोहिल गावत ॥ गावत सोहिल सुनत
भूप हंसि हेरि बुलावत । पट भूषण मणिमाल लाल सुख नेहि
पहिरावत ॥ पहिरावत गज तुरग रथ सर्वस दै दै छाँड़ि छल ।
पुनि तुलसी जहँ तहँ भरो रामरूपा सब वाहि थल ॥ ८ ॥

पुरी भगन नर नारि वर्ण चारिउ प्रसन्न सबि । प्रति गृह
गावत गीत कलस मणिचौक भरी छवि ॥ भरी चौक गजमुक्त
अंगर कुमकुम सृष्टमद धन । कुसुम सुगन्ध अवीर रहेउ भरि
दिशा विदिशि तन ॥ दिशा विदिशि सुख भरि रखो भासिनि

बहु प्रकटी दुरी । अहिनाक भूमितल सुख भरयो जिमि सुख
भो रघुपतिपुरी ॥ ९ ॥

भूप भामिनौ दोउ सुखद सुन्दर सुख जाये । कर्म क्रिया
सो करे तोषि याचक पहिराये ॥ पहिराये मन मोद चारिसुत
लखि सुख राजा । रानी परमहुलास दास दासी सब साजा ॥
साजा शहर अनन्द बड़ बाजा बहु बाजन लगे । सब कोउ कहत
सरप्रहिके भागभाल सुखके जगे ॥ १० ॥

भूसुर सुर गोधरनि सन्तः सज्जनके काजे । प्रभु धारयो तन
मनुज दनुज सुनि विकल सुलाजे ॥ लाजे खलगण मलिनन-
लिनद्विज उदय भानुकर । अघउलूक छपि गये तेज अहिपुर
सुरपुरधर ॥ सुरपुरधुनि कुसुमावली जयति राम रघुवंश जय ।
जय दशरथकुलकलश अवधनरनारि कहत भय ॥ ११ ॥

गृह गृह वजत वधाव नारि नर अवध अनन्दित । चौक
कलेश प्रतिद्वार लसत सुरतियगण बन्दित ॥ बन्दत सुर-
गण सुमुख बन्दिगण विप्रवेदधुनि । भरि भरि सुक्ताधार देखि
सुत भाग अधिक गुनि ॥ अधिक गान सोहत भवन रामजन्म
मङ्गल सजत । नरनारि वारि तन धन सबै सुरपुर जयदुन्दुभि
वजत ॥ १२ ॥

नाम धरयो सुनि हेरि राम पुनि भरत लप्रसव्वर । शत्रु-
घ्नन शुभनाम दीन मुनि लिखि भूपति कर ॥ भूपति रानि-
न दीन मगन तनु लहेउ सकल सुख । गान निशान समान
धरणि आकाश एक रुख ॥ एकटक निरखत लुपनगण मन
मलीन खलगण भये । चारि चारु सुन्दर सुवन सुकृत भूप
तरुफल नये ॥ १३ ॥

सुन्दर सुतवर गोद मोद भरि मातु दुलारत । निरखि दनव
छुविंसिन्धु सकल तन मन धन वारत ॥ वारै तनमन देव भूपके

भागै सराहत । शिव शनकादिक ब्रह्म चणद्विचय अनसुख
चाहत ॥ चाहत नित आवत अवध मङ्गलमय मूरति लखत ।
रामजन्यसुखरसरसिक तुलसिहाल नयननि चखत ॥ १४ ॥

साई बालक अनरखो दूध पिथत नहि साजु । रोवत
सोवत नैकु नहि दृष्ट नजरिकी साजु ॥ दृष्ट नजरिकी
साजु रहैं नहि बैठे ठाढ़े । वड़ो शोच उर भयो नीर नयन-
नते वाढ़े ॥ बाढ़े करुणा कौशलहि हाथ दिवावत धायकै ।
पालन गोढ़ पिआय पय राम सोवावत आयकै ॥ १५ ॥

शम्भू धारो अवध पग अङ्गहि भस्म लगाय । रामचन्द्र-
सुखसुधाकर चितचकोर ललचाय ॥ चितचकोर ललचाय
नाद मृद्वीकी कीन्है । घर घर आगम कहत बोलि कौशल्या
लीन्है ॥ कौशल्या गृह बोलिकै शुभ आसन आदर करयो ।
सुत पाँयनतर लाय माथ हाथ शम्भू धरयो ॥ १६ ॥

साई आळे गुण कहौ जो कछु यामें होय । सब गति जानत
सबहिकी तुमहि कहत सब कोय ॥ सब कोई परचौ कहत बड़े
योगनिधि योगी । जो मँगिहौ देहौ सोइ तोको करौ सुधाको
भोगी ॥ करौ सुधाको भोग जन्म भरि राम लक्षणके पाळे ।
सुनि सुनि बचन हँसत मन शङ्कर मातु बचन सुनि आळे ॥१७॥

साई बालक तोर यह बड़ो भागको मूल । धाके दर्शन जात
है सब अन्तरको झूल ॥ सब अन्तरको झूल हरी याते सुख पैहौ ।
ककु दिन बीते सुनौ एक मुनि सँग करि देहौ ॥ देहो मुनि
सँग लाय ब्याह पुनि पाती साई । दशरथ सुवन विवाहि सहित
घर ऐहैं साई ॥ १८ ॥

अद्भुत कर्मन करी सकल खलगण संहारन । सहि द्विज
पालहि सन्त शोच छुर करहि निवारन ॥ करहि निवारन दोष
मातुपितु आज्ञाकारी । तोरहि शिवको धनुष सुयश तिहुँ पर

विस्तारी ॥ विस्तारी सुख सम्पदा सुनु कौशल्या तोर सुत ।
वचन सृजा बोलल नहीं भानु प्रतीति सनेहयुत ॥ १९ ॥

कल्यो केकयी सुवनको लक्षण सबकर देखि । कौशल्या-
सुतभक्त यह मन क्रम वचन विशेखि ॥ मन क्रम वचन विशेधि
रामपद प्रीति सुहावन । सोवत जागत ध्यान नाम रसना
रसपावन ॥ पावन तिरहुति व्याहि हैं याते सुखसम्पति लहौ ।
सुयशसिन्धु साँचौ सुवन ससुक्ति देख आगम कहौ ॥ २० ॥

सुनहु लक्षणकी मातु सुलक्षणा सुवन तुम्हारे । निज भाव
नसों प्रीति प्रबल रणके जितवारे ॥ जितवारे बल बाहु गुणनि
पूरे सब भाई । राम सङ्ग शुभपुरी तहाँ सब होहि सगार्ई ॥
होहि सगार्ई जनकपुर जनककन्यका आनिकै । सत्य जानु
रानी वचन झूठ न कहौं बखानिकै ॥ २१ ॥

सुनती मन रानी मगन मुक्ता धार भराय । लेन कल्यो
हँसि कौशला रामहि दीन कुवाय ॥ रामहि दीन कुवाय हाथ
धरि देउ अश्रींशा । बालक रहु कल्याण डीठि मूठि डारहु
खीशा ॥ खीस करहु प्रभु रोग सकल मन्वन पढ़ि वानी ।
बोली डारे सुवन हाथ जोरे सब रानी ॥ २२ ॥

बोली योगी योगनिधि सुनहु कौशलामाय । डीठि मूठि
अनखानि अब देहौं सकल बहाय ॥ देहौं सकल बहाय
बाल कबहूँ नहिं रोई । पलका गोद हिंडोर सुमुख सब थल
शिशु सोई ॥ सब थल शिशु सुख रही होय नहिं कबहूँ रोगी ॥
भृङ्गी शब्द सुनाय चली मन हँसिकरि योगी ॥ २३ ॥

भूपति रानी मन मगन शिशु सब अतुल निहारि । गोद मोद
मन गावती राम दुलारि दुलारि ॥ राम दुलारि दुलारि वारि
तन मन सब डारै । लौरकर्मको सुदिन बैठि कलशुरुहि हँकारै ॥

शुरुहि हँकारि बिवेक सुफल करि मङ्गलवानी । गावहि गीत
विचित्र मोदमय भूपति रानी ॥ २४ ॥

सन्तोषे माँगन सकल शुरु लिय द्विज पहिराय । बालक
कोशलपालके चिरञ्जीव सब भाय ॥ चिरञ्जीव सब भाय देत
आशिश्र अनुकूले । नृप रानीके सुकृत सुतरु कहे अरु फूले ॥
फूले अवध नारिनर ले अति आनँद पोषे । नाक नगर सहि-
नगर नारिनर अनवाँछित सब तोषे ॥ २५ ॥

आँगन रानी चलन सिखावत चारो सुत कर लाय । गिरत
परत उठि चलत हँसत पुनि रोवत रहत रिसाय ॥ रोवत रहत
रिसाय काँगुली टोपी डारै । सुकृतमाल विदारि नयन भरि
नीर निहारै ॥ नीर निहारै हँसत सुनत अति तोतरि बानी ।
भजत भवनको पैठि धरत ले आँगन रानी ॥ २६ ॥

भूप हर्षि करवायो रुचिसों कर्णवेध उपवीत । छोटे
धनुष बाण कर लौन्हे समुझन लागे नीत ॥ समुझन लागे
नीति वेद विद्या शुरु दीन्ही । धर्म कर्म गति अगति स्मृति
श्रुतिमग जेहि कीन्ही ॥ श्रुतिमग जेहि कीन्ही जगत जाहि
सिखाये सब सिख्यो । धर्म प्रकट जग करनको परब्रह्म
नृप घर बख्यो ॥ २७ ॥

जाके नामप्रभावते जन्ममरणदुख जाय । वेद शेष शारद
शिवा शिवको अगम दिखाय ॥ शिवको अगम देखाय भेद ब्रह्म-
हु नहि पायो । भक्तनके हित सोय कौशल्या उरमहँ आयो ॥
कौशल्या के उर बसे दशरथसुत कहि गावते । काम क्रोध अँद
लोभ दुख नाशै नामप्रभावते ॥ २८ ॥

विश्वामित्र महाऋषय विपिन बसै मुनि सङ्ग । योगयज्ञ
होमादि व्रत करत दनुज खल भङ्ग ॥ करत दनुज खल भङ्ग
हृदय मुनि मन्त्र विचारयो । हरि अवतरे सुअवध हरन सहि-

भारन भारो ॥ भारो सुख उपजायकै हरि होई नयननि
विषय । सरयूसरि खान करि गे दरवार महाद्वय ॥ २८ ॥

सुनि राजा सहसा उठे मिले धाय परि पाय । लै साथे
भीतर भवन शुभ आसन वैठाय ॥ शुभ आसन वैठाय नारि
युत मुनिवर पूजे । उदय भयो निज भाग मोहि लस सुकृत न
दूजे ॥ दूजे आपुन जानिये पदरजको सेवक सदा । कहिय
रूपा करि काज निज करहुं तुरत मङ्गलप्रदा ॥ ३० ॥

सुनि भूपति द्विज मिल गाय महिशोच निवारण । अम
आश्रय खल दनुज करत उतपात अपारन ॥ पार न पावहि मुनि
विकल रथन दिवस सङ्कट परै । धर्मजात श्रुतिसेतु सकल
बल खल हरै ॥ हरै विपति दारुण जबै राम लक्षण जो देहु
अति । तुम कहैं यश इनको सुफल गुनहु न मन सुनि भूमि-
पति ॥ ३१ ॥

सुनतै राजा सुखि गो कमलवदन कुण्डिलान । नाहक
अनि दाहरो हृदय साँगहि जीवन प्रान ॥ साँगहि जीवन प्राण
राम लक्षण मिलि देऊ । जाहि निरखि रहै नयन पलक
निरखत नहि लेऊ ॥ लेऊ अथश पातक सबै सुनि मुनि मनमें
गुणि कहै । साँगहुं तन धन धेनु अहि राम दिये किमि तनु
रहै ॥ ३२ ॥

कह बशिष्ठ राजा सुनहु सुत मुनिपतिकहैं देहु । इनको
रूपा रूपालकी कुशल आय हैं गेहु ॥ कुशल आय हैं गेहु दनुज
सब करहि संहारन । सिद्ध शुद्ध करि होम सुयश जगमें विस्ता-
रन ॥ विस्तारन मङ्गल सुवन आन आति नहि अन गुनहु ।
सौंपहु विष्णामित्तको कह बशिष्ठ भूपति सुनहु ॥ ३३ ॥

गुरु बशिष्ठके वचनको कैसे तजै नृपाल । राम लक्ष्मणको
बोलिकै सौंपे मुनिहि रूपाल ॥ सौंपे मुनिहि रूपाल शीश सब

सभा नवाधो । कौशिक द्वियो अश्वीष मनहुं जप तपफल
पायो ॥ पय बहाय बारिजनघन उठे सौन धरि भवनको ।
उत्तर कछु न मुख कढ़ो गुरु बशिष्ठके बचनको ॥ ३४ ॥

वेदमन्त दै सकल अज्ञ शत्रु नके मारण । नौद भूख अरु
प्यास चास सब अशुभनिवारण ॥ अशुभनिवारण पय सुपथ
सङ्गलस्य सुन्दर । बड़ो भाग निज समुक्ति करत आयसु प्रभु
सादर ॥ सादर पूछत वेदगति मृग तरु भूधर भूमितल । पाठ
करावत गुण कहत वेदमन्त दै दै सकल ॥ ३५ ॥

मारो बीचहि ताड़का एक बाण श्रीराम । मुनि चितवत
चकत खड़े गर्द हर्षि सुरधाम ॥ गर्द हर्षि सुरधाम रामको
मुनि मन चीन्है । आश्रम निज प्रभु पूछि यज्ञ आरथित
कौन्है ॥ कौन्है यज्ञ अरथ प्रभु धनु धरि बाण सुधारिकै ।
खल सुबाहु मारीच सँग धायो धूम निहारिकै ॥ ३६ ॥

दल मारे सब लप्रण अनलशर जारि सुबाहै । प्रभु मारीच-
हि उदधि पारकरि बाण चलाहै ॥ बाण चलाहै अफल सुफल
करि होमविधानै । वर्षत सुर शुभ कुसुम अश्वीषत रुपानि-
धानै ॥ रुपानिधानहि जानिकै यज्ञभाग दै अमिधफल ।
धनुप्रयज्ञबल जनकके चले राम ऋषि त्यागि छल ॥ ३७ ॥

गौतम ऋषिकी भासिनी तनपयाण जेहि ठौर । गये लप्रण
रघुवंशमणि मुनि कौशिक शिरसौर ॥ मुनि कौशिक शिर-
सौर पूछि बुक्तो सब कारण । दारुण दाह विचारि पाँव धरि
कौन्है निवारण ॥ कौन निवारण पाँचको जय कहि उठि
वृत्ति दासिनी । तुलसी बिनती सृष्ट करत गौतम ऋषिकी
भासिनी ॥ ३८ ॥

जय जय जगदात्तार प्रभु हरण घोर सहिभार । दीनबन्धु
दानव दहन सब गुण रूप उदार ॥ सब गुण रूप उदार भजत

शिव शुक सनकादी । पावत थाह न चरित मध्य अन्तहु नहि
पादी ॥ आदि जन्म जड़ कुकलकरि भई श्राप पापदमई ।
आजु परसि पदपन्नरज राम सुकल अन्दिर भई ॥ ३८ ॥

शापपापको दुर्ग कठिन रचि कर्मन राख्यो । मन बुधि चिद
हम शृङ्गभरे अघवस्तुनि चाख्यो ॥ वस्तु सकल अलराशि काम
मद दस्य सुभटघन । सुकत सत्यरण जीति कर्मको असल सबै
तन ॥ तन पग सुरगुण गाय प्रभु रजवत्तद लख अनल गहि ।
रिपुहि सहित मम कर्म न्यप श्राप पापको दुर्ग दहि ॥ ४० ॥

अभिमत फलदातार देवतसुवर समकारन । कर्मकुप्रतिमल
लाग कृपाकरि कौन निवारन ॥ कौन निवारन पाप भई मुनि
वरकी भासिनि । अत्र वर दीगिय मोहि चरणरति दिन अरु
यासिनि ॥ दिन अरु यासिनि रत रहौं चरण हरण बहि-
भार हो । बुलसिदास वर पाय कहि जय रघुपति दाता
रहौ ॥ ४१ ॥

लखि गति सुर मुनि हर्षि बर्षि शुभसुमन सराहत । अश-
रणाशरण समर्थ घोर भवसिन्धु निवाहत ॥ सिन्धु निदाहत अग-
मसुगम बरदायक लायक । कुप्रति कुकर्म कुरैख कपट कलि-
कलुषनशायक ॥ कलुषनशायक राम प्रभु बुलसिदास भजि तजि
करष । मन बच उर कर्मनि भजहु लखि गति सुर मुनिमन
हरष ॥ ४२ ॥

चले हर्षि मुनि सङ्ग रामलक्षण मगमाहीं । बर उपवन
सृग विहंग विटप लखि पूंछत जाहीं ॥ पूंछत मुनि सब कह-
त न्हाय सुरसरि रघुराई । कहत कथा इतिहास जनकपुर
पहुंचे जाई ॥ पहुंचे प्रभुपुर निकट लखि वाग तडागनि अति
भले । खगसृग मधुप लभाजयुत जनकनगर देखन चले ॥ ४३ ॥

वापी सुभग सरोजयुत सरवर विविध मराल । मानौं

आगच्छित मानसर शोभा देत विशाल ॥ शोभा देत विशाल
विमल जलसुधा सपूरे । अतिगण्य पुरट बंधान नारिनर मञ्जत
भूरे ॥ मञ्जत सुर सुनि आय जनु पर्व मानसर पाय जग ।
लहत चारिफलराशि जलजापी बापी सर सुभग ॥ ४४ ॥

सुन्दर चहुँ दिशि वाग वन कुसुमित फलित अपार । जनु
सुरधरकौ बाटिका बसौ सहित परिवार ॥ बसौ सहित परि-
वार कौरकोकिलधुनि राजे । अधिकन लैत बुलाय त्रिविध
विधि पवन सम्राजै ॥ पवन सम्राजै सुरभि सुख जनु वसन्त
कतु गृह लघन । कह कुलसिदास प्रभुपुर निरखि सुन्दर चहुँ
दिशि वाग वन ॥ ४५ ॥

परे नृपति सजि सैन सत्त गज रथ हथ राजत । नृत्य गान
सुख शान सुभग दुन्दुभि वर बाजत ॥ बाजत बन्दी सूत यथ
यूथनि भट गाजै । वनितादिक शुभ गान करहि सुरतिय लखि
लाजै ॥ लाजै लखि अमरावती सुरपुरकौ शोभा हरे । विवि-
ध वृन्द वृन्दादि धुर सैन साजि जनपुर परे ॥ ४६ ॥

धवल धाम चिलनिखचित कलश मनहुँ रविज्योति ॥
जगमगात खसानि पुरट प्रकट दामिनी होति
प्रकट दामिनी होति शोति अणि कालक करोखनि । मामिनि
भूषण सजत मनहुँ सुरतियतन धोखनि ॥ धोखनि तन सुर-
बास सब धाम धाम सब थल नचति । जनकनगर छविमय
चकत हाट वाट अणिमय खचति ॥ ४७ ॥

सुनि अवन न नरपाल ऋषय आगमन अनन्दित । भूसुरवर
गुरु ज्ञाति साथ सुनिपद धिर बन्दित ॥ बन्दित नृपहि
विलोकि मिले कौशिक सुनिनायक । अये विदेह विदेह निरखि
दोउ सुत सब लायक ॥ सब लायक रघुनाथ कहि नरपति

निरखि विशालको । देखि आनुज्जलभूषणहि तनमनवय नर-
पालको ॥ ४८ ॥

निबधराव भये प्रेमयके निरखत तनमोभा । लोचन भये
चकोर रामसुखमशिरस लोभा ॥ लोभा सकल समाज
परस्पर चाहत रामै । धीरज धरि कृप कहत वृष्टि सुनि सब
गुणधामै ॥ सब गुण तेज प्रतापमय काके सुरतरुफल नये ।
कहिय कृपाकरि कृपानिधि ये बालक काके भये ॥ ४९ ॥

कै सुनिमखि कृपमखि किधौं योग यज्ञफल प्राहि । गण-
पति पद्मपति लोकपति सब संशय मनमाहि ॥ मन लंशय
मनमाहि ज्ञानगति गिराविनाशौ । वरवस इनवष्य होत तजल
सुखरस अविनाशौ ॥ अविनाशौ अवलोकिये युगलरूप निज
संगरधौ । कहिय प्रकट सन्देह मन कै सुनिमखि कृपमखि
किधौ ॥ ५० ॥

जपतप ब्रतरतधर्या जगत जहँलखि शुभकर्मनि । दयाच-
मादकनेमक्रिया आचार चार गनि ॥ चार वेद सब भेदयोग
लिखि साधत योगी । आतय अनुभवरूप ब्रह्मरुख पावत
भोगी ॥ पावत भोगी योगवष्य सो प्रकटत कबहुँक हिये । सो
फल सुनिनायक किधौं जप तपबलने प्रकट किये ॥ ५१ ॥

अलख अगोचर रूप हरि जो वरणात श्रुति शेष । जानै
हित विवि देव सुनि ध्यावत गणप सहेश ॥ ध्यावत गणप सहेश
योग बलन नहि पावत । जपतपबत कृतकर्म धर्या धन हृदय
वसावत ॥ हृदय बसत बहुरूप जब सकल सिद्धि सब सुख भरि ।
प्रकटी कौन सोइ रूप मुनि अलख अगोचर भूपहरि ॥ ५२ ॥

कौशौं भदन विशेष संग सुनिनायक वष्य कौन । ऋषि
तपतेजप्रतापते सेवत पदलवलौन ॥ सेवत पदलवलौन
अशुको वैर सँभारौ । चाहत आपु सहाय भक्त मनमाँक

विचारो ॥ चारो विधि सेवासजै युगलरूपरुवि देखिये ।
दारदार भूपति कहैं सुनि मुनि मदन विशेषिये ॥ ५३

सदा ज्ञान वैराग्यसों रखोरहत मन सोर । प्रह्न सच्चिदा-
नन्दधन चितवत चन्द्र चक्षोर ॥ चितवत चक्र चकोररूप हरि
सुखलधि रानो । निरखत बालक नयन तीन सुख जात न
जानो ॥ जात न जानो ब्रह्मसुख छत्रो प्रेम अनुरागसो । सो मन
इनके बध रखो लखो न ज्ञान विरागसो ॥ ५४

सुनत भूपके प्रिय वचन पुलकि कहैं मुनिराज । जो कहु
कहौ सुसत्य सब तुमहि विदित सब काज ॥ तुमहि
विदित सब काज राज दशरथके जाये । मखहित पावे
मांगि आपुके नगर सिधाये ॥ नगर सिधाये आपुके राम
लक्षण धनुषर धरे । सहिरचक भक्तक असुर सुनत भूप आनंद
भरे ॥ ५५ ॥

भाग जानि अनुराग नृप चले लिवाय निकेत । आदर
आश्रम आनिकै पूजे प्रेम समेत ॥ पूजे प्रेम समेत निरखि
नर नारि सुखारी । रघुहालभूषण देखि सराहत सुकत
सँभारी ॥ सुकतपुञ्ज राजा जनक कहि पर नर पद लागही ।
को जानै काके सुकत याग भाग अनुरागही ॥ ५६ ॥

कमलनयन श्रीरामरुवि धरकतमणि घनश्याम ।
सुभग गौर लक्षण दहन दामिनि वरण ललाम ॥ दामिनि
वरण ललाम अङ्ग अगणित रुवि सोहैं । जनकनगर नरनारि
चकित अद्रुत रुवि जोहैं ॥ जोहैं मन मोहैं सकल को है पाव
पार कवि । तुलसिदास बैननि कहै कमलनयन श्रीराम-
रुवि ॥ ५७ ॥

देखे मुनिसँग आज री बालक युगल अनूप । श्यामगौर-
सुन्दर बदन मनहु मदन युगरूप ॥ मनहु मदन युगरूप विरचि

विधि स्वकर बसाये । निज सूक्तके पुञ्ज जनकपुर देखन आये ॥
देखन आये कुवँर दोउ विधि रचि राख्योकाज रौ । सियवरथोग्य
संयोग यह समुक्ति देखु सहि आज रौ ॥ ५८ ॥

अपर कहत सखि सत्य है एक कठिन दृढिकर्ष । प्रण
विदेहको धनुष यह उठै न गिरिसमधर्ष ॥ उठै न गिरिते गह
वाल मृदु अतिसुकुमारे । सो असमञ्जस कठिन सेटि को योग
सँवारे ॥ साँवर कुवँर प्रतापवल सुनिगण कहत सुसत्य हैं ।
शश्वप्रताप विदेहको पुख्य भञ्जि धनु सत्य हैं ॥ ५९ ॥

आयसु पाय सुनौशको भोर लक्षण रघुराय । सुमनहेत
उपवन गये श्यामगौर दोउ भाय ॥ श्यामगौर दोउभाय जानकी
जाय निहारे । गिरिजापूजन हेत मध्य उपवन पग धारे ॥
पग धारे नयननि लखे राजकुमार निहारिके । सो सुख तुलसी
कहै किमि कहि न जाय सुख चारिके ॥ ६० ॥

रामसियाको मिलनसुख वेद न पावहि पार । प्रीति प्रेमपर-
मिति सुमिति प्रीतमगति रतिसार ॥ गतिरतिसार विचार
कहत थकि रहत विचारी । सो भैं कहौ विवेक कवन मति गति
संसारौ ॥ मतिगति शङ्कर शारदा कहि न सकत सुखसरसको ।
दुखसिदास केहि विधि कहै रामसिया सुखदरशको ॥ ६१ ॥

पूजि विविध विधि पाँय परि विनती सौथ सुनाय । आदि
अन्त लयलोक तू स्वबशविहारिणि माय ॥ स्वबशविहारिणि
साय मनोरथ जानति हीके । प्रकट प्रभाव प्रताप अगम बरदान
शचौके ॥ शचौ शारदा हरितिया सेय सेय सब सुकभरि ।
जय जय जय गिरिपतिसुता विविध विनय सियपायँ परि ॥ ६२ ॥

वचन प्रसाद सुपाय सिय हर्षि चली निजधाम । सो छवि
हृदय निरूपकरि गुरुपहँ गवने राम ॥ गुरुपहँ गवने राम
जानकी भवन सिधार्थ । सुमन दिये मुनि हाथ रोम कहि कथा

सुनार्हे ॥ कथा सुहार्हे सुनत सुनि सतानन्द आवत भये ।
जनकविनय कहि सोद लहि रामलषण आशिष दये ॥ ६३ ॥

आजु भूप बनि बनि चले रङ्गभूमि शिरमौर । पावक पानी
पवन यहि सुर नर सुनि द्रकठौर ॥ सुरनर सुनि द्रकठौर
आपुको जनक बुलायो । कौतुक देखन चलिय सतानन्द वचन
सुनायो ॥ वचन कहे सुनि रामसो चलहु तात अवसर भले ।
काको यश दशदिशि विहित आजु भूप बनि बनि चले ॥ ६४ ॥

राम लषण कौशिक सहित सतानन्द अगवान । चले रङ्ग-
भूमिहि सकल मङ्गलसोदनिधान ॥ मङ्गलसोदनिधान
नारिनर गृह तजि धाये । नगर बगरसँ बाल भूपसुत देखन
आये ॥ देखि जनक परि पगनि पूरि प्रेस आनन्द लहित ।
आसन आदर देयकरि रामलषण कौशिक सहित ॥ ६५ ॥

रामरूप नृप देखिकै द्युति मुखकी भइ लीन । रवि-
प्रताप निरखत मनौ उडुगनज्योति मलीन ॥ उडुगनज्योति
मलीन दीन बलहीन बिराजत । जड़खलदल दलमलीउ साधु
सुर सज्जन गाजत ॥ गाजत हुन्दुभि सुमन सुर मगन नारिनर
पेखिके । एकित चकित पल नहि लगत रामरूप नृप
देखिके ॥ ६६ ॥

जो जाके उर भावना देख्यो रामशरीर । कोउ शिशु कोउ
प्रभु मिलि शरि स्वाभि सखा बलवीर ॥ स्वाभि सखा बलवीर
धीर धरि प्रभुहि निहारै । वर्षत सुर शमशुसुम देव सुनि
जयति उचारै ॥ जयति उचारि समाज लाखि जनक बुलाई
जानकी । सतानन्द आनी तुरत खानि सकल कल्याणकी ॥ ६७

मिथिलापुरके नारिनर सिय रघुवीर निहारि । विनती
करहि विरञ्चिसन अञ्चल अञ्चलि धारि ॥ अञ्चल अञ्चलि
धारि देहु बरदान विधाता । राम जानकी योग्य जोरि मिल-

बहु यह नाता ॥ नात जुरै नृपप्रण टरै भूपति जाय लजाय घर ।
यह संयोग विचारि कहि मिथिलापुरके नारिनर ॥ ६८ ॥

माल जलज युग हाथ अतुल छवि सिध पग धारी । जगत-
जननि सुखखानि निरखि मोहे नरनारी ॥ नारि मध्य बर
जानकी रघुवर पद अनुराग हिध । देखत सुर नर लुनि मगन
दौन्दे नयननिसेख सिध ॥ त्यागि सकुच रामहि लखे नयन
मैं दि छवि हृदय भरि । रङ्गभूमि सिध पग धरे जलज माल युग
हाथ धरि ॥ ६९ ॥

जनक बोलि बन्दौ सकल कह्यो कहौ प्रण जाय । देव
धनुष जहिपति मनुज सबको देछु सुनाय ॥ सबको देहु सुनाय
भाट दश सहस्र सिधाये । चहुँ दिशि हाथ पसारि सुनहु
भूपति चित लाये ॥ चित लाये प्रण जनकको धनुष धर्यो यह
रङ्गयल । कर उठाय भञ्जै नृपति वरै जानकी वाहि
पल ॥ ७० ॥

हरिगिरिते गरु जानिये कमठपृष्ठते खोर । महिलेंग
रच्यो विरञ्चि जनु सकल वज्र तनतोर ॥ सकल वज्रतन तोरि
योरि लुरि गये दधानन । बायासुरसे सुभट भये भञ्जित कहु
जानन ॥ जान न कोउ याको मरम भिवहि छाँड़ि को तानिये ।
निजबल हृदय विचारिकै हरिगिरिते गरु जानिये ॥ ७१ ॥

नृपसमाज प्रण कहत हौं रेखा वचन खँचाय । रङ्ग राज
शिरताज सोद ले है धनुष उठाय ॥ लेहै धनुष उठाय जगत-
मेह कीरति होई । जयमाला उर डारि जानकी व्याहै सोई ॥
सोद धनु धरि बल समुक्ति निज सुखमें कारिख नहि लहौं ।
बीर धीर धनु सो गहै नृपसमाजमें प्रण कहौं ॥ ७२ ॥

नहिं छीवै कर धनुष ये सबको कहौं बुझाय । जिन भूप-
न रण मखिडकै रिपबल देखि भगाय ॥ रिपबल देखि भगाय

गाथ द्विज सन्त न मानहि । परतिय परधन हेत देत शठ हठ-
बध प्राणहि ॥ प्राणहि देत समर्पिकै ममताबध पातक बये ।
कारिख लागहि सुखनमें नहिं छीवै कर धनुष थै ॥ ७३ ॥

ऐसे नृप धनुका धरें सुनहु सकल सहिपाल । प्रजादृष्ट
परचण्ड अघ दान न कवनेहुं काल ॥ दान न कवनेहुं काल देव
गुरु पित न मानहिं । श्रीमदत्ते मदअन्ध वेदको पन्थ न जानहिं ॥
जानहिं मातु न पितु धरम कर्म वचन पातक करै । कारिख
झुलहिं लगावहीं ऐसे नृप धनुका धरें ॥ ७४ ॥

ऐसे नृप धनु ना गहौ मानहु बचन प्रतीति । पुर बेरहि
लावहिं अनल राखहिं नहीं समीति ॥ राखहिं नहीं समीत
भीत भन्ती हित तोरै । पातक बाँधै सेतु पुढ्यसरि सर वृत्ति
भोरै ॥ मान मर्दि द्विज धन हरै तिय बालक बध झुल दहौ ।
कहाँ पुकारि पसारि कर ऐसे नृप धनु ना गहौ ॥ ७५ ॥

समुक्ति भूप धनुषहि धरौ निजझुलबलदल देखि ।
मातु और पितु और है धर्महि तजे विशेखि ॥ धर्महि तजे
विशेषि शूरकौ लीक न जाकौ । शत्रु समर बलवन्त तेग
लीक्षण नहिं बाँकी ॥ बाँकी कोरति चन्द्रसी जगत उजेरो नहिं
करौ । भाट कहत प्रण खाँचिकै समुक्ति भूप धनुषहि
धरौ ॥ ७६ ॥

धनुष आँगुरी जनि लुयो बल झुल आपु निहारि । सत्य
सुरुत त्यागे हृदय कहत असत्य विचारि ॥ कहत असत्य
विचारि नारिबध ब्राह्मण कीन्हौ । आगतको सङ्गलि ऐं चि
द्विज सुखतै लीन्हौ ॥ द्विजमुख दरशन करि भरयो दानि-
शिरोमणि यज्ञ लियो । बदन रदन मसि लागि है धनुष आँगुरी
जनि लुयो ॥ ७७ ॥

शेष समान नरेश सो धरै भूमिको भार । जाको मानु

समानको तेज प्रताप एषार ॥ तेज प्रताप एषार चन्द्र सम
 पौरुषि भारी । पायक सम बुद्धिवन्द पदतरीं नल अधिकारी ॥
 यह अधिकारी प्रजननी बुद्धि प्रकाश जखेसली । सो धनु
 कुर्वे शहेसको श्रेष्ठ सुमान नरेस सो ॥ ७८ ॥

यहि प्रकारके वृष धर शिवपिनाक परचख ॥ जाके
 सत्य प्रतापकी ध्वजा दीपनवखण्ड ॥ ध्वजा दीप नव खण्ड
 सुप हरि चन्द्रसो होई । एधु रघुवान दिलीप लगर जंगुमान
 सो कोई ॥ कद्वय याति सुनाशिसे शिविदधीच वृष उचरै ।
 बार बार प्रण उचरौं यहि प्रकारके धनु धरै ॥ ७९ ॥

कौनारायण धनु धरै जाको प्रबल प्रताप । धरौं मेरु
 चन्द्र सही मथेठ सिन्धु करि दाप ॥ अथे सिन्धु करि दाप
 प्रबलद्विरखाचहि भारी । सुरमधुकैटभ बधन सुयध जगमै
 विदारौ ॥ विविध भांतिवसुधा सकल तुलसी प्रतिपालन
 करै । दुखो होय वृषहृष धरि सो नारायण धनु धरै ॥ ८० ॥

विधि समान पर चख सो आयोहीय समाज । ज्यहि जनकी
 रचना करि सरिसर गिरि गजराज ॥ सरि सर गिरिगजराज
 लखुद्र सातहु जिन बांधे । ऊंच नौच जग सृष्टि प्रबल बलते
 ज्यहि साधे ॥ साधि वेद चारी सुखनि रचो सकल ब्रह्मा-
 खसो । यह कोदख सोई धरै विधि समान परचखसो ॥ ८१ ॥

कौपनि अङ्गर धनु धरै ज्यहि विष कौनो पान । सिपुर
 द्रवुज दाहन जगत हतो एकहीवान ॥ हतो एकही वान सदन
 लन रिसमै जागौ । चन्द गगन शिर धरै शूल मूरज ज्यहि
 भारी । भारी दुख सब जगतको जगत सदै पलमै हरै ।
 आयोजी वृष हृष धरि कौपनि अङ्गर धनु धरै ॥ ८२ ॥

गणनायक सो होय जो सो धनु धरै प्रजान । जाको पूजै
 प्रथम सुर विघ्न हरणकीवान ॥ विघ्न हरणकीवान ध्यान हरि

हर विधि साध । ज्यहि सुमिरणते सिद्ध सिद्धि योगहि अवरार्थे ॥
अवरार्थे गिरिजा सुवन फल पावहि सुखजोहि जो । सोपिनाक
यह कर धरै गणनाथकसो होयजो ॥ ८३ ॥

अग्नि सूरज दिगपाल सब सुर सुरपति महिपाल । यत्न
सर्प गन्धर्व सनु सनुज दनुज यमकोल ॥ सनुज दनुज यम
काल पिह मुनि सिद्ध समाजै । गिरि समुद्र वसु मरुत जहाँ
लगि सकल विराजै ॥ सकल विराजै सब सुनत ज्यहि बलहोय
सो उठहु सब । धरि धनु प्रण पूरो करौ अग्नि सूरज दिगपाल
सब ॥ ८४ ॥

बैठकते उठि उठि सजे सुनत भाटकेबैन । अभिमानी
जानीमहिप कियो हिये अतिचैन ॥ कियोहिये अतिचैन देवबल
दृष्ट सभारो । कटिपट दृढ़ करि दृष्ट सुजनि को जोर
प्रचारो ॥ जोर प्रचारि निहारि भट अरुण नयन आसन
तजे । कहाँ धनुष तृण प्रणकहाँ बैठकते उठि उठि सजे ॥ ८५ ॥

धनु न नयो वर कटि नयो तमकि छुये धनु आनि । पाँव न-
वै शीशहु नवै भई प्रबल बलहानि ॥ भई प्रबल बल हानि मान
सुख कोसन सूख्यो । तनमेंचल्यो प्रखेद अधर दल विद्रुम
लह्यो ॥ लह्यो विद्रुम वदनभो देह दशाविद्धल भयो । लोचन
अन दूनो नये धनु न नयो कर कटि नयो ॥ ८६ ॥

एकतजै एकै धरै करै अनेक उपाय । बैठे ठाड़े अर्ध धरि
धनुक हुँचाउनखाय ॥ धनुक हुँचाउनखाय विरध वन्दौगण
बोलै । बैठहिं शीश नवाय नयनपलकै नहिं खोलै ॥ नयन
करेरेभाट कहि सातु जनैकहुंतरु तरै । कोदौ कणै अहारकै
एकतजै एकैधरे ॥ ८७ ॥

धनु धनसबको हरि लयो मति गति नामसदाप । यश कौ-
रति बल बीरता धीरज तेज प्रताप ॥ धीरज तेज प्रताप निधम-

व्रत धम सुकर्मनि । अस्त्र शस्त्रकीहारि रूप वृत्ति लाज काज
गनि ॥ लाज काज परगाज धरि राजनि धनु कर सो हियो ।
रौते वीते सत्र भये धनु धन सबको हरि लियो ॥ ८८ ॥

गाजि गाजि धनुकर धरयो लाजि लाजिगेथाजि ।
लाजिसाजि बल दल सबै राजा राज समाजि ॥ राजा राज
समाज भये सुख गोवन लायक । सम्पति सबै गँवाध करयो
शङ्कर धनुधायक ॥ धायक आसन परगये जनुतनबल धनु
हलि हरयो । लाजि लाजि बैठे सकल गाजि गाजि कर धनु
धरयो ॥ ८९ ॥

धनु सुमेरते गरु भयो उठै न कोटि उपाय । तिल न टरे
भूपति करै धरै अरै लपटाँय ॥ धरै अरै लपटाँय जायँगहि
अधिक धरामैं । जस्यो शेषके शीघ्र ईश जनु चढ़यो कलामैं ॥
कलाखप कैलासको धरणि रूप धनुको लयो । उदय अस्त-
गिरि भार धर धनु सुमेरते गरु भयो ॥ ९० ॥

क्रोध बचन बोले जनक नृप बल पौरुष देखि । प्रण
प्रसाय देखन सबै जाये भूप विशेषि ॥ जाये भूप विशेषि
अनुज सुर असुर सभामैं । तिल धरि सकैं न टारि अंधु धनु धरयो
धरामैं ॥ धरा नछटी धनुषते बल न करयो भूपति तनक । वीर
धीर धरणी नहीं क्रोध बचन बोले जनक ॥ ९१ ॥

प्रण हमार मिथ्याभयो जाहु सकल नृप धाम । विधि नर
च्यो वै देहि वरु पुरुष न कोऊ बाम ॥ पुरुष न कोऊजान तो
तौ प्रण यह धरतो कहा । कन्या रही कुमारी यह भई हास्य
जगमेंमहा ॥ हास्य भई बसुधा सकल शूरहीन सब जगठयो ।
जनक सभामैं कह बचन प्रण हमार मिथ्या भयो ॥ ९२ ॥

लप्रण लालको लालमुख सुने जनकके बैन । फरके अधर
प्रलापको अरुण भये द्रुउनैन ॥ अरुण भये द्रुउ नयन जोरि

करभे उठि ठाढ़े । कहया निधियो और बचन बोली रिस बाढ़े ॥
बाढ़े रिस कह सुनु जनक बचन कहौ रघुवंश सुख । राम
कपालु समाजसहै लखस लाल कह लाल सुख । ६३ ॥

कहाधनुष जीरण धरौं यह पुत्रमारज कौन । प्रभु
आयसु पावौं तनक धरौं चौदहौंभौन ॥ धरौं चौदहौंभौन
सही बट बट पद फोरौं । सन्दरसेह उपारिसमुद बहुधा
लव वोरौं ॥ बहुधा वोरौं ससुदसैं ससुदरसातलसैं भरौं ।
शेषकेश धरि सहिकरणि कहा धनुष जीरण धरौं ॥ ६४ ॥

सहित उठाउँ धनुष यह जो प्रभु आयसु होय । दिग्गज
चारि एकत्र करिसहीवरन पुनिसौय ॥ सहीवरनपनि
खैकिलोक चौदहधरि जानौं । हिमिगिरि शर कैलास
धनुष ऊपर धरितानौं ॥ तानौं सकल समाज वृष चढ़ि
चढ़िडारहुँभार कह । धाय सहस योजनसही सहित उठा
वौं धनुष यह ॥ ३५ ॥

जनक हिये लक्ष्मणे सहभिडरे सकल सहिपाल । दिग्गज
धरयल कुटिगो भयते दिशि यमकाल ॥ भयते दिशि यम
काल जानकी हिय हर्षानी । गुल रघुपति मन तोष कहौ
सुन्दर सुदु वानी ॥ सहिकंपतिप्रण लखके सूरजके मन सुख
धयो । सभा सशंक प्रमाण सुनि जनक शीघ्र सङ्गच्यो
नयो ॥ ६६ ॥

कौशिक मुनि आयसुदयो सुनहु राम रघुवीर । धनुष
उठावहु नाम कर हरहु जनककी पीर ॥ हरहु जनककी
पीर सभाको शोच निवारो । सुर सज्जन सुख लहहि
दुष्ट सुखकौजिय कारो ॥ कारो सुख सहिपाल सब ज्यहि
धनु निज करसौं कियो । सोधनु करौ सृषाल इव कौशिक
मुनि आयसुदियो ॥ ६७ ॥

करि प्रणाम रघुवंश भणि उठे यथा सृगराज । आघ-
 रु पाँजिउ जोरि कर सुमना छदि शिरताज ॥ सुमना छदि
 शिरताज संचते चले गोसाँई । पुर जन पुण्यसँभारि
 सँभारि देव वृन्दुभि बजाई ॥ वृन्दुभि बाजीं अति घनी वन्दीजन
 धन्य धन्य भनि । सध्य वेदिका पर गये करि प्रणाम
 रघुवंशभनि ॥ ६८ ॥

पटकत धनु लक्ष्मण लख्यो जान्यो प्रभु मन वात । कखो
 दरणि धारी सबै सजगहूजिये गात ॥ सजगहूजिये गात
 धनुष कौधकादरेरो । जो भहि चलीतौ सृष्टि विकलता
 सबको हेरो ॥ हेरोसैं रघुवंशाभणि लेत धनुष मनमें सखो ।
 लटकत सही संभारियो पटकत धनु लक्ष्मण लख्यो ॥ ६९ ॥

वाम अंगूठा पांचदवि वाम हाथ गहलीन । दमक
 दाहिनी ज्यो करै सबके नयन मलीन ॥ सबके नयन
 मलीन खैचि कीनी नभनाई । शब्द रखो ब्रह्मांड खण्ड
 द्वै धख्यो गोसाँई ॥ धरयो गोसाँई शंभु धनु शब्द सुने योगी
 जगे । खण्ड खण्ड धनु तन भयो वाम अंगूठारे
 लगे ॥ १०० ॥

शिव शिव वृषभ पुकारई धनुष शब्द सुनि घोर ।
 दिग्गज दिग्पालन भयो हृदय कस्य अति जोर ॥ हृदय
 कस्य अति जोर कस्य कैलास ईशयल । शिव शिर सुर
 सरि धार उछलि आकाश गयो जल ॥ गयो सुजल आकाश-
 यल उमा गणेश विचारई । कहा भयो कैसी भयो शिव
 शिव वृषभ पुकारई ॥ १०१ ॥

जय जय जय रघुवंश भणि सुर फूलन वर्षाय । वेद
 विप्र वन्दी विरद नारी मङ्गल गाय ॥ नारी मङ्गल गाय
 सिया जयमाल उठाई । शोभित प्रभु उर मध्य विश्व कीरति

जनुछाई ॥ कीरति गावहि सिद्ध मुनि बल प्रताप छदि
रूप भनि । सतानन्द आनन्द कह जय जय जय रघुवंश
भनि ॥ १०२ ॥

नृपगण भये मलीन सब सन्त भये आनन्द । जनक
शोच संकट गयो सिया मातु सुख वृन्द ॥ सिया मातु सुख
वृन्द निछावरि मणिगणदेहीं । रामसियाछवि देखि प्रेम
वशकीन न केहीं ॥ कीन न केहीं दान सब समय शंभु धनु
टूट जब । तुलसिदास संकट गये नृप मन भये मलीन
सब ॥ १०३ ॥

महा मोद मिथिला पुरी राम कियो धनुभङ्ग । खल
मलीन सज्जन सुखद सुरसु सुमन शुभरङ्ग ॥ सुरसु सुमन
शुभरङ्ग कपट भूपति मन भाखे । लक्ष्मण उठे सन्नोध राम
भारत बचि राखे ॥ बचि राखे रघुवौर नृपतिथ प्रकटीं
जुहुतींदुरी । राम सिया जोरी निरखि महा मोद मिथिला-
पुरी ॥ १०४ ॥

कर कुठार परशु रामके आयै सुनि धनु भङ्ग । गौर
रूप अनुरूप शिवजटा भस्त्र सर्वग ॥ जटा भस्त्र सर्वग
देखि सकुचे सब राजा । लागे करन प्रणाम काल निज
समुक्ति समाजा ॥ समुक्ति समाज पिनाक लखि कहे
वचन अरि कामके । क्यहि तोरगो बोल्यो तुरत कर कुठार
परशु रामके ॥ १०५ ॥

तोरगो धनु रघु वंश मणि जाको प्रबल प्रताप । हानि
कहा भय रावरी कहिय प्रकट करि आप ॥ कहिय प्रकट
करि आप देव द्विजवरकी नाई । पूजिय मानीय तुम्हें
आपनै वृद्ध बड़ाई ॥ वृद्धबड़ाई तवहि जगगाय विप्र पद पूजि
भणि । देहु आशिषाप्रेमसों धनु तोरगो रघुवंश मणि ॥ १०६ ॥

काल वश्य बोलत कहा गुरुको धनुष विहंड । विप्रन ऐ-
सोबोल सुनु नृप कुल शिरको खंड ॥ नृप कुल शिरको खंड
परशु करती तीक्ष्ण धारा । धनु ज्यहितोरयो आजुतासु
भुजकाटन वारा ॥ काटनवारा परशु यह ज्यहि काटे
भूपति महा । त्वहि समेत रामहि हतौं काल वश्य बोलत
कहा ॥ १०७ ॥

भूपति मिले नखेतमें तुम्है विप्र कुल देव । हते तुम्हारे
हति गयेते द्विज पद विन सेव ॥ ते द्विज पद विन
सेव चल धर्म नते हीने । ते तुम काटे परशु
झर कपटौ जड़ दीने ॥ जड़ दीने नृप तुम हते पाप
राशि नहि चेतमें । ताते बाढ़े भवनमें भूपति मिले
नखेतमें ॥ १०८ ॥

चल विहीनी सहिकरी परशु वार झकबीस । सो न
विदित त्वहि बाल जड़ तुरत जाइहै खीस ॥ तुरत जाइहै
खीस बचन मुख बोलु संभारे । गुरु गुनही भो मौन ताहि
तू पीछे डारे ॥ पाछे बचहुन कालकेबालक तखि करि
वर टरी । परशु धार ज्यहि काटिहौं चत्र विहीनी
सहिकरी ॥ १०९ ॥

द्विज कुल के नाते डरौं सुनहु विप्र सत भाव । नत
चली कुलको सकल लेहुँ तुरत अबदाव ॥ लेहुँ तुरत अबदाव
परशु धनु भूमि गिराऊँ । धर्मबड़ो रखवार मारि द्विजपात
क पाऊँ ॥ पातक पाऊँ श्रीशपर दूजे रघुपति कर डरौं ।
धमधर तुमहि बसावतो द्विजकुल केनाते डरौं ॥ ११० ॥

तौ कुठार सन्मुख धरयो राम लषणकी और । कौशिक
वर जो बालकहि मोहि नहीं अबखोर ॥ मोहि नहीं अब
खोरि करौं अब काल हवाले । परशु बन्धो खड्ग हाथ

विपुल भूपति घर घाले ॥ घर घाले शिर मालिका शंकरको
पूजन करयो । अब चाहत तव शिर हयो लैकुठार सन्मुख
धरयो ॥ १११ ॥

राम कही कर जोरिकै पृथु कुल कमल दिनेश । बालक
दीन विचारि उर क्रोध न कौनिय लेश ॥ क्रोध नकौनिय
लेश बाल अपराध विहीनो । धनुकर समते टूट चुकसों
महीं अधीनो ॥ महीं अधीनो कर्म बध बांधिय दीजिय
जोरिकै । दास विचारि प्रभाव सोहि राम कही कर
जोरिकै ॥ ११२ ॥

शंभु दण्ड खण्डित करयो सो भुज खण्ड हुँ आज । जो
कर परशु प्रचण्ड लखि कटे अवनिके राज । कटे अवनिके
राज बजहु नहि दीन उपायन । चलवंशतनपाय बचन
सुख सृदुल सुभायन ॥ सृदुल सुभायन क्योंचौधनु तोरत
नहि तव डरयो । अनुज सहित भुजकाटिहौं शंभु दण्ड
खण्डित करयो ॥ ११३ ॥

चल बंश द्विज मानिये लक्षण कही हंसि बात । हंसपै
पापन होय द्विज जननी कौन्हो घात ॥ जननी कौन्हो
घात ताहिते मन अति बाढो । बड़ बैरी रण हत्योविरद पायो
शिर गाढो ॥ गाढो पाय पाप शिर तासों रिसनहि ठानिये ।
बुद्धै मारिको अघल है चल बंश द्विज मानिये ॥ ११४ ॥

रे कुठार कुण्डित भयो गयो स्वभाव सक्रोध । अरि
प्रचण्ड दहि अवनि नृप कौन्हो हृदय प्रबोध ॥ कौन्हो
हृदय प्रबोध अकृत अरि देखत ठाढ़े । उत्तर सुनत सरोष
शिर हृदि ज्वालन बाढ़े ॥ ज्वालन बाढ़े जरत उर घोर
धारको लै गयो । काटि काटि कण्डनिकु तख रे कुठार
कुण्डित भयो ॥ ११५ ॥

जो रघुपति आयसु करे लौ द्विज देहुँ देखाय । रग-
अच्छलकी कठिनता तुमको देखेँ बनाय ॥ तुमको देखेँ बनाय
परशु धनु लख्यों तुम्हारीं । भूविशेष लैं पार भारि बारन उर
फारीं ॥ बारन उर फारीं सभुक्ति विप्रघात पातक परै ।
सभा समेन विचारिये जो रघुपति आयसु करै ॥ ११६ ॥

लपण वचन कहि धनु लियो नयन सघन करि राम ।
बरजे दुस वालक निपट भृगुपति सत्र गुणधाम ॥ भृगुपति
सत्र गुण धाम ताहिसों समसरि कौजे । जाकी पदरज
सेव्य आपने शिर धरि लीजे ॥ शिर धरि लीजे रिस छपा
अनुज शिखावन प्रभु दधी । सुखसुख राम निहारि नत
लपण वचन कहि धनु लियो ॥ ११७ ॥

अस समर्थ भृगुवंशमणि सुररत्नक द्विजपाल । सहि-
सयल इकईस गनि करौ निचल विशाल ॥ कशौ निचल
सही सकल दर्द विप्रके हाथ । रुधिरकुण्ड तर्पन कियो
तेई भृगुकुलनाथ ॥ तेई भृगुकुलनाथके चरण शरण सेवहु
सुमति । अभय होय तिहुँ लोकमहँ अस समर्थ भृगुवंश-
पति ॥ ११८ ॥

जाके पदरजके धरे सुद मङ्गल कल्याण । अभयकरन
सङ्कटहरन गावतवेद पुराण । गावत वेद पुराण कल्पतरु
सम सुखदाता । हरिहर पूजत जाहि परम सुखदानि
विधाता ॥ दानि विधाता जानिकै निशि दिन सेवन जे
करै । अर्थ धर्म कामादिकी पद रज सुख जाके धरै ॥ ११९ ॥

काल ब्यालता सो डरत जाके इन पद प्रेम । यहै
क्रिया यह योग है यहै योग जप नेम ॥ यहै योग जप नेम
कपट तजि मन वच कायक । सोइ सुकृती सोइ शूर जाहि
द्विज भक्ति अमायक ॥ मायक छल तजि पूजि पद तन मन

धन सेवा करत । जीव जाल दुखमाल सब काल ब्याल
कासों डरत ॥ १२० ॥

सो त्रिलोक पावन परम जिनके द्विज पद प्रीति ।
विभ्रम भ्रमताको नहीं दिशा विदिशि सब जौति ॥ दिशा
विदिशि सब जौति सोइ रिपु कटक भगावै । यशदायक
गुण ग्राम राम अनुजहि समुक्तावै ॥ राम बुक्तावै अनुजको
चलबंश यादौ धरम । पद्मरज नित हित धिर धरें सो
त्रिलोक पावन परम ॥ १२१ ॥

राम सिखावन दुहुँ सुन्यो लज्ज और भृगुवंश । मति
गति सुरति सँभारि दर ब्रह्म सच्चिदानन्द ॥ ब्रह्म सच्चिदा-
नन्द भयो नृप सुत जवतारौ । शरँग करमें दियो विविध
विनती अनुधारी ॥ विविध आंति पातक लगै कटक वचन
मनमें गुन्यो । परशुधरन पुनि लज्ज हूराय सिखावन दुहुँ
सुन्यो ॥ १२२ ॥

नृप समीत उठि उठि चले परशुराम गति देखि ।
आशिव भृगुपति देय करि आनँद लख्यो विशेखि ॥ आनँद
लख्यो विशेखि जनकपुरजन सब रानी । बंदौ मागध सूत
उचरहि मङ्गल बानी ॥ मङ्गल बानी पुर भई वाजि उठे
हुन्दुभि भले । सन्त सुधा सुरगण मुदित नृप समीत उठि
उठि चले ॥ १२३ ॥

समय पाय कौशिक कहेउ जनक महीप बुलाय । सजहु
सकल मङ्गल सुभग दशरथ नृपति बुलाय ॥ दशरथ नृपति
बुलाय ब्याह कुलरीति सँभारौ । माडहु रचहु विचिल नगर
गृह गली सँवारौ ॥ गली सँवारहु अंगर मय सब कृतक
संशय दहेउ चार पठावउ अवधपुर समय पाय कौशिक
कहेउ ॥ १२४ ॥

सतानन्द अवधहि चले लग्नपत्रिका हाथ । वीर नीरयुत
 अखि पदिक सकल सुमङ्गल साथ ॥ सकल सुमङ्गल साथ
 देखि रघुपति पुर पावन । भूपति लियो हँकारि दीन्ह
 पत्रिका सुहावन ॥ दीन्ह पत्रिका नृप लखी राम व्याह-
 मङ्गल भले । गृह गृह वजे वधाव पुर सतानन्द अवधहि
 चले ॥ १२५ ॥

रामजानकी व्याह सुनि साजी भूप बराल । रथ बुरद्व
 सातङ्ग वनगजघरटा घहराल ॥ गजघरटा घहराल दुन्दुभी धुनि
 चहुँओरन । मङ्गल भरि भरि धार भासिनौ गान ककोरन ॥
 गान ककोर प्रमोद पुर सुरतिय जय जय सुमन धुनि । दश-
 रथधौँ सुरपति सज्यो रामजानकीव्याह सुनि ॥ १२६ ॥

कुल विचार व्यवहार करि गुरुआयसु नृप पाथ ।
 मिथिला पुरको सम लियो भूप निशान बजाथ ॥ भूप निशान
 बजाथ समुग सुन्दर शुभ पाये । बीच बास करि विविध
 जनकपुर भूपति आये ॥ भूपति आये जनकपुर शति उछाह
 आनन्द भरि । दुहुँ समाज संगम सुभग कुल विचार व्योहार
 करि ॥ १२७ ॥

उमा रमा ब्रह्मायखी पतिन सहित पुर आय । राम
 जानकी रूपरुति देखनको ललचाय ॥ देखनको ललचाय
 निरखि दशरथके बारे । अनवचक्रमवधप्रेम भये सब देखन-
 हारे ॥ देखनहारे भे भगन अधिसिधि अङ्गलदायनी । सिय
 विवाहकतकर्म सर्व्व उमा रमा ब्रह्मायनी ॥ १२८ ॥

सुयल भूप डेश दियो कौशिक लक्षण राम । पाथ
 खबरि पितु आगमन चले हर्षि गुणधाम ॥ चले हर्षि गुण-
 धाम सुदित भेटे रघुराई । सुनिपदरज धरि भूप भरत भेटे
 दोउभाई ॥ भेटे पुरजन गुरुद्विजन राम देखि पूरण हियो ।

अधिसिधि सब मङ्गल लिये सुखलभूप डेरा दियो ॥ १२६ ॥

सखि नृप सँग द्वै और सुत गौर सुभग सुठि श्याम ।
लक्षण अनुहरते एक हैं एक सत्य जनु राम ॥ एक सत्य जनु
राम कहैं जे नयन निहारै । वैसहि बदन अयंक नयन वैसहि
रतनारै ॥ वैसहि लक्षण राम छवि तैसे बल छवि देह दुत ।
नाम भरत रिपुहन कहत सखि नृपसँग द्वै और सुत ॥ १२० ॥

सखि विदेह समुझै हिये तौनि रूप सैं कौन । चारहु कुवँर
बिवाहिये यहि पुर नृप परवीन ॥ यहि पुर नृप परवीन दीन
विधि चारि सगारै । जस कन्या तस कुवँर योग शिव दीन
मित्ताई ॥ दीन मिलाय महेश विधि बड़ो योग यपतप किये ।
तौ सब पुर सुकती समुझि सखि विदेह समुझै हिये ॥ १२१ ॥

चारि कुवँर तिरहुति चलैं पाय सुभग ससुरारि । कहूँ
दिन दश कहूँ मास भरि देखि तप्त नरनारि ॥ देखि तप्त
नरनारि जाहि पुनि दुलहिनि चारौ । ककु दिन वै उत रहैं
जनक बोलि हैं कुमारी ॥ जनक कुमारी आय हैं अवधि छाँड़ि
अपने थलै । बनि बनि दिन दश बीसमें चारि कुवँर तिर-
हुति चलैं ॥ १२२ ॥

ये बातें बड़ि पुण्यते सखि परवैं द्विपुरारि । तौ विरञ्चि
हमहीं रच्यो सुकत टूट दिन चारि ॥ सुकत टूट दिन चारि
चारि नृप कुवँर बिवाहौ । भाड़व तरे निहारि लैहु जग जीवन
लाहौ ॥ जीवनलाइकी अवधि यह सुख देखहि धन्य ते ।
विधि रुख नृप उर जो वसै ये बातें बड़ि पुण्यते ॥ १२३ ॥

सखि सुकती ताही गनै रामलक्षण छवि देखि । ताते
पुर सुकती बड़ो आये कुवँर विशेखि ॥ आये कुवँर विशेखि
नारिनर भे सुख भारे । दर्शनफल तत्काल भूप दशरथहि
निहारै ॥ दशरथ राम निहारि कै दूलह दुलहिनी पुनि बनै ।

यह विवाह देखहि सुनहि सखि सुकती ताही जनै ॥ १३४ ॥

व्याह धरो विधि लिखि दर्ई वर्षि सुमन सुर गाय । राम
विवाह उक्ताह वड़ देखन चले वजाय ॥ देखन चले वजाय
सतानंद जनक बुलाये । दशरथ सहित वरात जनकमन्दिर
चलि आये ॥ मन्दिर चलि आये सवै पाँउड़ परि जय जय
भई । करि उक्ताह समाज शुभ व्याहधरौ विधि लिखि
दर्ई ॥ १३५ ॥

को वितान सुखमा कहै जिहि थल सुखमा आहि ।
नटत किकरौ लक्ष्मी सुख जुगवत पल जाहि ॥ सुख जुगवत
पल जाहि जहाँ दुलहिनि वैदेही । विधि हरिहर यम इन्द्र
होत चितवै हित तेही ॥ चितवै हित तेही कृपा दूलह
औरघुपति रहैं । समधी दशरथ जनक सम को वितान
सुखमा कहैं ॥ १३६ ॥

इन्द्र ब्रह्म दूनो मिले वन्दौ वर्यात भाय । सब समाज
सब साज सो हमैं प्रत्यक्ष दिखाय ॥ हमैं प्रत्यक्ष दिखाय
यहै उपमा जिय आवै । नारि सहित सुल्लुमारि राम व्याहन
सुख गावै ॥ रामव्याहसुख देखही अमरावति संयुत चले ।
निज निज पर सुरगण सहित इन्द्र ब्रह्म दूनो मिले ॥ १३७ ॥

राम सुभूषित जगमगे माड़व मध्य समाज । साथे सुक्ता
औरछवि नखत सहित निशिराज ॥ नखत सहित निशिराज
नारिनर देखत शोभा । रघुपतिमुख शशिधरद निरखि
छवि तप्त न को भा ॥ रघुपति मुखकृवि शरदशशि नयन-
चकोरनि लिखि लगे । मदन कोटि शत वारिये राम
सुभूषित जगमगे ॥ १३८ ॥

मुनि वशिष्ठ अरु सतानंद भरद्वाज जाबालि । अत्रि अगस्ति
सुगर्ग ऋषि कश्यप मुनि तपशालि ॥ कश्यपमुनि तपशालि देव

ऋषि सनक सभेते । लोमश अरु चिरजीव व्यास पाराशर जेते ॥
पाराशर कौशिक सहित गौतम शुक्र उचरत पद । वेदमन्त्र
करणौ करै सुनि वशिष्ठ ऋषि सतानंद ॥ १३६ ॥

सूरजकुलगति सग कहैं पावक आहुति लेय । गणपति
कर पूजा करै विधि विवाह कहि देय ॥ विधि विवाह कहि
देय पवन पुनि शेष महेश्या । सुरपति सुरगण सहित मगन
दिग लखत रनेशा ॥ लखत रनेश सुदेश चवि राम सवहि
जानत रहैं । विप्रवेश वेदज्ञ पढ़ैं सूरज कुलगति सब
कहैं ॥ १४० ॥

जनक मगन रानी सबे सुनि वशिष्ठ कहि दीन ।
सतानंद आनी सिया भूषण सजत नवीन ॥ भूषण सजत
नवीन राम दिग अस्थित कौन्ही । मुनिवर अवसर
समुक्ति शान्ति अति मग कहि दीन्ही ॥ दीन्ही दुन्दुभि
अतिघनी सिय मण्डप आई जवे । दशरथ सभा समेत सुख
जनक मगन रानी सबे ॥ १४१ ॥

जनक पार्य पूजन लगे शाखोच्चार उचारि । रानी नृप
मन मोद भरि लैको परशु चिवारि ॥ लैको परशु चिवारि
नारि वरमङ्गल गार्ह । कन्यादान विचारि देव फलन कारि
लार्ह ॥ फले तय नृप सुकृतकै चरण प्रचालत सुख जगे ।
निरखि बदन दस्यति अगन जनक पार्य पूजन लगे ॥ १४२ ॥

जे पदपङ्कज नृप धरे जे शिवमान सहंस । जे पदपङ्कज
सृष्टल रस सुनि संकुल अलिबंस ॥ सुनि संकुल अलि बंध
प्रकट कौन्ही जिन गङ्गा । वरखत वेद पुराण प्रखतहित
विरद अभङ्गा ॥ विरद अभङ्ग प्रसङ्ग श्रुति सुनि तियके
पातक हरे । अज सनकादिक ले भजैं जे पद पङ्कज
नृप धरे ॥ १४३ ॥

जनकराय समको सुकृत कहत देव अनमाहि । निरखि
अमन कोहुक परम जय जय कहहि सिहाहि ॥ जय जय कहहि
सिहाहि वचन कहि चार सँवारी । नरनारिन लखि रूप नेहवश
देह विसारि ॥ देह विसारि रूपको व्याहलाह लीयन ककत ।
कोशलेन मिथिलानगर जनकराय समको सुकृत ॥ १४४ ॥

होन लगौ वर भँवरी दुखहिनि ललित ललाम । दूतह
सुन्दर साँवरी शशि मुखपङ्कज राम ॥ शशिसुख पङ्कज रामवाम
लखि सबल गावहि । सुनिगण भँवरिलत करहि गनि जियनि
वहावहि ॥ अगन मोद भँवरि परै रानी तन मन नावरी । सब
सुखचार विचार करि होन लगौ वर भँवरी ॥ १४५ ॥

राम निछावरि को गनै सुक्ता मणि गण खान । मण्डप
धन पूरो भयो जनु जुवारि यव धान ॥ जनु जुवारि जव
धान जनकमन्दिरते आवै । सुनि वशिष्ठके वचन नेग
गहि ताहि दिवावै ॥ नेग साधि आहुति दई व्याह भयो
सब कोउ भनै । देव भूप रानी जनक राम निछावरि को
गनै ॥ १४६ ॥

जेहि विधि रामविवाह भो सो कहि सकहि न श्रेष ।
सत्यति शोभा सुख सुभग मङ्गल मोद सुदेष ॥ मङ्गल मोद
सुदेष साजु शुभ सकल समाजै । कहि कहि धके गणेश
व्यास जिन श्रुति पथ साजै ॥ श्रुतिपथ साजै ते चकित
सोद विनोद उछाह भो ॥ तुलसिदास सो किमि कहै जेहि
विधि रामविवाह भो १४७ ॥

जनक कौन जो मुनि कहेउ सब कन्यका विवाह । भरत
शत्रुसूदन लप्रण दूतह करे उछाह ॥ दूतह करे उछाह
द्वपति दशरथ सुख पायो । रामव्याह विधि शोधि मुनिन
देवनि करवायो ॥ देवनि करवायो सुकति दूतह दुलही

सुख लक्ष्यो । जोरि चारि निहारि सुख जनक कौन जो
सुनि कख्यो ॥ १४८ ॥

मघा मेघ दशरथ भये याचक दादुर मोर । सर सरिता
द्विजगण भये बाढ़ि चले चहुँ ओर ॥ बाढ़ि चले
चहुँ ओर शालि जनकादिक रानी । पुर परिजन भे कषी
सुखी सुख सुन्दर पानी ॥ सुन्दर पानी बुंद मणि भूषण
पट वर्षत नये । राम सिया पावस सुखद मघा मेघ दशरथ
भये १४९ ॥

वर कन्या राउल चले सुनि आयसु अस दीन । भूप समाज
समेत सब जनवासे पग दीन ॥ जनवासे पग दीन बजे
हुन्दुभि अति भारी । दुलहिन दूलह ल्याय भवन आसन
देनारी ॥ दूलह दूलहिनि सम निरखि रानी सुख सानी
भले । रहसविवश लहकौर कृत वरकन्या राउल चले ॥ १५० ॥

रमा उमा गावन लगौं ले सातृनको नाम । धरि कपोल
लह कौरकृत करनि खवावत राम ॥ करनि खवावत राम
कुलाहल मङ्गल होई । नेक अनेक प्रकार सङ्गचकहँ प्रकटत
दोई ॥ प्रकटत तिय वचननि कहैं रामसीय प्रेमनि पगीं ।
कहत कैकयी कौशिला रमा उमा गावन लगौं ॥ १५१ ॥

सिय सूधी तुम चतुर हौ रमा कख्यो सुसुकाय । सुनि-
तियकी नाई कहँ कौजिय नहिं रघुराय ॥ कौजिय नहिं
रघुराय सीय सिख सुनहु हमारी । पद कवहूँ जनि कुयो
पवनिकी सुगतिनि नारी ॥ नारी चारि विवाहिये एक
धनुष दलि गथ लहौ । रमा कहत रघनाथसों सिय-सूधी
तुम चतुर हौ ॥ १५२ ॥

हासविलासविनोदमथ नेग योग करवाय । राम उठाय
भवनते शिविका रुचिर चढाय ॥ शिविका रुचिर चढाय

द्वलहिनित सहित सुहाये । द्रुमुभि देवन पृहुप राध जनवासे
आये ॥ जनवासे देखत मगन भूप दीन लखि द्विरद हय ।
पोषे याचक विविध सुख हासविलासविनोदमय ॥ १५३ ॥

षटरस चारि प्रकारके भोजन विविध बनाय । सतानन्द
आपुहि जनक दशरथ चले लिवाय ॥ दशरथ चले लिवाय
पाँवड़े अर्घ सुहाये । मणिसिंहासन रुचिर कूरस भोजन
परुसाये ॥ भोजन परुसाये सुदित तियगण गानविहारके ।
मुनि दशरथ भोजन कियो षटरस चारिप्रकारके ॥ १५४ ॥

पान मान प्रसुदित दये भये विदा जनवास । गहगह
बाजी द्रुमुभी मङ्गल सोद विलास ॥ मङ्गल सोद विलास
बरातिन मन्दिर भूले । जनक प्रीति रज सुदृढ़ राभकृवि
पावस झूले ॥ झूले गज याचकन गृह पहिरि पाय मन्दिर
गये । जान रायरघुपति सर्वाह पान मान प्रसुदित
दये ॥ १५५ ॥

तीनि मास दशरथ रहे नित नव आदर होय । विदा-
साज साजी जनक सबको सुखरुख जोय ॥ सबको सुख-
रुख जोय सहस दश ख्यंदन साजे । मुक्तामणि गणसुपट
भाँड कञ्चनके राजे ॥ मणिगण लागे अल जे ते ते रथपूर
लहे । जनकराज दायज सजे तीनि मास दशरथ रहे ॥ १५६ ॥

दिग्गज सहसपचासलौ सजे जरकसी साज । मणि-
मुक्ताकी मालरी कूपे सोह गजराज ॥ कूपे सोह गजराज
जरीजरकसी अमारी । तिमिर अरुण इकठौर मनौ पावस
अधियारी ॥ पावस अधियारी सघन घण्ट शब्द सुरवासलौ ।
जनक राय दायज सज्यो दिग्गज सहसपचासलौ ॥ १५७ ॥

तुरी लाखदश वर सजे बरन बरनके जीन । रथतुरङ्गते अति
भले चञ्चल सुभग नवीन ॥ चञ्चल सुभग नवीन अलंकृत

धूपख राजे । वरन निदरि अनवेग रङ्ग रङ्गनि वनि साजे ॥
वनिवनि साजे वाजिवर जिनहि देखि सुरहय लजे । जनक-
राय दायज सज्यो तुरी लाखदश वर सजे ॥ १५८ ॥

वृषभवृन्द दशलाखलौ सुन्दर सब गुणधाम । शृङ्ग
अङ्ग मखित परट सोहत ललित ललाम ॥ सोहत ललित
ललाम भये भोजन पकवाने । सौरभ मृगमद मलय अगर
कुमकुमके यानै ॥ अगर कुमकुमा रत्न भरे कपे जरकसी
आंखलौ । जनकराय दायज सज्यो वृषभवृन्द दशलाख-
लौ ॥ १५९ ॥

महिषी लाखसतानवै देश देशकी खानि । अनौ घ्याम-
यनके सुवन मही चरै सब यानि ॥ मही चरै सब यानि
दूध धरनी धसि धारै । शृङ्ग कण्ठ मणिहार शिशुन प्यावत
सुकुमारै ॥ प्यावत सुकुमारै यननि दूध सुधार विधानवै ।
जनकराय दायज सज्यो महिषी लाखसतानवै ॥ १६० ॥

धेनु लाखयुगवानवै कामधेनुसी रूप । अलङ्कार मणि-
गण वसन सोहत परम अनूप ॥ सोहत परम अनूप दूध
सूधी छुठि खरी । संगशिशुनके वृन्द सकल शुभ लक्षण-
पूरौ ॥ पूरौ छुतिके को कहै जेहि देख्यो सोइ जानवै ।
जनकराय दायज सज्यो धेनु लाखयुगवानवै ॥ १६१ ॥

शिविका लाख बहत्तरी सियदासी असवार । अनहुँ काम-
तिथ रति चढीं करि जोड़ष शृङ्गार ॥ करि जोड़ष शृङ्गार
जानकीपिय अधिकारी । अन गति रति परवीन चतुरविवा
छुवि भारो ॥ विवा छुवि सतभाव उर सिय सेवा उनमत्त री ।
दासी दायज रूप सज्यो शिविका लाख बहत्तरी ॥ १६२ ॥

सवालाख पिञ्जर सज्यो कञ्चनखचित विचित । शुक्र
शारिका सराल बहु कुहीबाज शुचिमित्र ॥ कुहीबाज शुचि-

मिह सिया रुचिकै प्रतिपाले । ते सेवक सब लिये जागकी
सेवनवाले ॥ सेवनवाले भाग बड़ जगतजननि जेहि जग
बूझ्यो । तासुसङ्ग यह कौन बड़ तवालाख पिञ्जर
सज्यो ॥ १६३ ॥

ऊट अजा अरु भ्रानकी लेखा गनी तिराय । जे प्रिय
लियके लप लज्यो नगर बाहरे जाय ॥ नगर बाहरे जाय
मनहुँ अमरावति घेरी । हुन्दुमि दये सहस्र कुल अरु
चमर घनेरी ॥ चमर घनेरी भवन पट आसन विविध
विधानकी । दायज दियो नये गने ऊट अजा अरु
भ्रानकी ॥ १६४ ॥

रानिन सुता सँवारिकै कलखा सीख सुनाय । पति-
व्रतधर्महि दृढ़ धरेहु सेयहु सहज सुभाय ॥ सेयहु सहज
सुभाय होहु नित स्वामिहि प्यारी । सदा सुहाणिनि होहु
यहै आशौघ हमारी ॥ यहै आशौषा देहि इज सुता
अङ्ग उर धारिके । भेंटि भेंटि पांयन परै रानी सुता
सँवारिकै ॥ १६५ ॥

जनकनयन धारा बहै सुता लिये उर लाय । लिय कण्ठा
छोड़त नहीं जनक न त्यागी जाय ॥ जनक न त्यागी जाय
सखिब समुक्तावत राजे । धीरज धर्मपरान ज्ञान गुण ध्यान
समाजे ॥ ध्यानसमाज न लाज रह कुटल लगत रोवत गहै ।
भातु गरे पुनि पितु गरे जनक नयन धारा बहै ॥ १६६ ॥

विदा हेत रघुवर गये जनकरायके धाम । रानिन लखि
आसन दियो कौन्हे राम प्रणाम ॥ कौन्हे राम प्रणाम
कहत मृदु वचन सुहाये । विदा दिजीये सातु नृपति चह
अवध सिधाये ॥ अवध सिधाये सुनत नृप रानी सुख सूखत
भये । वचन न मुखपङ्कज कढ़यो विदा हेतु रघुवर गये ॥ १६७ ॥

रानी रघुवर पाँच धरि कहत वचन भरि नयन । तुम्है
कहत मुनि योगि जन घटघट तुम्हरो अयन ॥ घटघट तुम्हरो
अयन सकल गति जाननवारे । दौजिय प्रभु वर युगल प्राप्त
यह हृदय हमारे ॥ हृदय हमारे तुम बसो कहौ दूसरो विनय
करि । सुता किङ्करी राखिये रानी रघुवर पाँच धरि ॥ १६८ ॥

करि प्रणाम रघुपति चले रामसहित सब भाय । सुता
चढ़ाई पालकी सुन्दर सीख सिखाय ॥ सुन्दर सीख सिखाय
भूप पहुँचावन आये दुन्दुभि दीन वजाय मुनिन देवन गुण
गाये ॥ गुण गाये पाये सबनि सगुन सुहावन अति भले ।
समधी भेंटि प्रणामकरि करि प्रणाम रघुपति चले ॥ १६९ ॥

अवध पांचये दिन गये बहिन बसि सकल सुवास । पुरप्रमोद
आवत सुने रहसबिबध रनिवास ॥ रहस विवधर निवास
पहिरि शृङ्गारन रानी । आरति मङ्गल साजि गीत गावहि
सृदुवानो ॥ वानी मङ्गल सजि सबे कलश चौक चामर नये ।
अवधनाथ सुखकी अवधि अवध पांचये दिन गये ॥ १७० ॥

परिछन करि भीतर गई पुत्रवधू सुत साथ । मङ्गल मोद
सभाजयुत आये कोशलनाथ ॥ आये कोशलनाथ पुरी हर्षित
नरनारी । पुत्रवधू सुत देखि मगन तनमन सहतारी ॥ सह-
तारी वारहि सुभग भूषण पट अणिगणमई । सुभग सिंहा-
सन चारि धरि परिछन करि भीतर गई ॥ १७१ ॥

मुनिनाथक जो जो कहेउ सो सो करि व्यवहार । दान
दीन विप्रन मुदित भरि भरि कञ्चनधार ॥ भरि भरि कञ्चन-
धार भाषिनी मङ्गल गावै । रानी भूषण देहि सकल आशिषा
सुनावै ॥ आशिष देहि सनेह भरि शम्भु उमा परसन रहेउ ।
राम भाय दशरथ सुखद रहै सदा मुनि जो कहेउ ॥ १७२ ॥

रामविवाह बखानई मोदसमुद्र उकाह । नारद शारद

श्रेष्ठ शुक्र गणपतिको अवगाह ॥ गणपतिको अवगाह व्यास
विधि कहि कहि हारे । मतिअनुछप बखानि भजनको भाव
विचारे ॥ मतिअनुछप बखानिकै गिरा सफल निजु सानई ।
दुलसिदासके कोन मति रामविवाह बखानई ॥ १७३ ॥

इति बालकाण्डः समाप्तः ॥

अयोध्याकाण्ड ॥

कुण्डलिया ॥

अवध अनन्द प्रबन्ध सुख दिन दिन अति अधिकाय ।
जवतै राम विवाह करि आये कोश्लराय ॥ आये कोश्लराय
भुवन सब आनंद करे । अधिसिधिसम्यतिनदी अवधसागर
अरिपूरे ॥ सागरसप्त समानलौ गयो शोक अरु दोष दुख ।
अमरपुरौ अहिपुर धरणि अवधि अनन्द प्रबन्ध सुख ॥ १ ॥

दशरथभाग सराहई सुर सुनिवर नरनारि । धर्म-
धुरीण प्रतापनिधि जिन पाये सुतचारि ॥ जिन पाये सुतचारि
जासु यश वरणि न जाई । औरघुपतिमुख देखि हर्ष अति
लोग लुगाई ॥ लोग लुगाई सुण गनत शाद सो सुख चाहई ।
पुरौ भाग अनुराग सुर दशरथ भाग सराहई ॥ २ ॥

बृपसों विनय सुनायकै केकयसुवन सप्रीति । भरत-
हेतु विनती करी कहि मृदुवचन विनौत ॥ कहि मृदुवचन
विनौत दिवस दश रहैं गुसाई । मुनिहु कहे बृप पाहि भूप

पठये दोड भाई ॥ सुनि रखते आयसु दियो भरत उठे शिर
नायकै । बोकयसुत ले भरत संग नृपसों वितय सुनायकै ॥ ३ ॥

विदा रामके चरण धरि भरत शत्रुहन भाय । सातु गुल्
भाता नृपहि चले सबहि शिर नाथ ॥ चले सबहि शिर नाथ
सुभट सेना संग लीन्हे । श्रीरघुपतिपदकमल हृदय मन मधुकर
कीन्हे ॥ मनमधुकर पदकमलरति सुमिरतनाम सनेह भरि ।
धन्य भरत भूतल भये विदा रामके चरण धरि ॥ ४ ॥

नारद आये अवधपुर रामचरित हित जाहि ॥ प्रेम नेम
जाके अवधि रामरूप उरमाहि ॥ रामरूप उरमाहि राम
देखत उठि धाये । पूजत विविध प्रकार जोरि कर प्रभु शिर
नाये ॥ प्रभु शिर नाये वृक्षियो सुनि प्रकटी विधि हृदय जुर ।
कहन बिरञ्चि सँदेश सब नारद आये अवधपुर ॥ ५ ॥

रामबचन सुनि सुनि गये पाय बचन बिष्वाश । राम
प्रकट सायां करी सबके हृदय प्रकाश ॥ सबके हृदय प्रकाश
गुरुहि नृप जाय सुनायो । रामतिलक करि देहुं नाथ सबके
मन भायो ॥ सबके मन भायो सुखद सुनि वशिष्ठ जानँद
भये । तिलकसाज साजौ सुदित रामभवन सुनि सुनि
गये ॥ ६ ॥

नृप बातें प्रकटीं सबै सुनि रघुवर ससुकाय । नेम क्रिया
व्रत धर्म नृप तिलक भेद विधि गाय ॥ तिलक भेद विधि-
गाय कहेउ भूपतिहि बुलाई । मङ्गल वस्तु मँगाय तिलककी
घरी सुहाई ॥ घरी सुहाई कालि है राम राज्य बैठहि जबै ।
बाजै विपुल यथाय पुर नृपजातै प्रकटीं सबै ॥ ७ ॥

राम हेधु मङ्गल रची जानौ तीरथ नीर । पान फूल फल
मूल तण हय गय मणिधन चीर ॥ हय गय मणि धन चीर
पुरी सुन्दरि रचि राखी । बन्दनवार पंताक कलश चौके

अभिलाखौ ॥ अभिलाषौ कुमकुम अंगर बीथो केरनिसों
लचौ । मखिमय दीप प्रकाशिये रामहेतु मङ्गल रचौ ॥ ८ ॥

देखि देव शोचत भये अवध रामकी राज । दृष्ट कष्टको
नाशि है निश्चय भयो अकाज ॥ निश्चय भयो अकाज सुमिरि
धारदा बुलाई । राम विपिन कहँ जायँ मातु सो करहु
उपाई ॥ राम विपिन कहँ जायँ जब कर उपाय
हुधि बलमये । चरण गहँ पालन करी देखि देव शोचत
भये ॥ ९ ॥

धिक धिक देवन कहि चली आगे हेतु विचरि । अवध
गई रानी जहाँ देखी सुमति सँभारि ॥ देखी सुमति सँभारि
लहाँ परवेशन पायो । कण्ठ मय्यरा बैठि तासु चित हित
भरमायो ॥ हित भरमायो तेहि सबे प्रिया केकयीकी अली ।
पुर दुखदायिनि सी भई धिक् धिक् देवन कहि चली ॥ १० ॥

नगर देखि वार्ते कही हित तोरनकी घात । मोहिं शोच
एक उर भयो जो फुर मानहु वात ॥ जो फुर मानहु वात हित
हेतौ दुख जानै । काज नशात विचारि विना पूछेहु बखानै ॥
किनपूछे प्रभुके वचन इन वार्ते पातक नही । उतर देत
नहिं दोष है नगर देखि वार्ते कही ॥ ११ ॥

इन ठौरनि पूछे विना कहै स्वामिसों दास । सर्प अन्न
अरि विष अनल अनिल कण्ठ दुर्वास ॥ अनिल कण्ठ दुर्वास
अशन पक्ष अपक्ष जनावै । लाभहानि दुखदानि कहत पातक
नहिं आवै ॥ लाभहानि नहिं बोलई प्रभु आयसु रुख निशि
दिना । स्वामि सुहागिलि देहि सिख इन ठौरन पूछे
विना ॥ १२ ॥

मोहिं भामिनी दुख भयो समुक्ति एक उत्प्रात । सब
पुरको नौको लगै तुम्है भरतको घात ॥ तुम्है भरतको घात

बाच नृपरानि विचारौ । काल्हि राम नृप होहि भई श्रीभा
पुर भारी ॥ भारि विपति विचारिकै हृदय मोर दुखयुत तयो
भरत विदेश नरेश पर मोहि भाभिनी दूख भयो ॥ १३ ॥

विपति बौज अङ्कुर भयो वयो कौशला रानि । पावस
नृप उर देखि शुभ आयसु सुन्दर पानि ॥ आयसु सुन्दर पानि
अवधयलसुत बल्य पाई । गुरु पुरजन भे वारि तुम्है नित
कौन्हे उपाई ॥ कौन्हे उपाय सहाय सब भरत तेज तप सो
गयो । चारि दिवस गत देखियो विपति बौज अङ्कुर
भयो ॥ १४ ॥

सत्य मानि रानी कहै कहु सखि मोहि उपाव । भरत
गये असगुन भये सो सब यहै प्रभाव ॥ सो सब यहै प्रभाव
सुहृदसम जैं सब जानौं । सवति ईरषा कौन्हे पुत्र पति
आपन मानौं । आपन मानि न कहु कहिय नृप मलीन
उवरन चहै । हितू जगत मेरी तुही सत्य मानि रानी
कहै ॥ १५ ॥

कहि सुखाय रानी बदन जनि मन करसि मलीन । द्वै वर
तेरे नृप चहैं लेहि सांगि परवीन ॥ लेहि सांगि परवीन
देखि दृढ़ वचन न डोलै । राम विपिन सुत राज्य सत्य करि
नृपसन बोलै ॥ राम विपिन जब जाय हैं भरत भूप होई
सदन । सवति हृदय यहि भाँति दहि कहि सुखाय रानी
बदन ॥ १६ ॥

मन प्रतीति रानी भई लई सीख उरूपानि । जो कछु
मन रघुपति चहैं सोई सत्य उर आनि ॥ सोई सत्य उर
आनि कोपके भवन सिधाई । दुर्गति करि तन दशा मनहुं
यमपुरते आई ॥ दशा मनहुं नृप मरणकौ धरणि कुलक्षणाकौ
सई । देवि कुरीति सुप्रीति सिख मन प्रतीति रानी भई ॥ १७ ॥

कान करहि यह कर्मवत्त केहि जग यम नहि लीन ।
 पवन उगायो काहि नहि को दुख दुखी न दीन ॥ को दुख
 दुखी न दीन सोइमइ केहि नहि बाध्यो । तृष्णाच्चर नहि जर्यो
 कामघर काहि न साध्यो ॥ काहि न साध्यो क्रोधदल
 केहि न चत्यो तरुणीतरल । चितचिन्ताश्रालिनि यथा
 कान करहि यह कर्मवत्त ॥ १८ ॥

अवधपुरी अमरावती नाजै विपुल वभाव । सबके उर जानन्द
 अति रामतिलक सतिभाव ॥ रामतिलक सतिभाव साँझ
 समया नृप पायो । सरल सुहृद नृप हृदय कैकयी गृह चलि
 आयो ॥ आयो सुनि रिसके सदन वदन पीत भय छावतौ ।
 अवधनाथ सुरपति सरिस अवधपुरी अमरावती ॥ १९ ॥

सो दशरथ कम्पहि हिये काम प्रताप बलीन ! जाकी
 वध त्रय लोकमहँ केहि अनर्थ नहि कीन ॥ केहि अनर्थ
 नहि कोन चन्द्र सुरपति गति देखौ । नृप दिलीप सुनि
 शशु ययानिहि चित अवरेखौ ॥ चित अवरेखहु कामवत्त
 तीनिलोक भेदित किये । ताकी घर नृप उर गड़यो सो
 दशरथ कम्पत हिये ॥ २० ॥

देखि जाय रानी विकल भूमि अथन तन दीन । पट
 पुरान सूखे अधर नथन अरुखारँग पीन ॥ नथन अरुखारँग पीन
 मनहुँ दुर्दृशा अनैसौ । विपति नारिके रूप कुमति जसि
 प्रकटति तैसौ ॥ प्रकटति वचन बदनमहँ कुमतिसाज
 धरि छल कुथल । भूप सभय पैठे भवन देखि जाय रानी
 विकल ॥ २१ ॥

क्रोध कौन कारण कियौ गजगामिनि वरनारि । जोइ
 सांगसि सोइ देउँ तोहि कामादिक फलचारि ॥ कामादिक
 फलवारि तोहि परतीति सदाई । तेरे सुखके हेतु तिलकको

वरी शोधार्थे ॥ वरी शोधार्थे तिलककी अवध लोग सुनि
सुनि जियो । करि प्रबोध नृप पाणि गहि क्रोध कौन कारण
कियो ॥ २२ ॥

उठि बैठी बोलत भई करि कटाक्ष सुसुकाय । भूप न
जानै सुहृद् हृदि नारि चरितके भाय ॥ नारि चरितके भाय
विधिहु नहि जाननहारै । है वर घाती देहु और हृत्त तजे
तुम्हारे ॥ तजे तुम्हारे दानिता कहौं शपथ खाँची नई ।
फिरि न टरै कहि उच्चरौं उठि बैठी बोलत भई ॥ २३ ॥

शपथ सत्य लखि काह चलि वचन अमङ्गलमूल । देहु
एक वर प्रथम यह भरतराज्य अनुकूल ॥ भरतराज्य अनुकूल
दूसरो माँगहुँ साँई । चौदहवषविशेषि राम वन सुनि की
नाँई ॥ सुनिकी नाँई जाहि वन कालहि राम तौं अति
भली । और सरण अपनो अथश शपथ सत्य लखि कहि
चली ॥ २४ ॥

सुनि भूपति उर अति दल्यो वज्र हृदय जनु लाग ।
मुख सुखान लोचन सजल प्राण विकल भय भाग ॥ प्राण
विकल भय भाग मूँदि राखे दोउ लोचन । शोक दाह उर
दहहत कहत ककु वनत न शोचन ॥ वनत न शोचन मुख
वचन मनहु प्रेत कर्मनि लुल्यो । धुनत शीघ्र व्याकुल शिथिल
सुनि भूपति उर अति दल्यो ॥ २५ ॥

भये विकल सुनि नृप कहा वचन लगे जिमि वान । सत्य-
संधता मन किये कखो देन वरदान ॥ कखो देन वरदान
वचन किन कखो सँभारे । कौशल्यासुत सुवन भरत नहि
सुवन तुम्हारे ॥ भरत सुवन पठये कुशल रामतिलकभानँद
सहा । साधेउ कुल तस फल सहौ भये विकल सुनि नृप
कहा ॥ २६ ॥

नयन उधारे नृप कहत समुक्ति प्रिया वर माँगु । भरत भूपको तिलरु पुर तामें लगै न दागु ॥ तामें लगै न दागु राम बन पठवति काहे । कौन लाग अपराध राम सब साधु सराहे ॥ साधु सराहे नारिनर अब अचर्य छाती दहत । ताते समुक्ति विचारि करु नयन उधारे नृप कहत ॥ २० ॥

ये न वचन टरि हैं नृपति भरहु उजरि पुर जाय । अथअथ विधना करहि अथ रविवंश नशाथ ॥ अथ रविवंश नशाथ हांय पुर काल हवाले । कलइ कपटकी आगि अबनि भगि जाय पताले ॥ भगि पताले अबनी घटै रवि अग्नि रेंगहि उलटि गात । विधि हरिहर आपुहि कहैं ये न वचन टरि हैं नृपति ॥ २८ ॥

अनल चन्द्र वरषै कवहुँ शीतल सूरज होय । शेष तजे धरनी धरन समुद्ध विना जल जोय ॥ समुद्ध विना जल जोय शय्य शिर चन्द्र प्रजारै । तिमिर दहै रवि रूप बुद्धकर दण्डहि डारै ॥ दण्डहि विधि जग सृष्टि सब नारायण मिटि जाहि कहुं । ये न वचन नरपति टरैं अनल चन्द्र वषैं कवहुँ ॥ २९ ॥

राज्य न चाहैं भरत पुर लागो तोहि पिशाच । मोरि मृत्यु बोलत वचन तव सुख चढ़ि शिर साँच ॥ तव शिर चढ़ि करि साँच राम नृप होवहि भारी । लुहि कलङ्क दुख मोर मिटहि कवहुँक नहि नारी ॥ नारी करि चित्त चाहिकै वचन मोर जिय जानि फुर । राम भूप सेवक अनुज राज्य न चाहैं भरत पुर ॥ ३० ॥

वसी अवध नृप राम हैं यह जानत सब कोय । मोर मरख भो भामिनी यह सुख लख्यों न सोय ॥ यह सुख लख्यों न सोय सत्य जिय जानेसु भामिनि । मौन जिये विनु वारि रामविनु जियो न भामिनी ॥ जियो न भामिनि

दिन वृथा जानि मरण परिणाम है । तू अभागिनी तनु
लियो बसी अवध नृप राम है ॥ ३१ ॥

राम राम कहि नृप गिरगो कुमति न मानी बात । अवध
वधाव अनन्द बड़ नौद न लागी रात ॥ नौद न लागी रात
काल्हि शुभ घरी सुहाई । देख्यो जाय सुमन्त भूप गति मति
विकलार्थ ॥ मति विकलार्थ देखिकै लखि कुचाल आतुर
फिरगो । आये राम लिवायकी राम राम कहि नृप गिरगो ॥ ३२ ॥

पितु उठाय बोले वचन नृपति लीन उर लाय । नयन
नीर धारा धसै वचन बोलि नहि जाय ॥ वचन बोलि नहि
जाय राम पूछी महलारी । कहति कठोर कुबैन कथा करणौ
कटु भारी ॥ कटु भारी सो हेतु सुनि तन प्रसन्न कह सृष्ट
वचन । लघु उपदेशत दुख महा पितु उठाय बोले
वचन ॥ ३३ ॥

राउर चरण प्रतापते वन सुद मङ्गल मोहि । सुनि
तौरथ देवन दरश सोर परमहित होहि ॥ सोर परमहित होहि
जाल दिन बिलस न लागै । आतुर ऐहौ अवधि धरन पुनि
चरन सभागै ॥ धरन चरन पुनि आय हौं आयसु देव्य
प्रापते । कुशल जैम घर आयहौं राउर चरण प्रतापते ॥ ३४ ॥

उत्तर कहेउ न भूपमुख राम धरे नृपपाय । कुमति
कठोर कुवचन कटु मातु कहत सुसक्याय ॥ मातु कहत सुसक्याय
हृदय कोड़त नहि राजा । करि प्रबोध शिर नाथ विपिनकी साजि
समाजा ॥ साजि समाज प्रसन्नमुख गहे मातुपद प्रेम सुख ।
राम चलत व्याकुल गिरगो उत्तर कहेउ न भूपमुख ॥ ३५ ॥

मातु गोद मोदति धरे कहति वचन आनन्द । काल्हि
तिहक नृप सुख सज्यो कितिक बार सुख वृन्द ॥ कितिक
बार सुख वृन्द लाभ लोचलून सब टौ । सिंहासन सिय

सहित निरखि श्विषतद्युति कूटी ॥ श्विषतद्युति कूटी
अत्रि मधुर लाल भोजन धरे । न्हाय खाउ बड़ वार भो
भातु गोद सोदति भरे ॥ ३६ ॥

राज विपिनको मोहि दयो जहाँ मोर बड़ काज । राउर
चरणप्रतापते कुशल आइ हौं साज ॥ कुशल आइ हौं साज मातु
आशिष मोहि दोजै । जान दिवस नहि वार हर्षि मन आयसु
कौजै ॥ आयसु कौजै हर्षिके भातुचरण प्रभु शिर नयो । कह
सुदु द्रुदु कर जोरि कौ राज विपिनको मोहि दयो ॥ ३७ ॥

सहमि सुखानी सुनि वचन सिया धरे पग आय । राम
बुझाई जानको विपिन विपति सब गाय । विपिन विपति सब
गाय सुनत लक्षणा उठि धाये । कहि कहि विविध प्रकार लक्षण
सिय प्रभु समुक्ताये ॥ समुक्ताये प्रथमहि सिया करि विवेक बन
प्रिय सदन । उत्तर ककुक न सिय दयो सहमि सुखानी सुनि
वचन ॥ ३८ ॥

धरि धीरज कह जानकी मन समुक्थिय श्वराय । कण्ठक-
वन दावा अनल अनिल व्याल दुखदाय ॥ अनिल व्याल दुख
दाय व्याघ्र वृक अहि गज घेरे । सूकर भालु पिशाच विषम
बन भय बहुतेरे ॥ बहुतेरे उत्पात जे उरन दहै भय जानकी ।
प्रभु विद्योग छातौ दहै धरि धीरज कह जानकी ॥ ३९ ॥

विपिन आपु सँग अति सुखी डासि पात तरु छाह ।
गिरिगण सरि सरवर सुदित च्छुधा तृषित नहि दाह ॥ च्छुधा
तृषित नहि दाह निरखि पदकमल तुम्हार । अमपथ तन-
क न लेश सकल विधि प्रभु रखवारै ॥ प्रभु रखवार विचारिये
तजे जीव जानिय दुखी । त्यागिय मोहि विवेक करि विपिन
आपु सँग अति सुखी ॥ ४० ॥

प्रभु सुखपर नहि प्रण करौं उत्तर दीन्है पाप । तजौ तो

कहा बसाय पिय समुक्ति विचारिय आप ॥ समुक्ति विचारिय आप प्राण तन त्यागि निवारौं । प्रभु संग जाइय धाय देह घर राखिय डारौं ॥ राखिय डारौं देह घर बहुत कहत पातक डारौं । सत्य मन्त्र मन दृढ़ धर्यौं प्रभु मुखपर नहिं प्रण करौं ॥ ४१ ॥

तुम लक्ष्मण मानौ कही राम सिखावन दैत । मात पिता पुर शौच सब नाशहु वसौ निकेत ॥ नाशहु विघ्न अनेक अवधपुर भरतहु नाहीं । भूप बृद्ध नरनारि दुखित मम दुख मनमाहीं ॥ दुख मनको दूषण तजौ मानि मन्त्र राख्यो सही । दूषण देइहि सोहि नर तुम लक्ष्मण मानौ कही ॥ ४२ ॥

प्रभु वनमें हौं घर रहौं आयसुं तज्यो न जाय । प्राण बायु मधवश नहीं देह कहौ तहँ जाय ॥ देह कहौ तहँ जाय भार यह कापर डारौ । सैं सेवक शिशु कुमति चरणरज सेवनवारौ ॥ सेवनवारौ रज चरण धर्म नीति मग किमि लहौं । अवध काज सेरो कहा प्रभु वनमें हौं घर रहौं ॥ ४३ ॥

मातुचरण रघुवर नये विदा मांगि कर जोरि । अश्रुधार धाई धरणि माता कहति बहोरि ॥ माता कहति बहोरि कठिन उर फाटत नाहीं । ठाढ़ी देखत नयन राम सुत कानन जाहीं ॥ कानन जाहि विशेषिकै सबके सुख सुकृति गये । भेटि लाय उर यह कहौ मातुचरण रघुवर नये ॥ ४४ ॥

गुरुपायन पुर सौंपिके लीन लक्षण सिय साथ । चले भूप संदिर जहां विदाहेतु रघुनाथ ॥ विदाहेतु रघुनाथ राय उठि हृदय लगाये । नयनधार अन्हवाय राम बहुविधि समुक्ताये ॥ समुक्ताये नृप राम बहु सिया प्रेम उर तोपिके । लक्षण भेंट भूपति गिर्यो राम चले गुरु सौंपिके ॥ ४५ ॥

करि प्रणाम रघुपति चले त्यागि अवध सुखमूल । सब-
को सार सँभार करि खेति मोहमय शूल ॥ खेति मोहमय शूल
लोग सब व्याकुल भाग । रामविरहकी आगि नारिनर
उठि सँग लागे ॥ सँग उठि लागे नारिनर कालकर्म गुण दल
दले । धिर धरि रानि बखानि कटु करि प्रणाम रघुपति
चले ॥ ४६ ॥

भूप बुलाय सुमन्तको सिखदै दयो पठाय । सुनत सचिव
आतुर चख्यो लन्दन तुरत बनाय ॥ लन्दन तुरत बनाय
जिनय करि राम चढ़ाये । तमसातीर निवास प्रथम दिन
रघुपति आये ॥ प्रथम लोग तजि प्रभु उठे सचिव साधि रघु
तन्तको । गये राम जिय जानि सब सङ्ग बुलाय
सुमन्तको ॥ ४७ ॥

रामविरह दावाअनल भयो अवध वन घोर । पुरवासी
खग मृग भये रहैं सुखी सब ठौर ॥ रहैं सुखी सब ठौर-
कैरुयी भई किराती । ज्वाल बड़े चहुँ ओर जरति निशि
दिन तन छाती ॥ अवधि सेधकी आश उर रहि न सकत लप
कठिन थल । सो उपाय ब्रत जप सुहृद रामविरह दावा-
अनल ॥ ४८ ॥

राम गये सुरसरि निकट खेवट परम हुलास । वचन
सुमन्त बुलायकै बोले राम प्रकाश ॥ बोले राम प्रकाश तात
अव अवध सिपावै । पितुपद गहि मम ओर कुशल सब
विधि समुक्तावै ॥ समुक्ताये कहि कोटि विधि तदपि परयो
सङ्कट विकट । चले कर्मवश सचिव पुर राम गये सुरसरि
निकट ॥ ४९ ॥

झांगी नाड निहारिकै राम कहे मृदु बैन । सुनत बात
केवट कहै सुनिये राजिवनैन ॥ सुनिये राजिवनैन रावरी

पदरज खोटी । मानुष उड़ि उड़ि जात काठको गति है
छोटी ॥ गति है छोटी मोरि प्रभु वात कहौ डर डारिकै ।
रज मानुष कर मूरि कछु आगहु नाउ निहारिकै ॥ ५० ॥

तरनि होय सुनिकी घरनि सरै सकल परिवार । कोटि
करौ बानन करौ कहौ बचन शतवार ॥ कहौ बचन शतवार
नाउ नहि तुम्हें कुआऊं । अपने कुलको हानि होय जो तुम्हें
चढ़ाऊं ॥ तुम्हें चढ़ाऊं नाथ जन चरण प्रह्लासौं निज करनि ।
बिन धोये न चढ़ाय हौं तरनि होय सुनिकी घरनि ॥ ५१ ॥

चरण प्रह्लास बिलम्ब कह राम कह्यो सुसन्धाय । पानी
आन्यो दुहुं करनि धर्यो कठोता आय ॥ धर्यो कठोता आय
याथ पुनि धोवन लाग्यो । देवन वर्षे फूल कहत यहि समको
आग्यो ॥ यहि सम बड़भागी कहा शिवविरचि पदकमल चह ।
अन्य धन्य कहि सकल सुर चरण प्रह्लास कुटुम्ब सह ॥ ५२ ॥

कौन पार परिवारको चरणसुधाजल प्याय । पीछे
पार उतारियो निज कर कोशलराय ॥ निज कर कोशल-
राय उतरि सिध सहित बहोरौ । केवट लीन बुलाय लेहु
उतराई थोरौ ॥ उतराई थोरौ लहो तोहि भयो अम पारको ।
दौन देखि मोहि दौन बहु पार कौन परिवारको ॥ ५३ ॥

ते पद धोये आजु मैं शिव बिधि योग कमाहि । जिन
चरण नको शेष श्रुति वरणात निशिदिन जाहि ॥ वरणात
निशिदिन जाहि प्रकट कौन्ही जिन गङ्गा । अशरण शरण
पनीत पगनिको विरद अभङ्गा ॥ विरद अभंग प्रमाणको
धोये जनक समाजसैं । सकल सिद्ध सिद्धन दई ते पद धोये
आजसैं ॥ ५४ ॥

बिमल भक्ति वर दै चले राम लपण सिध सङ्ग । वन गिरि
सरिसर ग्राम पुर देखत मृगजु बिहङ्ग ॥ देखत मृगजुबिहङ्ग

ग्रामपुर निकसहि जाई । देखि कहहि नरनारि रामसिय
सुन्दरताई ॥ रामसिया सह अमुज युत देखि भाग तिनके
बले । प्रेम नेम जप यागफल विमल भक्ति बर दे चले ॥ ५५ ॥

एक कहत मुख चन्द्रसों भामिनि भावत मोहि । कला
कोश शशि शीतकर सीता कलित सजोहि ॥ सीता कलित
सजोहि श्याम रेखा शशिमाहीं । सिय मुखपर लट श्याम
सुभग वरणत कवि ताही ॥ वरणत कवि मृगअङ्ग कहि यह
सृगनयन अनन्दसो । ताप हरत यह शशिसुखी एक कहत
मुख चन्द्रसों ॥ ५६ ॥

एक कहति मुख कमलसो और न पटतर ताहि । अरुण
सुवासित अति मृदुल सो सियमुख अवगाहि ॥ सो सिय-
मुख अवगाहि शीत सुत वह यह सीता । कवि वरणत हैं वाहि
याहि मुख सुयश पुनीता ॥ सुयश पुनीता दुहुनको अमर मित्त
युग सुयलसो । और कहाँ उपमा लगै एक कहति मुख कम-
लसो ॥ ५७ ॥

सीतामुख सो मुख कसौ कमल चन्द्र सो नाहि । कमल
मन्द है रजनि वृत्ति चन्द्र मन्द दिनमाहि ॥ चन्द्र मन्द दिन-
माहि राहु हिमिशुचु सदाई । सीतामुख अरि नाहि लोक-
तिहुँ खोजहु जाई ॥ लोकतिहुँमहँ बिदित है घटै बढै
निशिदिन लहौ ॥ कमल चन्द्र पटतर कहाँ सीता मुख सो
मुख कहौ ॥ ५८ ॥

एक कहै पुर धन्य है मातु पिता पुनि धन्य । जिन देखे
ते धन्य हैं जहाँ जात धन धन्य ॥ जहाँ जात धन धन्य
बिटप गिरि सरि सर जेते । खग मृग निरखत धन्य वसत यल
बैठत तेते ॥ बैठत तेते सङ्ग हँसि बोलत चितवत धन्य हैं ।
धन्य पथ वन धन्य हैं हम देखत अति धन्य हैं ॥ ५९ ॥

राम लक्षण सीता सहित देखि प्रभाव प्रधाग । न्याय
दान दीन्है । द्विजन प्रीति सहित अनुराग ॥ प्रीति सहित
अनुराग दर्शसुख सशक्ति पाये । दुख सुख सबको देत
आपु ऋषिआश्रम आये ॥ आश्रम आये सुनत ऋषि भरद्वाज
आनन्द लहित । आसन आदर मुनि करयो राम लक्षण सीता
सहित ॥ ६० ॥

राम तुम्हारे दर्शते यह फल प्रकट दिखात । नेम प्रेम जप
योग तप तीरथ व्रत दुख गात ॥ तीरथ व्रत दुख गात
आजु सब सुफल हमारे । राउर आगम लहत नयन मुख सुखद
निहारे ॥ सुखद निहारे सुख भयो तीरथ राउर परशते ।
भयो मोड़ मङ्गल परम राम तुम्हारे दरशते ॥ ६१ ॥

भार प्रधाग नहायके राम लक्षण सिय साथ । चले मनो-
हर मनहरन वन्दि चरण मुनिनाथ ॥ वन्दि चरण मुनिनाथ
वदन रति ऋषुपति मानौ । ब्रह्म जीवके मध्य लसत साधा
कृषि जानौ ॥ माया कृषि लय देखिधौ उमाशंभु गण
नायके । चले कृषि सुपति शची भोर जयन्त लिवा-
यके ॥ ६२ ॥

पथ चरित सिय रामको सबसुख मङ्गलदाय । राम
लक्षण सियदर्शते खग मृग सुखी सुभाय ॥ खग मृग सुखी
सुभाय परमपदके अधिकारी । को न लहै सुख सकल सुखद
वर वदन निहारौ ॥ वदन निहारि सप्रेममय भरयो परम सुख
धामको । गिरि तरु खग मृग नारिनर देखि चरित सिय
शालको ॥ ६३ ॥

बालमीकिआश्रम गये सिया लक्षण रघुराय । आये
सुनिवर मिलनको भेटे हृदय लगाय ॥ भेटे हृदय लगाय पूजि
परिपूरण कोन्है । आसन आदर देय फूल फल सङ्कर दीन्है ॥

अङ्कुर दीन्हे अमिय लस चस्तुति आनन्द मन भये । सकल
सिद्ध साधन सुफल वालनौ क्रियाश्रम गये ॥ ६४ ॥

जाके हित मन गोक सित साधत साधन धाम । मोह-
सदादिके गरा तजे अहनिशि जागत याम ॥ अहनिशि जागल
जाम जापनप योग विरागे । मानस ब्रह्मणि रूप रहन निशिदिन
अनुरागे ॥ निशिदिन अनुरागे रहे ज्ञान ध्यान मन्दिर लहित ।
नो प्रत्यक्ष मूरति लखी जाके हित मन गोल सित ॥ ६५ ॥

राम कह्यो कर जोरिकै सुनिनायक सुनि बैन । आश्रम
पावन दोजिये जहाँ करौं शुचि अयन ॥ जहाँ करौं शुचि
अयन द्विम ककु तहाँ विनाऊँ । जानत कारण सकल कहा
कहि प्रकट जनाऊँ ॥ प्रकट जनाऊँ आश्रम न देहु सुनीश
निहोरिके । चलिय कृपा करि देहु मुनि राम कहेउ कर-
जोरिके ॥ ६६ ॥

सुन्दर गिरिगण सरित वन दोख जाय मुनि सङ्ग । कहत
महातम पर्ये थल देखि होय दुख भङ्ग ॥ देखि होय दुख
भङ्ग सुखी खगसृग वनचारी । तरुवर फलित विभाग सुधासन
सुन्दर वारी ॥ सुन्दर जल थल निरखि यह चितकूट मङ्गल
भरित । पावन करिय विहारथल सुन्दर वन गिरिगणा
सरित ॥ ६७ ॥

राम लषण आश्रम कर्यो चितकूट सिय सङ्ग । मनहु
विपिन वसि तप करत रति ऋतुराज अनङ्ग ॥ रति ऋतुराज
अनङ्ग राम लखि सुख वनचारी । भरि भरि दोना सफल
भेट धरि बदन निहारी ॥ बदन निहारि निहारि सब सगन
सदन मङ्गल भर्यो । विपिन भयो कामद सुखद रामलषण
अश्रम कर्यो ॥ ६८ ॥

अब सुमन्त अवधहि चले राम बिदा जब कीन । हय न

चलहि रघुवरविरह सचिव भयो दुख दौन ॥ सचिव भयो
दुख दौन शिथिल रथ हँकि न आयो । विकल विषाद
निहारि अत्रध केवट पहुँचायो ॥ केवट गृह आयो बहुरि
साँझ पाय अवसर भले । हानि गलानि बिहाल उर अब
सुमन्त अवधहि चले ॥ ६६ ॥

कहु सुमन्त कहँ रामसिय उठे विकल नरनाह । सचिव
हृदय भेटेउ नृपति नयनन नीरप्रवाह । नयनन नीरप्रवाह
सचिवसन बोलि न आयो । रामसिया सन्देश सबल मुख
कहन न पायो ॥ कहन न आयो सुखवचन ब्रह्मरन्ध्रपथ कट्टो
जिय । लखण रामसिय रामसिय कहु सुमन्त कहँ राम-
सिय ॥ ७० ॥

भूपभवन रोदन परगो रानी पुर नरनारि । अवधनाथ
अथयो मनहुँ रविनिशि अवध निहारि ॥ निशि सम अवध
निहारि गारि सब कुमतिहि देई । विपति वियोग कुयोग
कलह दृढ़ दौन्देसि नेई ॥ दौन्देसि सबकहँ दुसह दुख
जेहिके करतब नृप मरगो । हाय हाय लायो नगर भूप-
भवन रोदन परगो ॥ ७१ ॥

राखि भूप तन करि यतन कह वशिष्ठ समुक्ताय । दूत
पठाये भरतपहँ आतुर चार बुलाय ॥ आतुर चार बुलाय
भूप गति प्रकटेहु नाही । गुह्य बुलाये भरत बेगि लै गमनहु
ताही ॥ गवन कौन शिरनाथ तव हयगति मारग सुनि वचन ।
सुनि बुक्ताय रानी सकल राखि भूपतन करि यतन ॥ ७२ ॥

गुरुसँदेश आये भरत अशकुन नगर नगौच । श्वान
शृगाल उलूक खर बोलत अशुभ कुनीच ॥ अशुभ कुनीच
भरत मति गति धिति नाही । भरत देखि नरनारि वाम
दाहिन चलि जाहौं ॥ वाम अशुपुर देखिके दुखज्वरसौं

ज्ञानी जरति । धरत पावँ डगमग परत गुणसँदेश आये
 भरत ॥ ७३ ॥

भूषण भाजन साजिकै सुन आगमन विचारि । लै
 आई कैकप्रसुता सुत आरती उतारि ॥ सुत आरती उतारि
 भाय दौड भ्रमते भूले । पिघो न जल थल वैठि झूलके झङ्कुर
 झूते ॥ झङ्कुर झूल विचारिके कुशल पूंकि निजराजिके ।
 तोछो सुतदाहक वचन भूषण भाजन साजिके ॥ ७४ ॥

कुशल राज्य सब काजसँ राख्यो पढ़ सुधारि । भई मन्थरा
 परमहित दुख दूषण सब जारि ॥ दुख दूषण सब जारि राज
 सब तुम्हते जाग्यो । कणटक भे सब दूरि अगम धर नृपसँन
 माँग्यो ॥ अगम सुधारौ बात सँ नृप सुरपुर सुखसाजसँ ।
 कहुक विगारयो विधि यहै कुशल राज्य सब काजसँ ॥ ७५ ॥

रामलक्ष्मण सिय बन गये मरे भूप तेहि शोच । तुमकहँ
 राज्यविलास अब कीजे क्वाँड़ सकोच ॥ कीजे क्वाँड़ि
 सकोच होत सब विधिकी कोनो । मरन जियन जग रीति
 लेहु पर राज्य नवीनो ॥ राज्य सुनत व्याकुल गिरयो रोदन
 करि सुच्छित भय । तात तात हा तात कहि रामलक्ष्मण
 सिय बन गये ॥ ७६ ॥

परे न कौरा मुहँ जरयो वर माँगत जड़ तोहि । कुमति
 कठोर न नृप लखौ मिथ्या जन्मे मोहि ॥ मिथ्या जन्मे
 मोहि वाँझ तू भई न काहे । ऐसी कुमति कठोर कर्म करि
 सो उर दाहे ॥ दाहे उर खल वचन मुख राम विपिन
 कह मन धरयो । को तू काके रूप धर परे न कौरा मुख
 जरयो ॥ ७७ ॥

पौतम मारत नहि डरी बन पठये सिधराम । प्रेत
 पिशाचिनि रूप तू भई कहांकी वाम ॥ भई कहांकी वाम

राम तोहि अनहित लागे । जोहसि सो उठि बैठु ओट तजि
आँखिन आगे ॥ आँखिन आगेते टरै धिक सैं जन्मग्रीं जोहि
घरी । रामसुवन पठये बनहि पीतम भारत नहि डरी ॥ ७८ ॥

आई दुखदायिनि तिया नाम मन्थरा जाहि । भूषण-
भार शृंगारि तन रिपहन लखि चष चाहि ॥ रिपहन
लखि चष चाहि दौरि पग कूबर मारयो । परी धरणि धरि
केश घसीटत तनक न हारयो ॥ तनक न हारयो वीर तब
भरत जाय रक्षण किया । उठे त्यागि कुल दाहिनी आई
दुख दायिनि तिया ॥ ७९ ॥

उठत कौशला गिरि परीं भरत देखि उठि दौरि । लीन्हे
हृदय उठायकै आँगन गिरीं बहोरि ॥ आँगन गिरीं बहोरि
रोय दीन्हों दृहं भाई । मातु लगाई कख अश्रुधारा नह-
वाई ॥ नह वाये चषनीरतै वीर भरत धीरज धरी । बिकल
भरत समुझावती उठत कौशला गिरिपरी ॥ ८० ॥

अञ्चल नयन लगायकै आँसू पोंछति मात । तोहि बिना
सुत यह दशा उठन न पैयत गात ॥ उठन न पैयत गात
रामसिय बनहि सिधाये । पुर परिजन भे बिकल लषण सिय
बहु समुझाये ॥ बहु समुझाये नहि रहे राम चले संग
लायकै । सुनत भरत जलसों भरे अञ्चल पोंछति
धायकै ॥ ८१ ॥

मातु जगत जन्मग्रीं वृथा भई न कैकथि बाँझ । राम
सिया अप्रिय भयो अयशमूल जगमाँझ ॥ अयशमूल
जगमाँझ जासु हित यह शति तौरौ । जन्मत हृत्यो न
सोहि देति विषमाहुर घोरौ ॥ माहुर दै मारयो जगत कुल
कुठारि उपज्यो यथा । नृपगति यह रघुपति विपिन मातु
जगत जन्मग्रीं वृथा ॥ ८२ ॥

सुर सुर द्विज पातक परै जो जानत यह बात । बाल दासवध अथ अयश गाय गोठ पुर घात ॥ गाय गोठ पुर घात मीत नृप साहुर दीन्हे । परधन परतिथहानि परै अथ गोवध कोन्हे ॥ गोवध निदावेदको पर अपकारौ अथ करै । जो जननी जानहुँ तनक सुर सुर द्विज पातक परं ॥ ८३ ॥

परधर अग्नि लगावहीं कुपथ पथ्य पग देयँ । बल करि विष परधन हरै रण भगि अपयश लेयँ ॥ रण भगि अपयश लेयँ मातु पितु विप्र न मानै । हरिहर पदते विमुख भूत जेतन उर आनै ॥ उर आनै तीरथ कुरुत निज कुटुम्ब टण लावहीं । जो जानों तौ अथ परै परधर अग्नि लगावहीं ॥ ८४ ॥

लोभ मोह फाँसे रहै साधु सङ्ग नहि लेयँ । मीत विप्र कुल कष्ट लखि अशन नीर नहि देयँ ॥ अशन नीर नहि देयँ रूप सर वाग विध्वंसै । तन पोषक बिन तोष अहत विष धन पर अंसै ॥ पर अंशै जे नित धरै कुवचन बोलि छाती दहैं । तिनकी गति विधि देहु जग लोभ मोह फाँसे रहै ॥ ८५ ॥

ते नर जग हो तै मरै करै जन्म भरि पाप । रामगडल अपयश लहै देहि विप्र सुर ताप ॥ देहि विप्र सुर ताप वसत वर लाय उजारै । सन्तसभा नहि बेठि मृषा मुख वचन उचारै ॥ मृषा साखि जग उच्चरै नित्य रारि उठि गृह करै । रामसिया जेहि प्रिय नहीं ते नर जग होते मरै ॥ ८६ ॥

तुम सुत अपथ न खाँचियो राम प्राण प्रिय तोहि । तुम रामहि अति प्रिय सदा विधि गति बाँकी होहि ॥ विधि गति बाँकी होहि देहु दूषण जनि काहु । कर्म प्रधान किसान व-

वे लुनियत सोइ लाहू ॥ बयो लुनियत जगतमें भूप मरे
हम बाँचिये । राम चले प्राण न चले लुम सुत प्रपण
न खाँचिये ॥ ८७ ॥

बड़े भोर मुनि आयगे बैठेहि रैन विहानि । भरत बुझाय
बशिष्ठ मुनि भूपक्रिया विधि आनि ॥ भूपक्रिया विधि
आनि दाह सरयूतट दीन्हो । रानिन केर प्रबोध भरत
पाँयन परि कौन्हो ॥ पाँयन परि करि कर्म सब तिल सञ्जलि
छत रायके । भरत सिखाये मृत करम बड़े भोर मुनि
आयकै ॥ ८८ ॥

हय गय मणि भूषण दये सिंहासन सहिसाज । धेनु
बसन आयुध चर्वरकल पात्र शिरताज ॥ कल पात्र शिरताज
खमति गति मुनि जस भाषी । अत अत कौन विधान भरत
करणो अभिलाषी ॥ करि करतूति प्रमाण जस सब प्रकार
विधिवत भये । शुद्ध सिद्ध करि काज सब हय गय मणि
भूषण दये ॥ ८९ ॥

शुद्ध भये मुनिवर गये जहां राजदरवार । नगर महाजन
विप्रजन सचिव सुभट सरदार ॥ सचिव सुभट सरदार
बोलि पठरु सब रानी । भरत शत्रुहन साथ बोलि लौन्हो
मुनि ज्ञानी ॥ मुनि ज्ञानी बैठारि ढिग मधुर बचन बोलत
भये । राजसभा दरवार सब शुद्ध भये मुनि वर गये ॥ ९० ॥

नृपति प्रेम पूरण कियो तेहिको ओचिप्र नाहि । जाको
अथ अशि अर्दको को नहि देखि सिहाहि ॥ को नहि देखि
सिहाहि भोग सुरपति सम कौन्हो । राम वियोग कृशानु
प्राण तेहि दृण धरि दौन्हो ॥ राम लपण तुम शत्रुहन चारि
सुवन लाख भगजियो । विकुरि गयो सुरलोक वर नृपति
प्रेम पूरण कियो ॥ ९१ ॥

राज स्वभाव सनेहको कहिय कौन विधि गाय । पितु ।
आयसु छरतहि उठे लज पुरजन समुक्ताय ॥ सब पुरजन
समुक्ताय सिया लपखहि समुक्तायो । प्राण तजौ यह जानि
सप्त करि शोचन आयो ॥ शोचन आयो भूपको भूपति
वचन अक्लेहको । धर्मशील शुखको कहै रामस्वभाव
सनेहको ॥ ६२ ॥

कठिन बैकयी का कहीं कहतहु कही न जाय । कुमति
कुआगि वरायके दौन्ही अवध लगाय ॥ दौन्ही अवध लगाय
राम सिय बनहि सिधाये । पुर परिजन मन शोच भूप हठि
प्राण पठाये ॥ प्राण गवाँये भूपवर भावी गतिको नहि
दहौं । विधि विधता अति कठिन है कठिन बैकयी
का कहीं ॥ ६३ ॥

भूप वचन प्रिय प्राण नहि भरत सुनौ सतिभाव । सो
फुरको जिय शिर धरि म धर्म स्मृति श्रुति गाव ॥ धर्म स्मृति
श्रुति गाव तजे रघुवर जेहि लागौ । भातु सचिव पुर लोग
जरत ज्वर नाशहु आगौ ॥ नाशहु आगौ अवधकी अवधि
लगे नृप राज्य लहि । दोष न ककु मानस करौ भूपवचन
प्रिय प्राण नहि ॥ ६४ ॥

कहत कौशला पाँय परि पूत सुनहु शुरु बात । भूप
सरे रघुप्रति गये तुम यहि विधि कदरात ॥ तुम यहि विधि
कदरात अवध उत्पात विचारौ । कालकर्म गति वाम कुदिन
सुख कौजिय कारौ ॥ कौजिय शुरु आयसु सुदित पुर परि-
जन शिर भार धरि । पालि शोच सबको हरौ कहत कौशला
पाँय परि ॥ ६५ ॥

भरत नयन धारा चली सुनि शुरुजननी वैन । हाथ
जोरि बोली मधुर जल उमड़े द्यौ नैन ॥ जल उमड़े द्यौ नैन

सौख्य भलि दौन्ह गोसाँई । मातु कहेउ उपदेश मोहिंपर
दया सदाई ॥ दया सदाईते कहत सचिव मातु गुरु हित
भले । उतर देत पातक लहौं भरत नयन धारा चले ॥ ६३ ॥

पाँधन पनहीं नहिं धरी राम विपिन किय गौन । भूप
मरे प्रण पूर करि ताको शोचन कौन ॥ ताको शोचन कौन घाव
यह तीक्ष्ण लाग्यो । यहै पौर नित दहत रयन भरि शोचन
जाग्यो ॥ शोचन जाग्यों निशि सबै जाति सबै छाती जरी ।
राम लषण कटिपट तजे पाँधन पनहीं नहिं धरी ॥ ६७ ॥

प्रातकाल करि हौं यहै सुनहु सत्य सब बात । धर्म जाय
जग अयश लहि नरकहु दुख सहिगात ॥ नर कहुदुख सहि
गात जन्म भरि सङ्गट होई । सब दुख दाँवा दहौं अनल
वरु डारहु कोई ॥ डारहु कोय जुवाल ज्वर सकल दोष दुख
भरि रहै । जाहुँ अनुजयुत विपिन कहँ प्रातकाल करि
हौं यहै ॥ ६८ ॥

शरण सामुहे देखिकै रघुपति करि हैं छोह । शील
स्वभाव सुखापिको समुहे जनपर मोह ॥ समुहे जनपर
मोह रामप्रिय वाम न काह । मैं शिशु सेवक नीच कुमति
उर प्रकटेउं ताह ॥ प्रकटेउ विधि अघ अयश लै नीच दास
शिशु लेखिकै । रामसिधा करि हैं कृपा शरण सामुहे
देखिकै ॥ ६९ ॥

भरत वचन लखि रवि जगे रामविरह निशि पाय । भूप-
शरण कैकय कुमतिं तिमिर रहेउ पुर छाया । तिमिर रहेउ
पुर छाया मुर्छि सोवत नरनारी । लषण सिधाको विरह
व्याघ्र वृक गर्जत भारी ॥ गर्जत भारी भय विकल तारागण
मुनि द्विज लगे । दुखद सेज सोवत विकल भरत वचन
लखि रवि जगे ॥ १०० ॥

सदके मन सब सुख भयो भरत भलो मत कौन । दुख
समुद्र दूढ़त सकल जेहि अबलम्बन दीन ॥ जेहि अबलम्बन
दीन सभा सब उठि भे ठाढ़े । रामचन्द्र सिय दर्श मन्त्र नर
वारिधि वाढ़े ॥ वारिधि वाढ़े लोग सब भरत मन्त्र सबहौ
लयो । साजि साजि वाहन चले सबके मन सब सुख
भयो ॥ १०१ ॥

भरत साज साजत भये मातु सकल पुरलोग । चले
चित्तकूटहि भरत कृष्ण तन रामवियोग ॥ कृष्ण तन रामवियोग
चले सजि साज समाजे । पाँयन पनहीं त्यागि शीश नहि
भूषण राजे ॥ भूषण साजे त्यागिके भाय मातु सँग सब
लये । रामप्रेम पूरण भरे भरत साज साजत भये ॥ १०२ ॥

तमसातीर निवास करि प्रात समाज समेत । सुरसरि
देखो जाय तव केवट कहत सचेत ॥ केवट कहत सचेत
भरत सेना सँग लौन्हे । समुक्ति निषाद विचारि कपट
प्रन्तरमहँ दीन्हे ॥ अन्तर कपट विचारिके सजग होउ सब घाट
धरि । राम जानि वन भरत सजि तमसातीर निवास
करि ॥ १०३ ॥

रामकाज जूझहु सुभट भरत रामके भाय । मैं सेवक
रघुवीरको लोहे देहुँ अघाय ॥ लोहे देहुँ अघाय सुभट विन
कटक निहारौ । हथ गय रथ जल बोरि पाउँ पौछे जनि
धारौ ॥ पाउँ न पौछे कोउ धरहु राम काज अरु गङ्गतट ।
मोर निहोर विचारिके स्वामि काज जूझहु सुभट ॥ १०४ ॥

पहिरत अगरी धनु धरत भई क्लीक गति वाम । सगुन
सगुनिघा कहि चलयो सगुन सुमङ्गलधाम ॥ सगुन सुमङ्गल-
धाम भरत नहि कपट कुचाली । राम मनावन जाहि सङ्ग
ले मातु सुचाली ॥ सङ्ग मातु गुरु सचिव सब लोग राम

शोचनि जरत । सहसा कर्ष न कोजिये पहिरत अगरी धनु
धरत ॥ १०५ ॥

समुक्ति भेट नृप लै चले खग सुग धन पट गीन । मिलन
साज सब सङ्ग लिये पुरजन परम प्रवीन ॥ पुरजन परम
प्रवीन मिल्यो मुनिबरकहँ आगे । रामसखा सुनि भरत
चले मिलनै रघु त्यागे ॥ रघु त्यागे केवट कखो नास जाति
पुर जन भले । भरत चलयो उमंगत नयन सप्रसक्ति भेटि
नृप लै चले ॥ १०६ ॥

भरत कुशल पूँछी सबै केवट दिनतो कीन्ह । अब पद रज
लखि कुशल सब प्रसु दर्शन जब दीन्ह ॥ प्रभुदर्शनके लहत सकल
दुख दूरि पराने । चलिये अपने पुरहि राम जस सेवक जाने ॥
सेवक कहेउ पुकारि मैं मातुनि लखि सादर जबै । टै अघीष
जनु लषण सम हेतु कुशल पूँछी सबै ॥ १०७ ॥

सब सुपास सबको भयो सुरसरि भरत अन्हाय । राम-
सखा सेवा करी सबको वास दिवाय ॥ सबको वास
दिवाय रयनि सब तहाँ गवाँई । एकहि खेवा पार किये केवट
उतराई ॥ उतराई सब सेनयुत चले प्राग मारग लियो ।
रामदर्श लालच हृदय सब सुपास सबको भयो ॥ १०८ ॥

न्हाय प्रयाग प्रणाम करि दान दीन सुख पाय । अरदाज
आश्रम गये मिले पूजि बैठाय ॥ मिले पूजि बैठाय कखो
हम सब सुधि पाई । कसन करहु यह भरत प्राणसम प्रिय
रघुराई ॥ प्राण समान सनेह पद तजि गलानि जनि हृदय
धरि । निशि ऋषि कौन सुपास सब प्रात नहाय प्रणाम
करि ॥ १०९ ॥

रामनाम रसना ललित ध्यान राम सिखरूप । अवका
कथा रघुपति सगुण हृदय चरित अनूप ॥ हृदय चरित

रनूप परत पय नग हग डोलैं । शिथिल तनेह गँभीर राम
सिय सुख भरि दोलैं ॥ सुख भरि दोलैं रामसिय पय
अपश्यहु निञ्चलित । वर्षत सुर जय जय कहत रामनाम
रसना ललित ॥ ११० ॥

सुन्दर वन गिरि गण सुदित मृग विहङ्ग कपि भाल । प्रसु-
दित प्रजा समाज सब राजा सुखद सुकाल ॥ राजा सुखद
सुधाण लकल तत फल सुखदायक । सुधा सरिस सरि-
वारि कर्म अथ औशुखाखायक ॥ औशुख कुल दल दपट
दुरि कपट द्विरद केहरि विदित । केवट भरत बताइयो
सुन्दर वन गिरिगण सुदित ॥ १११ ॥

नाथ विटप वट तत तरे कौन छावनी राम । सिया
वनाई वैदिका निज कर ललित ललाम ॥ निज कर ललित
ललाम राज शुभ आश्रम नीको । मुनिगण कहत पुराण
सुनत दिनकरकुलटौको ॥ दिनकरकुलमखन मही दुख
खखुव कहि जय हरे । रामसिया लक्ष्मण लखौ नाथ
विटप तत वट तरे ॥ ११२ ॥

जाय भरत पाँयन परे लाहि लाहि भगवन्त । अशरण-
शरण प्रताप जग आदि मध्य नहि अन्त ॥ आदि मध्य नहि
अन्त प्रणत जनरत्नक स्वामी । शील स्वभाव विचारि
शरण पद रज अनुगामी ॥ अनुगामी शिशु औशुणी धाय
जानि प्रभु पद धरे । लाहि लाहि रत्नक प्रभो जाय भरत
पाँयन परे ॥ ११३ ॥

भरत प्रेम रघुवर शिथिल उठै शरीर विसारि । धनुष
तौर पट शिर मुकुट जटा दये छिटकारि ॥ जटा मुकुट छिट-
कारि नयन उमँगे जल धारा । दुहुँ कर लियो उठाय सगन
नहि देह संभारा ॥ देह संभार विचार तजि भाय लाय

उरमें विकल । देखि दृशासुरगण तसित भरत प्रेम रघुवर
शिथिल ॥ ११४ ॥

छोड़ि न भावत शिथिल दोउ भाय प्रेम परिपूरि । मन
बुधि चित हित लायकै करि कुतर्क सब दूरि ॥ करि कुतर्क
सब दूरि राम पुनि केवट भेटे । लषण भरत पुनि मिले शत्रु-
हन उर दुख भेटे ॥ भेटि दसह उर दाह दुख भरत शीश पद
धरे दोउ । सकल सभा मुनिगण मगन छोड़ि न भावत मगन
दोउ ॥ ११५ ॥

केवट गुरु आगमन कहि राम उठे सब सङ्ग । धरे जाय
मुनिपदकमल भेटे मुनि धरि अङ्ग ॥ भेटे मुनि धरि अङ्ग
चले आश्रमहि लिवाई । मातन भेटे आय मनहु शिशुधेनु
तुराई ॥ धेनु तुराई गति मिली सिध सासुनके चरण गहि ।
रोदन करत बिलाप करि केवट गुरु नृपसरण कहि ॥ ११६ ॥

भये शुद्ध मुनि वचन कहि भरत राम सब भाय । सब
समाज करुणा हरष मातु सचिव ऋषिराय ॥ मातु सचिव
ऋषिराय भरत विनती उठि कौन्ही । श्रीरघुवर
सर्वज्ञ सकल गति मति रति चौन्ही ॥ मति गति चौन्हि
सनेह सब अवश करिय सोइ आजु लहि । चलिय अवध
नृपता करिय भये शुद्ध मुनि वचन कहि ॥ ११७ ॥

आयसु नृप बनको दयो सोई धरि शिर आज । तुमको पितु
पुरको दयो पूरण राज समाज ॥ पूरण राज समाज हमहुँ तुम
आयसु कौजे । पालिय पितुको बैन जन्म अभिमत फल लौजे ॥
अभिमत फलति न जग लह्यो पितुआयसु जिन शिर लयो ।
वचन न खण्डित सो करौ आयसु नृप बनको दयो ॥ ११८ ॥

जो श्रुति कहत सुसत्य है भरत कहत कर जोरि । पितु
आयसु शिर राखिये परमधर्म शत कोरि ॥ परमधर्म शत

कोरि तदपि पितु तियवश होई । सन्निपात अतिवात वारु-
णो सेवत सोई ॥ सेवत सोई रोगवश वचन कुयोग अपत्य
है । समुक्ति नाथ कौजे उचित जो श्रुति कहै सो सत्य
है ॥ ११६ ॥

प्रभुरुख लखि मन प्रण कियो गये गङ्गके तीर । जल
उठाय सङ्गल्य करि जो न चलै रघुवीर ॥ जो न चलै रघुवीर
देह लणसम तजि डारौ । तन मन अर्पित देखि गङ्गतिय
वेष सुधारौ ॥ वेष सुधारौ एक मुख दिग उपदेश सुधारियो ।
सुनु विवेक रामानुजे प्रभुरुख लखि प्रणमन कियो ॥ १२० ॥

सत्य सच्चिदानन्द हरि राम सकल सुर ईश । ताहि न
सुत भ्राता गनौ सर्वोपरि जगदीश ॥ सर्वोपरि जगदीश
शम्भु विधि हरिकारण कर । पद पताल शिर गगन लोक कर
उर गिरि सरवर ॥ गिरि सरवर धर अङ्ग सब भरण हरण
धिति पूरि भरि । हठन करौ आयसु धरौ ब्रह्म सच्चिदानन्द
हरि ॥ १२१ ॥

जन पालन खलगण दहन चले विपिन सुरकाज ।
महीदेव श्रुति द्विज विकल मुनिपालन तपसाज ॥ मुनि-
पालन तपसाज जात दश कण्ठहि मारै । करि प्रमाण निज
कर्म अवधपुर तिलक सुधारै ॥ तिलक राज लीला करहि
महौ मोद सुख निर्वहन । उठहु राम आयसु करौ सुरपालन
खलगण दहन ॥ १२२ ॥

शुभ आनन सुनिकै भरत मगन भये सुख वन्द । भई
अर्हाष्टि अश्रीश दै अवण सुधा शुभ छन्द ॥ अवण सुधा शुभ
छन्द भरत आनन्द सिधायै । श्रीरघुवरपदकमल प्रेम धरि
श्रीश नवाये ॥ श्रीश नाथ विनती करौ देहु पादुका शिर धरत ।
करत अटन तीरथ विपिन शुभ आनन सुनि सिख भरत ॥ १२३ ॥

मगन समाज समेत सो चित्रकूट वन देखि । सुखद राम
बर बहन लखि जीवन सफल विशेषि ॥ जीवन सफल विशेषि
भरत श्रीराम बुलाये । विदाहेतु गुरु वचन कहे सबकहँ समु-
झाये ॥ सब प्रबोध भेंटे मिले चले समाज सनेहसों । अव-
धि आश्र पुर वास करि मगन समाज सनेहसों ॥ १२४ ॥


राम भरतके प्रेमको को कविवरणात पार । नेम क्रिया
दृढ़ धर्मव्रत कर्म परम आचार ॥ कर्म परम आचार वरणि
सहसानन हारे । मति जड़ वरणाहिं काह भसक नभ अन्त
विचारे ॥ मशक अन्त किमि पावई गमन उड़े करि नेसको ।
तुलसिदास शठ क्यों कहै राम भरतके प्रेमको ॥ १२५ ॥

बसे अवधपुर लोग सब भरत बसे पुर त्यागि । नन्दि-
ग्राम खनि अवनि थल व्रत मुनि निशि दिन जागि ॥ निशि
दिन मुनि व्रत साधि पादुका नृप करि सेवै । राज-
काज शुभ साज करत पूजत द्विज देवै ॥ देव सनावत
अवधिहित राम समागम होय कब । तुलसिदास मुनि
व्रत धरे बसे अवधपुर लोग सब ॥ १२६ ॥

इति अयोध्याकाण्डं

समाप्तम् २ ॥

अथारण्यकाण्डप्रारम्भः ॥



फटिकशिला सुन्दर सुखद बैठे सिध रघवीर । सुमन
लषण आनहि सुभग सुरभित सुमुख समीर ॥ सुरभित
सुमुख समीर राम सिध भुषण साजे । अङ्ग अङ्ग प्रति रुचिर
कामरति कखि क्वि लाजे ॥ लखि लाजे रति काम तन इन्द्र-
सुवन भरमें दुखद । परब्रह्म श्रीराम सिध फटिकशिला
सुन्दर सुखद ॥ १ ॥

समुक्ति मनुज अवगुण क्यो ह्यो चोच तन काग । रुधिर
देखि अर सुमनको कौन्ह क्रोध करि त्याग ॥ कौन्ह क्रोधकर
त्याग लोक लोकन भ्रमि आयो । मति गति विह्वल
विकल मोह माधा भरमायो ॥ मोहअन्ध नारद लख्यो
पाय सौख पायेन पखो । ताहि चाहि रचा करो समुक्ति
मनुज अवगुण क्यो ॥ २ ॥

एक आखि करि प्रभु तज्यो कर्म कौन बड़ सोर । रुपा-
निधान समानको प्रणतपाल वरजोर ॥ प्रणतपाल वर-
जोर चरित सुर नर मुनि गावै । चितकूट बस सुखद जानि
सत्र आश्रम आवै ॥ आश्रम विदित विचारिकै विपिनसाज
सत्र तन सज्यो । अति जहाँ आश्रम गये चितकूटधल
प्रभु तज्यो ॥ ३ ॥

अबि अनन्द भेटत भये देखि लषण सिध राम । आसन
बैठारे मुदित पूजे अभिमतकाम ॥ पूजे अभिमतकाम
जानको लेन लाई । अनसूया पट दीन नित्य नूतन सुख-

दाई ॥ सुखदायन उपदेश दें पतिव्रत धर्मनि सब दये । आदर
अस्तुति मुनि करो ऋषि कनक भेंटत भये ॥ ४ ॥

विद्या अत्रिसौं प्रभु भये सिया लषख रहुराय । चले
विपिन आगे सुखद महासुदित मन पाय ॥ महासुदित मन
पाय लकल मुनि भये सुखारी । निर्भय जप तप करहि योग
सखहोम विचारौ ॥ होम विचारि लंभारि हरि आशिष
आदरसौं दयो । सङ्गखनघ कानन भयो विद्या अत्रिसौं
प्रभु भयो ॥ ५ ॥

बधि विराध भग सुख भये देखि जाय सरभङ्ग । परि-
पूरख लखि रामकवि प्रेम प्रफुल्लित अङ्ग ॥ प्रेम प्रफुल्लित अङ्ग
जोरि हर विनय बड़ाई । करि निहोर रचि चिता अघि
अदि दौन लगाई ॥ दौन अघि तन अर्पिकै राय लषख सिय
उर लये । गयो धाम श्रीराम लखि बधि विराध भग सुख
भये ॥ ६ ॥

मिले सुतीक्ष्ण धायकै पुलकनघन जलधार । जेहि
विधि शिव योगीश्वर मुनि ध्यावत हृदि आंगार ॥ हृदि मन्दिर
ध्यावत सदा आये तेवन आजु हैं । देखों नयन सनेह भरि
मूरति सुख रघुराज हैं ॥ अन्तर्यामी धारि मन मूरति नेह
लगायकै । राम जगाये प्रेम परि मिले सुतीक्ष्ण धायकै ॥ ७ ॥

सङ्ग गयो मगमें चलो जात लखत प्रभु रूप । ऋषि
अगस्ति आश्रम गये हर्षि सङ्गत सुर भूप ॥ हर्षि देखि सुर
भूप मिले मुनि भाग बलान्यो । आसन आदर पूजि वेद
प्रति सति प्रभु जान्यो ॥ जान ठानि सुख सानि प्रभु मधुर
बचस बोली भली । शुभ अस्थान बताइये सङ्ग गयो मगमें
चलो ॥ ८ ॥

अमङ्गल सुखदर्श । खरदूषण पहुँ गय विकल हास समुक्ति
धावत भई १३ ॥

करि प्रबोध सेना सजौ खरदूषण मन क्रोध । राम
बुझाये लक्षणको सिय गिरि राखिय शोध ॥ सिय गिरि
राखौ शोधि दनुजसेना यह आई । भानुयान कृपि गये धूरि
नभमखल छाई ॥ छाये धूरि नभमें रही दुन्दुभि दौरघ अति
बजौ । सौतहि राखौ कन्दरा करि प्रबोध सेना सजौ ॥ १४ ॥

धरहु धाय बोले वचन लखि कृषि दूत पठाय । नारि
अग्र करि मिलहु नृप कहे दूत यह आय ॥ कहे दूत यह आय
राम तेहि उचर दीन्हो । सुनि खरदूषण क्रोध सुभट लै
दर्पित कौन्हो ॥ दर्पित डारहि अल बहु धरि सष्टल असि शक्ति
वन । मनहु भेद्य वर्षत अचल धरहु धाय बोले वचन ॥ १५ ॥

राम साजि शारङ्ग शर चले विशिख जनु व्याल । कटे
विकट अल उर अरण्य भज महि गिरहि कपाल ॥ भुज महि
गिरहि कपाल विकल भाजहि लखि शायक । खलदल
सभय सशोक निरखि खरदूषण धायक ॥ धाय क्रोधि
शायक तजे रहे पूरि दिशि गगन धर । सजि पावकशर जा रि
तम राम साजि शारङ्ग शर ॥ १६ ॥

खलदल वृन्द निहारिके प्रभु मन कौन विचार । रामरूप
कौनो कटक सब लरि मख्यो अपार ॥ सब लरि मख्यो अपार
एक एकन धरि मारै । कौहुक लखि सुर मगन रामको चरित
निहारै ॥ चरित निहारि एकारि सुर वर्षि प्रखून सुधारिकै ।
जय जय जय महिभारहर खलदल मरन निहारिकै ॥ १७ ॥

खरदूषण लिशिरा परे धूर्पखखा लखि बैन । रोवत
रावणकी सभा कहि कहि आरत बैन ॥ कहि कहि आरत
बैन देशकी सुरति विसारी । शिर अरि डेरा करयो खबर

नहिं तोहिं सुरारौ ॥ खवरि न तोहिं निहारु जोहिं अन्न
सकल शोणित भरे जुरे जाय आता समर खरदूषण
त्रिशिरा परे ॥ १८ ॥

ताहि सङ्ग वरभामिनी रतिरम्हाळुवि छीन । रमा
भारती शिवतिथा लागहिं सकल मलौन ॥ लागहिं सकल
मलौन कोटि शशिसम वृत्ति शोभा । खग मृग पशु जड
जीव वाहि लखि विकल न को भा ॥ विकल नारि नर मुनि
मगन तजत योग जप यामिनी । दामिनि वरणात वृत्ति कहां
ताहि सङ्ग वरभामिनी ॥ १३ ॥

अवनि असुर खण्डित करै प्रबल शत्रु वरिदखड । देखत
वालक काल सम अति विशाल भुजदखड ॥ अति विशाल
भुजदखड मदन जनु वेष संवारै । मुनि मन भये अनन्द
विपिन विचरत भय डारे ॥ भय डारे मुनि जय करहिं खल-
दल दलि सुर दुख हरै । भूपङ्कमार अपार छवि अवनि असुर
खण्डित करै ॥ २० ॥

करि प्रबोध रथ चढि चलो रावण मन अनुमानि । जहँ
भारीचस्थान शुभ मन्त तन्त मन ठानि ॥ मन्त तन्त मन
ठानि गयो उठि आदर कौन्हो । भारीचहु मन लख्यो कळू
स्वारथ मन दीन्हो ॥ स्वारथ घाते विचारि जिमि अङ्गुश
धनु अहि छल छल्यो । नवै बिलारि विचारि छल करि प्रबोध
रथ चढि चलो ॥ २१ ॥

तात हेतु स्वारथ करौ कथा समस्त सुनाथ । हरहुँ वाम
वृष तनयको बैर सकल बुक्ति जाय ॥ बैर सकल बुक्ति जाय
होड मृगकपट बनाई । भगिनी लखि दुख मोहि करहु बन
मोरि सहाई ॥ मोरि सहाय विचारिकै निज कुल मङ्गल मन
धरौ । बात जात घातक भयो तात हेतु स्वारथ करौ ॥ २२ ॥

सुनु सुत याहि न नर गनौ जैं जानत बख ताहि । विन-
फरअर मोहिं सारियो गयो समुद निरवाहि ॥ गयो समुद
निरवाहि सारि ताडका सुवाहौ । मञ्जो शिवको दखद जनक-
कन्यका विवाहौ ॥ जनकसमाज बृपाल बहु मान सदिं भृगु-
पति हनौ । ताहि विरोध न कृष्णल है सुनु सुत ताहि न नर
गनौ ॥ २३ ॥

ज्ञान सिखावत मोहिंकहं जैं सुर नर वश कीन । उत्तर
देहि न उठि चले डरडरात पुरतीन ॥ डरडरात पुरतीन
समुक्ति मन देखि विचारी । यहि सारे बख नरक राम कर
सुरपद भारी ॥ सुरपद भारी पाय हौं चलो नाय शिर
राम तहँ । रावण आदुर चढ़ि चलो ज्ञान सिखावत मोहि-
कहँ ॥ २४ ॥

सायामय छाया करौ सिध आयसु उर मानि । मृग देख्यो
शुचि हेममय खचित रतन मणिखानि ॥ खचित रतन मणि-
खानि लखत जानकी सुखारी । यहि हति सुन्दर छाल
करिय प्रभु धनुअरधारी ॥ धनुअरधारी मन समुक्ति जानत
आगमकी घरी । चले लक्षण सिध सापिकै सायामय छाया
करौ ॥ २५ ॥

मृग सारो दूरी निकरि राम कठिन अर ताने । हा
लक्षण प्रथमै कछो पीछे राम बखानि ॥ पीछे राम बखानि
कहत जानकी विचारी । कही लक्षणसों बात आय तव
सङ्कट भारी ॥ सङ्कटवश सुमिरत तुझै जाहु तुरत धनुबाण
धरि । असुरसैन्य अरिदल असे मृग सारो दूरी नि-
करि ॥ २६ ॥

राम न सङ्कट कहँ परै काल जुरै रणमाहि । सकल सुरा-
सुर लरि मरै समर जीति है नाहि ॥ समर जीति है नाहि

शोच मनसांल निवारौ । राम दीनता वचन वदन कवहूँ
न उचारौ ॥ कवहूँ न संशय जानिये सख्य वचन खेरे धरौ ।
कली वेप निधिचर निपिन राम कवहूँ सङ्कट परौ ॥ २७ ॥

कस्यो वचन सहि नहिं गयो उठयो देख धनु खँचि । यती-
वेप दमङ्कठ शठ आयो सिघटिग यँचि ॥ आयो सिघ-
टिग यँचि जानकी ताहि बुलायो । देन लागि फल मूल दुष्ट
तद वचन सुनायो ॥ वचन सुनाय सुखद कहि वँधी भीख
नहिं कहँ लयो । भावीवश सिय देख तजि वचन कस्यो
नहिं सहि गयो ॥ २८ ॥

देख त्यागि सिय जब गई रघुपर लई चढाय । गल्यो
गगन भयते मगन इत उत देखत जाय ॥ इत उत देखत
जाय सिया रावण जब जान्यो । कहत पुकारि रूपाल नाय कहँ
दूरि परान्यो ॥ दूरि परान्यो लक्षण कहँ सोहिं दशानन
हरि लई । परी विवश दशकण्ठके देख त्यागि जब सिय
गई ॥ २९ ॥

राम राम कहि खग चल्यो गृध्र जटायू देखि । रोको
रय रघुवरतिथा दशशिर हरौ विशोख ॥ दशशिर हरौ
विशेषि मारि रय भूतल ढाख्यो । सौतहि लई छुडाय विकल
दशशिर सहि पाख्या ॥ दशशिर पारयो भूमितल छत्र
चूर उर थल हल्यो । मुकुट अस्त्र शस्त्रहि दपट राम राम सुनि
खग चल्यो ॥ ३० ॥

अति रिस रावण रण रच्यो तीक्ष्ण काढ़ि रूपान । दल्यो
पक्षसहि खग गिरयो कहि सुख रूपानिधान ॥ कहि सुख
रूपानिधान साजि खन्दन सिय लीन्हौ । त्वै नक्षपथ फिरि
चल्यो गौध विह्वल गति कीन्हौ ॥ विह्वल गति कपि सिय

लखे नूपुर द्वै कपि कर सच्यो । तरु अशोकतर राखिक अति
रिस रावण फिरि रच्यो ॥ ३१ ॥

लक्षण बात नौकीं नहीं बन सिध आवे त्यागि । असगुन
सम मन होत अति सिध विन उर विरहागि ॥ सिध विन उर
विरहागि लक्षण पद गहि समुझाये । शोचत आश्रम देखि
नयन उमड़े जल छाये ॥ उमड़े जल छाये बिरल खोजत गिरि
वन सर मही । रुधिर धनुष आगे परयो लक्षण बात नौकी
नहीं ॥ ३२ ॥

राम राम रसना रटै लख्यो गौधपति जाय । कही कथा
सिध हेतु गति रामनयन जल छाय ॥ रामनयन जल छाय
गोद धरि वचन उचारै । परमारथ तुम तात प्राणधन तण
करि डारै ॥ तण समान प्राणनि दयो कोपरहित रण-
महँ कटै । जिद्यो भोग भोगा जगत राम राम रसना
रटै ॥ ३३ ॥

दर्शलागि जीवन रहेउ भाग उदय रघुराय । जेहि
विरञ्चि शिव सेवहीं लियो गोदमोहि आय ॥ लियो गोद
मोहि आय राम कहि प्राण गंवाये । भयो तुरत हरिरूप
चारि भुज अस्त सुहाये ॥ अस्त सबै बिर मुकुट वर पोताम्बर
भूषण गहेउ । जोरि पाणि अस्तुति करत दर्शलागि जीवन
रहेउ ॥ ३४ ॥

परमधाम गो गौधपति क्रिया कीन्ह श्रीराम । चले
विरहअङ्गुर भये विपिन शारोधास ॥ विपिन शारोधास
अर्ध आसन सब साजे । धूप दीप फल सुजल धरे रघुपति-
के काजे ॥ सब सप्रेम पायन परी दर्श पाय पावै न गति ।
राम तुन्हारै रूप लखि परमधाम गो गौधपति ॥ ३५ ॥

काठ साजि रचिकै चिता सिध सुधि कही बहोरि ।

शवरी जरि सुरगति गई क्रिया करी प्रभु कोरि ॥ क्रिया
 करी प्रभु कोरि चले बन दूनौ भाई । मुनिगण मिलत अनेक
 दर्श अभिमतफल पाई ॥ पावहि अभिमत जीव जड़
 करहि योग जेहि प्रभु निता । साजि साजि सुरगति लही
 काठ शवरी रचि चिता ॥ ३६ ॥

रामसिया खोजत गये पत्नी सुभग तडाग । सुन्दर
 जल तरु बिहंग मृग मुनिगण सदन सुवाग ॥ मुनिगण सदन
 सुवाग करत जप तप मन लाई । देखि सरोवर सुदित कौन
 मज्जन रघुराई ॥ रघुराई मज्जन करयो नारद मुनि आवत
 भये । तुलसिदास सुर सुभग सर रामसिया खोजत
 गये ॥ ३७ ॥

इति अरण्यकाण्ड समाप्तः ॥

अथ किष्किन्धाकाण्ड प्रारम्भः ।

चले विपिन लक्ष्मण सहित मिले पवनसुत आय । त्रिप्र
 रूप पूरुत भयो को तुम कहौ बुझाय ॥ को तुम कहौ बुझाय
 विपिन सुकुमार सलोने । लृप दशरथके सुवन तासु आयसु
 तजि भौने ॥ तजेउ भवन आये विपिन नारि गई शोध न
 लहत । खोजत हम द्विन कवन तुम चले विपिन लक्ष्मण
 सहित ॥ १ ॥

लै सुग्रीव मिताइयो प्रभु गुण मन अनुमानि । कही कथा
सब परस्पर नूपर दये बखानि ॥ नूपर दये बखानि राम
लोचन भरि आये । विरह विकल प्रभु देखि कौश बहु विधि
समुक्ताये ॥ समुक्ताये सुग्रीव आति राम लक्षण सुख
पाइयो । प्रभु भँटे हनुमन्त उर लै सुग्रीव मिताइयो ॥ २ ॥

प्रभु बोले कारण कवन बसत विपिन कपिराज । कथा
कही सब बालिकी कोपि कहा रघुराज ॥ कोपि कहा
रघुराज बालि एकहि शर मारौं । सम्पति ऋधि तिय सहित
तोहि कपि निलक सँवारौं ॥ तिलक सँवारौं कालहि नहि
किष्किन्धा नृपता भवन । तौ न धनुष शर कर धरौं मित
करिय कारण कवन ॥ ३ ॥

तब सुग्रीव दिखाइयो बालि महा बल वीर । गर्जि नगर
जान्यो रुबहि चल्यो क्रोधि रणधौर ॥ चल्यो क्रोधि रणधौर
लरै पुनि दूनी भाई । शरणागत प्रण समुक्ति बाण मोख्यो
रघुराई ॥ मांग्यो बाण प्रमाण करि गिरयो अबनि मुरझा-
इयो । रामरूप लोचन पुलकि तब सुग्रीव दिखाइयो ॥ ४ ॥

श्याम रामकृवि उर धरी बाणी कहत कठोर । नर गति
हरि गति तजि दई सम प्रकाश सब ठार ॥ सम प्रकाश सब
ठोर जगत अप्रिय ककु नाहीं । जो अप्रिय तब होय सकल
दुक सब बिलाहीं ॥ सब रङ्ग नहि चाहिये विधि पिपील
रचना करी । जयति हरे श्रीराम कहि श्याम रामकृवि उर
धरी ॥ ५ ॥

प्राण गये श्रीराम कहि नारि विकल पुरलोग । सुग्रीवहि
आयसु दयो करहु मृतककर योग ॥ करहु मृतककर योग
लक्षण सबको समुक्तायो । राज हेतु सुग्रीव अनुज सँग
नगर पठायो ॥ नगर बुलाये द्विज सकल अङ्गदादिकपि बोध

लहि । बालिशोच दूषण हरो प्राण गये श्रीराम कहि ॥ ६ ॥

रामनाम कहि नृप करौ तिलक सारि शिरताज । राम
रूपानिधि जगतमें विरद गरीबनिवाज ॥ विरद गरीब-
निवाज कियो सुप्रीव सुखारौ । गिरिवन विकल बिहाल
बानि डर कम्पित भारी ॥ कम्पित डर निरभय नहीं जात
हुसह ज्वर उर जरौ । धाम वाम नृप ग्रामको रामनाम
कहि नृप करौ ॥ ७ ॥

राजनीति कहि प्रभु रहे शैलप्रवर्षण आय । अनुज
सहित सुन्दर सदन राखे देव बनाय ॥ राखे देव बनाय निरखि
वर्षास्रतु आई । घनघमण्ड नभ घोरं मनहु रविपर निशि
धार्द्र ॥ निशि धार्द्र रवि भजि गये नौरबुन्द बाणन गहे ।
तड़ित कृपाण सुदन्द्रधनु राजनीति कहि प्रभु रहे ॥ ८ ॥

करि मनोज डेरा जगत सजि आयो करि सैन । असित
पीत सित घन अरुण तनि बितान सुखचैन ॥ तनि बितान
सुख चैन तड़ित ध्वज सुन्दर राजै । निशि दिन घन घह
रात मनहु बर दुन्दुभि बाजै ॥ दुन्दुभि बाजै मोर पिक बक
दादुर वन्दी लगत । विरहवन्त कारण सव्यो करि मनोज
डेरा जगत ॥ ९ ॥

सुरपतिकै गिरिगण ग्रसे बुन्दवाण करिलाय । कहूँ कहूँ
मारत बज्रशर घनगज शीश चढाय ॥ घनगज शीश चढाय
मोर हर बल पुर आये । बाजं नौबति जोति कोकिला सुयश
सुनाये ॥ सुयश जनाव्र बितान तनि बेलि बिटप गृह गिरि
बसे । मुद्रित करि पाषाण जड़ सुरपतिकै गिरिगण
ग्रसे ॥ १० ॥

कै समुद्र महिपर चढ़ौ महि मुद्रित का । न । सर
सरिता जलदल परे शरपञ्जर महि कौन ॥ शरपञ्जर महि

कौन लड़ित बड़वागिनि मानो । वर्षत नक्ष चढ़िवारि त्रिसिन्न
गिरि दिग्गज जानो ॥ दिग्गज कम्पहि घन सदल नाह
बाद दशदिशि बढ़यो । कम्पमान सहि गहि धरी कै ससुद्र
सहिपर चढ़यो ॥ ११ ॥

शरदभूप, आघो मिलन धवल रूप वृति साजि । कमल
कोक खञ्जन चतुर दूत उठे जग बाजि ॥ दूत उठे जग बाजि
चन्द्र जनु छल सुहायो । सरि सर निर्मल बारि पाँवड़े पावस
नायो ॥ पावस दीन्हो तिलक जग शरदराज राजत थलन ।
पावस गयो प्रणाम करि शरदभूप आयो मिलन ॥ १२ ॥

सीध शोध अब लीजिये जाहु जहाँ कपिराज । खबरि
विसारी सुख सुपुर पाय नारि धन राज ॥ पाय नारि धन
राज बालि थल वुहँ पठाऊं । कर धरि कौनो सखा ज्ञान दै
मन समुक्ताऊं ॥ मन समुक्ताय समेत कपि आप गधन
पुर कै जिये । बानर आल पठाय करि सिधाशोध अब
लीजिये ॥ १३ ॥

लक्ष्मण चले निवायकै प्रीति प्रबोध रिसाय । बानर
भालु बुलायकै गये जहाँ रघुराय ॥ गये जहाँ रघुराय मिले
पाँयन कपि नाये । रघुपति हँसि सृष्ट प्रकृति पुलकि गहि
कण्ठ लगाये ॥ कण्ठ लगाय बुक्काय कपि विनय करौ चित
लायकै । बानर भालु विप्राल भट लक्ष्मण चले निवायकै ॥ १४

कपि लक्ष्मण सबसों कहेउ सिय सुधि खोजहु जाय ।
पाख दिवस विन सुधि लिये हमहि मिल्यो जनि आय ॥
हमहि मिल्यो जनि आय बहुरि अङ्गदहि बुलाये । तुम मारुत-
सुत साँझ जाहु दक्षिण शिरनाये ॥ दक्षिण सिय शोधहु
सुभट भालु नौल नल सुख लखो । मुँदरौ दै हनुमन्तको
प्रभु कपि लक्ष्मण सब कखो ॥ १५ ॥

चले सुभट व्यङ्कट विकट खोजत गिरि सर खोह । राम-
काज लवलीन मन बिसरगो तनकर छोह ॥ बिसरगो तनकर
छोह सघन बन जाय भुलाने । तृषावन्त भे विकल बिना
जल सब अकुलाने ॥ अकुलाने हनुमन्त लखि चल्थो ववर
पैठगो सुभट । कथा सुनाई अशि प्रभा चले सुभट व्यङ्कट
विकट ॥ १६ ॥

जल फल खाय प्रणाम करि तेहि पठये जलतीर । सोस
प्रेम पहुंचौ तहाँ लक्ष्मण श्री रघुवीर ॥ श्रीरघुकुलमणि बीर
पठै बद्रौवन दौन्हो । कपि सब सागरतीर सीय हित चिन्ता
कौन्हो ॥ चिन्ता कौन्हो कपिन सब सम्पाती लखि कहत
डरि । धन्य जटायू सुभटको जल फल खाय प्रणामकरि ॥ १७

सुनि सब कथा प्रणाम करि गये मुदित सम्पाति । भये
पक्ष जल दीन शुचि कही पक्ष गति भांति ॥ कही पक्ष गति
भांति धरहु धीरज सब भाई ॥ पैहो सौतहि तबहि पार
सागर जो जाई ॥ सागर अत योजन उलधि प्रबल बीर जाइ
हि जो परि । सो सिय पावहि सत्य सुनि कपि सब कथा
प्रणाम करि ॥ १८ ॥

गयो कहत यह गौधपति कपि सब करत विचार ।
बहु रत संशय जिय कहैं अद्भुत जातो पार ॥ अद्भुत जातो
पार कहत ऋक्षेय बड़ाई । नल औ नील सकोच जानकी
कौन दिखाई ॥ कौन दिखाई जानकी पुनि प्रचारि कह ऋक्ष-
पति । कहा समुद हनुमन्त तोहि गयो कहत यह गौध
पति ॥ १९ ॥

इति श्रीकिष्किन्धाकाण्ड समाप्तः ।

अथ सुन्दराकाण्ड प्रारम्भ ।

भयो हेमगिरिको शिखर सुनत कच्चपति वयन । चद्रो
तमकि भूधर अधर फाकि अरुण करि नयन ॥ अरुण नयन
भुजदण्ड मसकि भूधर जब चंप्यो । जल पतालको कद्रो
शेषरुच्छपपर कम्प्यो । कम्पि श्रेष शिरनमि गयो कूदि चल्यो
बलवन्त फिरि । सारि दुष्ट गिरि परसि पग भयो हेमगिरिको
शिखरि ॥ १ ॥

पटकि लङ्घिनी वामको पैठ्यो सिध हित वीर । लखी न
पुर सिध घर घरन खोजि श्रमित रणधीर ॥ खोजि श्रमित
रणधीर विभौषण भेद बतायो । गयो बाटिका सिध तहाँ पुनि
रावण आयो ॥ रावण आयो देखि कपि तरु बैठो
विश्रामको । कहे वचन रावण सुने, पटकि लङ्घिनी
वामको ॥ २ ॥

सिध उत्तर ताको दयो गयो सदन मतिमन्द । सिध दुख
लखि द्वै सुद्रिका देखी साहजनन्द ॥ देखी मारुत नन्द
जानकी कथा सुनाई । मातु धरिय मन धीर कखी निज मुख
रघुराई ॥ रघुराई आवन चहत कौशकटक दलबल भयो ।
सुत समान तैरो कटक सिध उत्तर ताको दयो ॥ ३ ॥

राघ प्रताप सँभारिकै भयो हेमगिरि रूप । रघुवर रूपा
विचारु तृण होय वज्र अनुरूप ॥ होय वज्र अनुरूप सर्पशिशु
गरुड़हि सारै । तिमिर खाय शशि रविहि मशक गिरि हेम
सखारै ॥ मशक सुमेरु उखारही समुद पिपील निवारिकै ।
जरो जगत खद्योत तव रामप्रताप सँभारिकै ॥ ४ ॥

बूढ़ि जायँ खुर कुम्भजौ शेष डारि महिभार । धारि खाय
बहुत्रासनल शशुचन्द्र शिर डार ॥ शशुचन्द्र शिर डारि चारि-
मुख सृष्टि नशावे । गिरि सर सागर डारि धरणि तजि धौरज
धावौ धौरज धरणी उर तजै जलहि मिलै गिलि द्वे शजौ । राम-
वाण खल ना बचै बूढ़ि जायँ खुर कुम्भजौ ॥ ५ ॥

मातु देहु आयसु मुदित लखौं वाटिका जाय । सुन्दर
फल लागे बिटप भोजन करौं अघाय ॥ भोजन करौं अघाय
जानकी उत्तर दौन्हो । सुत रखवारे प्रबल पवन परवेश न
कौन्हो ॥ पवन शूर परवेश नहिं लखि न सकहिं रवि शशि
उदित । कह कपि यह भय तनक नहिं मातु देहु आयसु
मुदित ॥ ६ ॥

करि प्रणाम ब्रह्मो सुभट लग्यो फूल फल खाय । मूल
चलावै समुदमहँ रत्नक पहुँचे जाय ॥ रत्नक पहुँचे जाय
महिं महि गर्द मिलाये । पुरी परप्रो अतिशोर अच रावण
पठवाये ॥ अच वृच लै कपि हन्यो मेघनाद आयो बिकट ।
भिरै प्रबल रघुपति सुमिरि करि प्रणाम ब्रह्मो सुभट ॥ ७ ॥

ब्रह्मवाण कपि साधिके धरि लै गयो बहोरि । रावण
आगे करि दियो कहि कटु बचन करोरि ॥ कहि कटु बचन
करोरि कहौ रावण तव बानी । को मर्कट इत कहाँ काहि
बल फलकर हानी ॥ फल दल मूल विध्वंसि करि रण
कौन्हो अवरधिके । कहि कपि तव सुत लल करप्रो ब्रह्मवाण
कर साधिके ॥ ८ ॥

विधि हरि हर दिग्पाल सब ब्याल यक्ष गन्धर्व । पितृ
प्रेत पशु मनुज जग सचराचर सुर सर्व ॥ सचराचर सुर सर्व
गगन धरणी गिरि घेरे । मैं तैं पुर परिवार धाम धन तिय
सुत तेरे ॥ तिय सुत तेरे लोक सब भये रहे पुनि होहि

अब । ताम्र दूत जेहि जग सृज्यो विधि हरि हर दिग्पाल
सब ॥ ९ ॥

अति रिस पावक वारिकै तैल बस्त्र घृत वोरि । चढ़्यो
अटारीकनककी विधिगर करते तोरि ॥ विधिगर करते तोरि
सकल पुर दीन्हो आगौ । क्षण महँ सब पुर वारि विभीषण
भवन न लागौ ॥ भवन भस्त्र भूषण भये समुद्र सुदर्प निवा-
रिकै । सिय मणि लै कूदत भयो अति रिस पावक
वारिकै ॥ १० ॥

करि प्रबोध साथी सकल मधुवनके फल खाय । हर्षि
गहे प्रभुपदकमल उर भेंटे रघुराय ॥ उर भेंटे रघुराय दीन्ह
मणि प्रभु हैंसि लीन्हौ । सियदुर्दशा निहारि पवनसुत
प्रकटित कीन्हौ ॥ प्रकटित कीन्हौ सियदशा सुनत हाल
रघुपति विकल । विजय करिय सिय आनिकै करि प्रबोध
साथी सकल ॥ ११ ॥

रामवचन कपिदल चल्यो दिग्गज अहि सकुचन्त । भालु
बली मर्कट सुभट यूथ यूथ बलवन्त ॥ यूथ यूथ बलवन्त अन्त
को पावहि लेखा । राम कटकको विभव रूप जानहि जिन
देखा ॥ जिन देखा ते जानहौं नभ अहि पुर भूतल हल्यो ।
समुद्र तीर डैरा परे रामवचन सुनि दल चल्यो ॥ १२ ॥

वचन सुनत रावण कखो मन्त्रौ मित बुलाय । मन्त्र कहौ
पूछत सबहि कखो विभीषण आय ॥ कखो विभीषण आय
मन्त्र मखि मानिय मेरो । सीतहि सौंपहु जाय मिलहु रघुनाथ
सबेरो ॥ सुनि गुनि उठि लातन हल्यो मिलहि शत्रुको उर
दख्यो । चल्यो हृदय अनुमान करि वचन सुनत रावण
कखो ॥ १३ ॥

मन गलानि हरिहै कवन चल्यो ताकि प्रभु पांय । दीन

बन्धु दाया हृदय लीन्हे तुरत बुलाय ॥ लीन्हे तुरत बुलाय
तिलक पुनि निज कर सारयो । रावण पुर सब दियो मिल्यो
जब शीश उतारयो ॥ शीश उतारे शिव दयो तब पाये लङ्का
भवन । सो पुर धन पांथन परत मन गलानि हरि है
कवन ॥ १४ ॥

सखा निकट बैठारिकै पूछी सागर पाय । केहि विधि
उतरै कपिकटक तेहि विधि करिय उपाय ॥ तेहि विधि
करिय उपाय मन्त्र करि व्रत तट कोन्हो । क्षुद्र न द्रवहि
विशेषि तवहि प्रभु धनु शर लीन्हो ॥ धनु शर उर मारयो
विकल मिल्यो रत्न लै आयकै । पय्य देहि कपिकटककहँ
सखा निकट बैठायकै ॥ १५ ॥

नाथ सुगम मारग रच्यो जल महि पावक पौन । विटप
शैलसर जड़ रचे इनको सिखवत कौन ॥ इनको सिखवत
कौन करहु प्रभु एक उपाई । गिरिगण बांधहि सेतु नील
नल दूनहुँ भाई ॥ दूनहुँ भाई बांधि है शैल सकल मर्कट
सच्यो । आपु प्रताप सहाय सम नाथ सुगम मारग
रच्यो ॥ १६ ॥

सुनि साँचे सागर वचन कपिपति कीश बुलाय । धावहु
गिरि तरु आनिके नलहि देहु सुख पाय ॥ नलहि देहु सुख
पाय धरहि गिरि सागरमाहीं । सुनि आयसु कपिवृन्द चले
चहुँ दिशि भ्रम नाहीं ॥ भ्रम नहि शिर वङ्गुल करहि कोटि
कोटि गिरि धरि रचन । देहि आनि नल नीलकहँ सुनि
साँचे सागर वचन ॥ १७ ॥

इति सुन्दराकाण्ड समाप्तः ॥

हारि गये दल बल असुर चलो बालिसुत वीर । मुझट
धरे प्रभु पाँयतर मिले हर्षि रघु वीर ॥ मिले हर्षि रघु वीर
बालिसुत कारण भाख्यो । गढ़ घेरो करि मन्त जहां
लायक तेहि राख्यो ॥ राखि वीर पुर भयो दयो लङ्क
अति प्रबल जुर । भयो युद्ध क्रुद्धित सगर हारि गये दल बल
असुर ॥ ५ ॥

देवनाद योधा सुभट लक्ष्मण हन्यो विचारि । भई दूरछा
प्रभु लखे हनुमत् लीन प्रचारि ॥ हनुमत् लीन प्रचारि
श्रीषधी लेन पठायो । दुष्ट हन्यो कपि बोच श्रेष्ठ शिर राखि
सिधायो ॥ श्रेष्ठ श्रीष देखन भरत तागि मारि शायक
विकट । राम कहत भेंटस कल्यो लगन घाय पीड़ा
सुभट ॥ ६ ॥

अति सनेह भेंटरो भरत कल्यो श्रीष चहुपाय । विस-
स होहि आरग आगस पठवौं तोहि प्रनाय ॥ पठवहुँ रोहि
प्रमाण समुक्ति एनि कहत कपोषा । तव प्रतापते नाथ जाई
जहँ प्रभु जगदौषा ॥ प्रभु जगदौष विचारिके दोड पग धरि
पायन परत । धन्य धन्य हनुमन्त जग अति सनेह भेंटरो
भरत ॥ ७ ॥

लक्ष्मण उठि ठाढ़े भयो कौन्हो वैद्य उपाय । सुनि रावण
संशय भयो आता जाय जगाय ॥ आता जाय जगाय कहे
कारण सत्र जेते । तेहि तव कडो न मनुन ब्रह्म प्रभु कपि सुर
तेते ॥ कपि सुर रघुवर ब्रह्म हैं तेहि विरोध को नहिं मयो ।
यह कहि रख मखल गयो लक्ष्मण उठि ठाढ़े भयो ॥ ८ ॥

मारि दुष्ट रण दलिसले सुर दुन्दुभी बनाय । लक्ष्मणको
आयसु दियो तात लङ्क पर जाय ॥ तात लङ्क पर मारि हतह
रावण सुत जाई । आयसु शिर धरि लक्षण हन्यो देवन दुख-

दाई ॥ दुखदाई भारे सकल रावण अन शीघ्रत चले । जय
जय रघुवंशमणि भारि दुष्ट रण दलमले ॥ ८ ॥

रण रावण आतुर चलो असुरसेनदल साथ । करत
युद्ध देवन डरत धरत शरासन हाथ ॥ धरत शरासन हाथ
चलत महि द्विगज डोलैं । चुभित उदधि जल शृङ्ग शैल
खलि महिधर बोलैं ॥ महिधर बोलैं अति सभय रवि सुद्रित
सब छल हल्यो । सुज प्रचण्ड रण मण्डियो रावण रण आतुर
चल्यो ॥ १० ॥

श्रीरामरावणयुद्धको को कवि पावहि पार । श्रेष्ठ
शारदा निगम विधि शङ्कर मुनि अवतार ॥ शङ्कर मुनि अव-
तार कल्प कोटिन काहि हारैं । बल दल समर प्रचण्ड मन्द जे
कहन विचारैं ॥ कहन विचारैं मति कवन सब कहि हारैं
बुद्धको । बुलसिदास सो किम कहै रामरावणयुद्धको ॥ ११ ॥

प्रभु भारो प्रभु है गयो ताको वरसौ कौन । बल पौरुष
अरु बीरता जानत रवि शशि पौन ॥ जानत रवि शशि पौन
बडो रण रावण कौन्हो । निज दल सम गति ताहि परमपद
पावन दौन्हों ॥ पावन पद लखि देव सब पुष्प वृष्टि
दुन्दुभि दयो । करहि विनय सादर सकल प्रभु भारो प्रभु
है गयो ॥ १२ ॥

सियसङ्कट दूरी करयो राज विभीषण दीन । सत्य सुयश
कपिको कह्यो अपथ सीय शुचि कौन ॥ अपथ सीय शुचि
कौन चढ़े पुष्पक रघुराई । कपि सिय लषण समेत चले सुर
जयति सुनाई ॥ जय जय प्रभु खलदल दल्यो सुर मुनि द्विज
महि दुख हरयो । अमर नाग भूतल सुखी सियसङ्कट दूरी
करयो ॥ १३ ॥

पूजा शङ्करकी करी सेतु सिधा दरशाय । पञ्चवटी कुम्भ-
जहि मिलि अलि आदि ऋषिराय ॥ अलि आदि ऋषिराय
मिले अनसूयहि जाई । आशिष आयसु पाय चले आगे
रघुराई ॥ रघुराई आये तहाँ चितकूट मङ्गल घरी । पै-
अन्हाय मुनिगण मिले पूजा शङ्करकी करौ ॥ १४ ॥

आयसु पायो मुनि दयो चले हर्षि श्रीराम । यमुनहि
पूजि सप्रेममय प्रभुदित कौन्हे प्रणाम ॥ कौन्हे प्रयाग प्रणाम
मिले मुनिगण प्रभु जाई । करि मज्जन सिय सहित विप्र
सान्यता बड़ाई ॥ मान बड़ाई पूजिकै पुनि विमान आतुर
गयो मिले निषादहि गङ्गतट आयसु पायो मुनि दयो ॥ १५ ॥

कपि हनुमन्त पठाइयो भरत कुशलता देखि । आवत सिय
लक्ष्मण सहित यह तुम कहौ विशेषि यह तुम कहौ विशेषि
प्रातउठि भरत निहारौ । पुरवासि न पुनि मिलौ मातुको शोच
निवारौ ॥ शोच निवारौ अवधको सब प्रकार समुझाइयो ।
भरत प्रबोधन हेत प्रभु कपि हनुमन्त पठाइयो ॥ १६ ॥

पुनि निषाद उर लाइयो रघुपति करुणापुञ्ज । ले आयो
मन्दिर परम सुजल धोय पदकञ्ज ॥ सुजल धोय पदकञ्ज
रुचिर आसन बैठारो । धूप दीप नैवेद्य फूल फल अङ्गुर
धारो ॥ अङ्गुर खाये प्रेम युत राम बहुत सुख पाइयो ।
प्रात समाज विमान चढ़ि पुनि निषाद उर लाइयो ॥ १७ ॥

भरत देखि हनुमन्त जब रुश शरीर दुख दीन । जटा
शौश मुनिव्रत धरम प्रेम पाँवरी लीन ॥ प्रेम पाँवरी लीन
राम सिय वदन उचारो । कुश आसन आसीन बसन भूषण
तजि डारो ॥ भूषण तजि भजि नाम प्रभु अवधि अन्त दिन
आहि रव । अहह मोहि धिक धिक कहत भरत देखि हनुमन्त
जब ॥ १८ ॥

सुनहु भरत हनुमत् कहौ आय लक्षण मिय राम ।
समेत मङ्गल कुमल जीति असुर संग्राम ॥ जीति असुर
संग्राम देव सब स्वयल वसाये । राज विभीषण दौन्ह सुधम
नारद शिव गाये ॥ नारद शारद असु सुक प्रभु कीरति पावन
लहौ । सो प्रभु आवत अवधपुर सुनहु भरत हनुमत् कहौ ॥ १९ ॥

सुनत भरत आनंद लखो परम भावतौ वात । चक्रित
घकित सुख सपनधौं कहत कोई साचात ॥ कहत कोई
साचात भरत पुनि नवन उधारे । पुनि हनुमत् कह राम
अवध आये सुखभारे ॥ सुखभारे उठि भरतकर हिये भेंटि
आनंद गली । रामुपाल पावन पुनकि सुनत भरत आनंद
लखी ॥ २० ॥

आये यह सन्देश लै कहा देहुं सोहि ताल । यहि पटतर
दयलोका नहि कही अमृत लस वात ॥ कहौ अमृत लस वात
रामसिय कुमल दिसेली । लक्षण सहित सुधम अवध
आवत लस देखी ॥ आवत देखि निशेनि लस कह हनुमत्
प्रदेश लै । मिले बहुरि कपि कच्छरुनि आये यह सन्देश
लै ॥ २१ ॥

अवध आय प्रकटी सबे सुर पुरजन लसुकाय । आव
कुमल आये लक्षण सीय सहित रघुराय ॥ सीय सहित
रघुराय सजहु मङ्गल पुरनारी । वन्दनवार पताक चर्म
चामर गज भारो ॥ गज भारो रथ दुरग संग साजि भरत
मङ्गल तवै । चले नगर बाहिर मिलन पुरभीभा प्रकटी
सबै ॥ २२ ॥

भरत सज हनुमत् लै देखत गजन विभाय । नगर नारि
नर देखि कै उतरे ह्यनिधान ॥ उतरे ह्यनिधान मिले
सुर प्रथम गोसाई । आनिप देय सनेह कुमल पूछी सुनि-

राई ॥ सुनिराई प्रभु भेंटिकै भरत हृदय भगवन्त लै । अति
सनेह पूरे सगन भरत सङ्ग हनुमन्त लै ॥ २३ ॥

मिले सकल पुर जन मुदित राम चरित यह कौन । सब
जानत प्रथमहि मिले हमकहं राम प्रवीन ॥ हमकहं राम
प्रवीन ऊँच मध्यम नर नारी । यथा योग्य मिलि सबहि
बहुरि भेंटौ सहतारी ॥ भेंटौ सहतारी सबै प्रथम कैरुथी
पर्म हित । विरहविधा नाथी सकल मिले सकल पुरजन
मुदित ॥ २४ ॥

इति लङ्काकाण्डसमाप्तः ॥

अथ उत्तरकाण्ड प्रारम्भ ।

राम अवध आये कुशल घर घर मङ्गल लाज । पुरी भई
अमरावती रामराज्यके काज ॥ रामराज्यके काज भरत
सद लाज सजाई । सुर गन्धर्व मुनीश सकल आये सुरसाई ॥
सुरसाई मङ्गल सजे वजे अवध दुन्दुभि विमल । बर्षि सुमन
जय जय कहत राम अवध आये कुशल ॥ १ ॥

शुभ सिंहासन शुचिवन्यो रघुपति बैठे आप । भूषण मणि-
गण जगसगत कोटिन भानुप्रताप ॥ कोटिन भानुप्रताप
वेदध्वनि विप्र उचारै । कुलचँवर धनुबाण द्रष्टु भरतादिक
धारै ॥ भरतादिक सुखमय जगम सिद्ध जाई भूषण वन्यो ।
रामसिया शोभित भये शुभ सिंहासन शुचि वन्यो ॥ २ ॥

प्रथम तिलक गुरु उच्चरौ विप्र न आयसु दीन । देव
सुनिन जय उच्चरौ दुन्दुभि हने नवीन । दुन्दुभिहने नवीन सबहि
वर अक्षुति ठानी । सातन आरति साजि गीत गावहि
सृद्वानी ॥ सृद्वानी सुर सुनि सबै जघति राम जय जय
करौ । बन्दि वेद विरदावली प्रथम तिलक गुरु उच्चरौ ॥ ३ ॥

कहि बशिष्ठ प्रथमै वचन सब प्रकार सामर्थ । सुर पाले
खलदल दले द्विज महि सज्जन अर्थ ॥ द्विज महि सज्जन अर्थ
भये दशरथके वारे । निगम सेतु प्रतिपालि सुयश जगमहँ
विस्तारे ॥ विस्तारे अद्भुत चरित पालय लय कृत पुनि चरन-
जय जय नर अवधेशसुत कह बशिष्ठ प्रथमै वचन ॥ ४ ॥

कहि विधि सबहि सुनायकै रामचरित अपार । निगम
श्रेष्ठ शङ्कर सकल को जग जाननहार ॥ को जग जाननहार
अमित अवतार विहारो । सुर सज्जनके हेत करत लीला
बपुधारो ॥ लीला तन मङ्गलभवन खल दलि भुवन वसायकै ।
जगमङ्गलकारणकरण कह विधि सबहि सुनायकै ॥ ५ ॥

उठि शङ्कर जय जय कहत राम स्वरूप तुम्हार । मङ्गल-
भय मूर्ति मधुर सुमिरत सब दातार ॥ सुमिरत सब दातार
लहत सुख सुन्दर ध्याये । गुणगण पावन गाय तरत भव-
निधि सुख पाये । सुख पाये सुनिगण मनहि ज्ञान ध्यान सो
ज्यहि चाहत । रविकुलकमलदिनेश प्रभु उठि शङ्कर जय
जय कहत ॥ ६ ॥

सुरपति कहत प्रणाम करि सुनहु राम सुरभूप । प्रति
अवतार अपार गुण बर्यात वेद अनूप ॥ बर्यात वेद अनूप
दुष्टजन खण्डनहारो । मन गोतनको लसित राम
सुमताहि पियारे ॥ ताहि पियारे तुम लगत बचे मोह

मद नामकै । हम निशिदिन विषयाविवश सुरपति कहत
प्रणामकै ॥ ७ ॥

रविअञ्जलि जोरे कहत राम सुनहु सम बैन । कृपा
करिय निज चरणा रति निशि दिन राजिवनै ॥ दीजिय
राजिवनयन तोष वड़ हृदय हमारे । जवतै सम कुल जन्म
रावरे नरतन धारे ॥ नरतन धरि यज्ञ विस्तरयो चिरञ्जीव
जोरी रहत । जय जय रविकुलरविविमल रविअञ्जलि जोरे
कहत ॥ ८ ॥

अनिल अनल धर विनय करि खलखण्डन तुम राम ।
राज आज लयपुर विशद राजहि जग अभिराम ॥ राजहि
जग अभिराम सब सज्जन सुखकारी । नरतन धनु धरि हाथ
हरयो धरणी अघभारी ॥ धरणीमण्डन खण्डि खल राज
विराजत भुवन भरि । जय जय श्रीसीतारमन अनिल अनल
धर विनय करि ॥ ९ ॥

निगम विप्रतन करि कहत राम सुनहु सुरईश । कोटि
कोटि यत्न करत नहि पावत योगीश ॥ नहि पावत यो-
गीश हृदय शङ्कर पचिहारे । विधि सनकादिक नेम धर्म
करि तुहें निहारे ॥ तुहें निहारत सुख लहें ते कपि भालुहि
कर गहें । जयति राम लौखा अगम निगम विप्रतन करि
कहें ॥ १० ॥

भारद नारद जोरि कर विनय करत चित लाय । अद्भुत
चरित तुम्हार प्रभु सुनिये औरघुराय ॥ सुनिये औरघुराय
पिता दशरथ सम नाही । तण सम तन तजि दीन सुयश
जाको जगमाहीं ॥ सुयश कियो जेहि जन्म भरि गयो विरह
ल अमरघर । गौधकिया निजकर कहें भारद नारद जोरि
कर ॥ ११ ॥

अस्तुति करि मुनि सुर गये राम भरत बुलवाय । कपि-
पति ऋच विभीषणै नल नीलहि अन्हवाय ॥ नल नीलहि
अन्हवाय भरत भूषण पहिराये । अङ्गद सहित समाज राम
सब निकट बुलाये ॥ राम निकट वैठारिके अधुर वचन बोलत
अये । कपिकौरति प्रभु उच्चरत अस्तुति करि मुनि सुर
गये ॥ १२ ॥

मुनिनायक ये नील नल कीन्हो अद्भुत कर्म । अत योजन
सागर बँधो सेतु उपल गुरु धर्म ॥ सेतु उपल गुरु धर्म शीघ्र
रावणको फारे । मन्दिर सुवर्ण लक्ष्य कलश सहिधर बहु डारे ॥
अहिधर डारि सँघारि अरि रण मण्डल हति असुरदल । महा-
वीर बानत बल मुनि नायक ये नील नल ॥ १३ ॥

मुनिनायक कपिराज ये करे हधारे काज । बानर कोटि
पठाइयो सिध घोधन शिरताज ॥ सिध घोधन शिरताज
करयो रणमण्डल धारी । अन्त तन्त सब सुदृढ़ सैन बल
अबल विचारी ॥ अबल विचारी ठौर जहाँ तहाँ बल दिये
समाज ये । महाबली बुधिवन्त अति मुनिनायक कपि-
राज ये ॥ १४ ॥

सुनहु विभीषण बहु कियो मिल्यो मोहिं तजि भांघ ।
रावण अरु घननादको दर्द सोचु दर्शांघ ॥ दर्द सोचु दर्शांघ
महा पुनि रावण मारयो । लक्ष्मण घायल अये वैद्यको नाम
उचारयो ॥ नाम उचारयो शत्रु दल करि उपाय लक्ष्मण जियो ।
राम कहत मुनिराजसों सुनहु विभीषण बहु कियो ॥ १५ ॥

अज्ञनाथ बल दल महा रावण हत्यो प्रचारि । मेघनादको
पाँच धरि लङ्ग गयो फटकारि ॥ लङ्ग गयो फटकारि असुर
दल दले समाजन । सेतु बाँधि धरि यूथ हाथ शिर धरि
गिरि राजन ॥ शिर धरि गिरि रावण दले समथ शत्रु रण

नहिं रहा । सुनिनाथक लायक सबै ऋक्षनाथ बल दल
महा ॥ १६ ॥

ये अङ्गद मुनि अतिबली जिन रावणपुर जाय । मान
ज्ञान अरिदल दल्यो रोपि सभा धरि पाँय ॥ रोपि सभा
धरि पाँय केश धरि रावण रानी । सहि कठोरि पुनि हल्यो
वीश दश चरण हरानी ॥ चरण धरे कम्पत असुर सैन समर
अति दलमली । रणविजयी शुभ सुयशदा ये अङ्गद मुनि
अतिबली ॥ १७ ॥

ये हनुमन्त विचारि मुनि प्रथम मिलाये मोहि । कपिपति
पुनि दल जोरिकै लै सुद्रिक कर जोहि ॥ लै सुद्रिक कर
जोहि वीर लै सुभट सिधायो । तपित लगे मव मरण जाय
तेहि सुजल पिआयो ॥ सुजल पिआयो सबहिको समुद-
तीर रचि मन्त्र पुनि । पच तच सव्याति दै ये हनुमन्त
विचारि मुनि ॥ १८ ॥

गयो उदधि पारै सुभट साथी तट बैठाय । देखि सौय
सखि हाथ लै बन उजारि फल खाय ॥ बन उजारि फल खाय
असुर मोरे भट भारी । करि उपाय पुर लङ्क कूदि घर घर
पुर जारी ॥ जारि वारि पुनि वारिनिधि कूदि चल्यो व्यंकट
बिकट । गर्जत घोर कठोर अति गयो उदधि पारै
सुभट ॥ १९ ॥

सिय सखि द दल लै चल्यो दिग्गज दरकल अङ्ग । पार
जाय घेरयो अरिहि दुर्ग कियो पुर भङ्ग ॥ दुर्ग कियो पुर भङ्ग
समर लक्ष्मण हूख पायो । द्रोणागिरि धरि शीश रयन नभ-
मारग धायो ॥ मारग धावत अर लख्यो भरत कोपि उर थल
दल्यो । लषण ओच उरमानिकै सिय हित गिरि शिर लै
चल्यो ॥ २० ॥

कहँ लौं गुण सुनिमैं कहों कपि समाजके काज । भरत
लक्षणते प्रिय सदा कपिनायक शिरताज ॥ कपि नायक
शिरताज मिले उठि सबहि बहोरो । विदा किये सन्धानि
परस्पर प्रीति न थोरो ॥ प्रीति न थोरो प्रभु करौ सब प्रणाम
करि सुख लहौ । बार बार यश प्रभु कहैं कहँलौं गुण सुनिमैं
कहों ॥ २१ ॥

राम राज राजत भयो गयो सकल ह्रुख भागि । रोग
शोक अपगति मरण काल कर्म गुण त्यागि ॥ काल कर्म गुण
त्यागि भई सतयुगकी करणौ । बारि दमन गति बारि भई
सुरभी सुर धरणी ॥ सुरभी सुर धरणी भई कपट दक्ष पाखंड
गयो । धर्म विवेक विचार नर राम राज राजत भयो ॥ २२ ॥

काम क्रोध अथ रोग सब मान मोह मद गर्व । दोष दुःख
ज्वर पीर खल दारिद्रदाहन सर्व ॥ दारिद्रदाहन सर्व वैर पर-
धन परनारी । मे सुभाय सब कूटि गई मति परअपकारी ॥
परउपकारी लोग सुख भोग योग सहि प्रकट अब । गये
अमङ्गल कृत जगत काम क्रोध अथ रोग सब ॥ २३ ॥

नेम प्रेम प्रकटे जगत दया लभा सन्तोष । योग यज्ञ जप
तप सुपद्य वेद सुमङ्गल पोष ॥ वेद सुमङ्गल पोष रहौ परमा-
रथ पूरी । पर अथ निज कृत दुःकृत कुकृत दुस्तर अथ दूरी ॥
दुस्तर अथ दूरी करे राम तेज रवि जगमगत । कमल कोक
सब धर्म बर नेम प्रेम प्रकटे जगत ॥ २४ ॥

एक राम गुण गायबो यह कलिकर्म न छौर । ताते
तुलसीदासके मन्त्र यहै शिरमौर ॥ मन्त्र यहै शिरमौर
राम शुचि कौरति गाऊँ । साधन उत्तम जानि सुमति निज
मनहि दढ़ाऊँ ॥ मनहि दढ़ाऊँ मन्त्र यह जिहि प्रसाद

सुख पायवो । शुक्र नारदकी सीख यह एक रामगुण
गायवो ॥ २५ ॥

एक राम मुख नाम धत ध्यान रामकी रूप । राम चरित
भावत परम धर्म पवित्र अनूप ॥ धर्म पवित्र अनूप करिय जब
लौं जग जीजै । रसना रस करि चरित सरित निशि वासर
पीजै ॥ निशि वासर श्रम तजि भजे तुलसिदास यह शुभ
सुकत । कामधेनु कलि कल्पतरु एक राम मुख नाम
धत ॥ २६ ॥

इति श्री उत्तरकाण्ड समाप्तम् ॥

अथ रामायण छन्दोवली ॥



दशकन्धर घटकर्ण अथ भारधरा दुख होइ । गर्द गगन गोदेह
 धरि कहि सुरपतिसों रोइ १ ॥ छन्दचौपय्या ॥ सुरपतिगुरु
 चूम्भा सुरमति सूम्भा गे विधिलोक तुरन्ता । विधि सुर समुक्ताये
 सङ्ग सिधाये जहँ सोवत श्रीकन्ता ॥ दशमुखकौ करणी बहुवि-
 धि वरणी धरणी जेहि त्रिधि रोई । सुनि शारंगपाणी भइ नभवा-
 णी विधि जाना नहि कोई ॥ विधि वचन सुनाये सुर समुक्ताये
 तेजहु शोच मन देवा । जो जनहितकारी प्रभु असुरारी
 करहि पार सोइ खेवा ॥ वानर गोपूजा मन धरि रौछा बसहु
 जाय वनमाहीं । अवधेशनिकेना व्यूहसमेता प्रभु आवत
 तुमपाहीं २ ॥ दोहा ॥ यहि विधि त्रिबुध त्रिविधि गे गे
 सुर निज निज धाम । कछु काल वीते अवध प्रकट भये
 श्रीराम ३ ॥ शशिवदनछन्द ॥ जनहितकारी प्रकट
 सुरारी । नरतनधारी छविमुखकारी ॥ सुदुभुवकारी अरि-
 दलहारी । सुमुख निहारी बलि महतारी ॥ अवधविहारी
 भवभयहारी । जयतपुरारी सबअवधहारी ॥ अवधउधारी यह
 प्रणभारी । तुलसिहि तारी शरण सम्हारी ४ ॥ हरि-
 गीतिकाछन्द ॥ सम्हारि शरण विचारि तुलसी रामचण
 गावत लियो । तयतापअमन कलेशहरको और नहिं
 जग मग वियो ॥ जेहि गाइ यमन किरातखल हरिपुर गये
 करि सुधि हियो । रघुवीर्यअ सुनि हिय न हरष्यो बुरो ति-
 न अपनो कियो ५ ॥ सुन्दरीछन्द ॥ राजत मेचक अङ्ग
 महाछवि । बोल मनोहर कहहिं महाकवि ॥ जो सुनिकै

जरि जाय महामल । सादर गावहिं पावहिं सम्बल ॥ तूण कसे
 कटि चाप शिल्लीमुख । मातु बिलोकि अपार लहे सुख ॥
 बालचरित्त करे रघुनन्दन । लोग निहारि हरे दुखबन्दन ॥
 ज्यारह वर्षके राम भये जव । बोलि वशिष्ठ उपनयन दये
 तब ॥ आइ तपोधने याचि लये सुत । बोलि वशिष्ठहि राउ
 दये युत ॥ ताइक तारि सुरारि दर्डे गति । बालविनोदक
 देव किये मति ॥ रामहिं मन्त्र दये तब श्रीमति । राम लक्षण
 सुनि काज किये अति ॥ सारि सुबाहु करी अखकी जव ।
 देत मुनीश अश्रीश महा तब ॥ गौतमतापसतीथ तरी
 मग । राम धरे मिथिलापुरको पग ॥ आइ विलोकि
 विदेह महाछवि । देखि नरेश समाज गयो दवि ॥ आयसु
 दौन्ह विदेह नरेशनु । चाप चाढ़ वत पूज महेशनु ॥ डिगै न
 खण्डेउ राम प्रयासनु । सूमके बोजसमान शरासनु ॥ सेलि
 सिधा जयमाल मनोहर । बाजि बधाव धरा अरु अस्वर ॥
 व्याहि चले नृप चारि सहोदर । सारग वीच मिले फर-
 साधर ॥ चापहि सौंपि भये तपसीवर । राउ विवांहि
 आइ अपने धर ॥ बालचरित्त विवाह यथा मति । जो सुनिके
 नरनारि लहे गति ६ ॥ दोहा ॥ चरित्त चारु रघुवीरके
 सुनि मनु कौन्ह विचार । निज मनसों तुलसी कहै
 कस न होइ भव पार ७ ॥

इति श्रीबालकाण्डसमाप्तम् ॥

चामरकुन्द ॥ आय कौशलेशने सुहाय आरसी गही ।
 कानने समीप केश लेखि पखेत है सही ॥ रायकानमें मनोज-
 राय आइ यों कही । राज देव रामको बने सिधाव तो सही ॥

कैकयी सुनी सुवात शोकमाल ते गहौ । राज माँग पूतको
 श्रीरामको वने कही ॥ राइनते सुनी सो बात तात ताप यों तये ।
 रामसीय सङ्गलै सवन्धु काननै गये ॥ रायरामचन्द्र साथ
 प्राण काढ़िके दये । गङ्गप्राग होइके सुचिन्नकूटमें गये ॥ राजका-
 जके भरत्य शोकसिन्धु में भले । साथ लै वशिष्ठ वन्धु पाँघप्याद ही
 चले ॥ केवटै सवन्धु भेंटि राम प्राग जाइके । राम दीन
 पावरी हिये सुखीन लाइके १ ॥ दोहा ॥ राम पावरी
 पाइके गवन गेहको कौन । गणक बोलि तब भरयने नेमध-
 रमव्रत लौन २ ॥

इति श्रीअयोध्याकाण्डसमाप्तम् ॥

सुन्दरीछन्द ॥ विदेहजातकी कहे सुरेशतातने कुवो ।
 श्रीरामवाण लागते विहीननैन सो हुवो ॥ श्रीदेवदत्त
 तातको श्रीराम बन्दना कियो । तिन्होंकि तीय सीयको
 सचैलभूषणो दियो ॥ विराध वद्धि रामचन्द्र शारभङ्गके
 गयो । तहाँ सुरेश देखिके सवन्धु सुःखसो भयो ॥ बहोरि
 श्रीसर्वन्धुसङ्ग पञ्चवाटिका गये । तहाँनखानकाननाकं सूप-
 नेखके हये ॥ द्विङ्कुश आदिदे सुरारि एक वाणसों हये ।
 सुनी सो बात रावणा भरौचपास सो गये ॥ कही कथा सुनी
 तिनो सो नेकरङ्ग सो भयो । लेखो श्रीराम भारि ताहि
 धाम आपनो दयो ॥ सुन्यो सो शब्द सीय शेष राम पास पाठयो
 कखो विरूप रावणा लै सीय जातयो भयो ॥ सवन्धुशाल देखिके
 लपाल दुःखमें पगे । तहाँ ललामशालते तिन्होंतो वृक्षते लगे ॥
 कही सुसुद्धि गीधने कवन्धवन्धके चले । करी सनाथ शेवरी स-
 वन्धु वैरलै भले ॥ बहोरि पन्धताल श्रीलपालराम जायके । तहाँ

सुनीषनारद क्रियो प्रणाम आइकै १ ॥ दोहा ॥ लखि सुकण्ठ
श्रीरामकहँ मनमहँ कीन्ह विचार । पुदप्रसिंह ये कवन हैं
देखहु पवनकुमार २ ॥

इति श्रीशारङ्यकाण्डसमाप्तम् ॥

अञ्जरीकन्द ॥ रामरामको लेवाइकै तन शैल ऊपर
जाइकै । जान बंइहि बीच दैसरि कीन्ह प्रीति दहाइकै ।
क्यों रहौ लुम शैलऊपर राम ब्रूक कपीअसों ॥ त्यों कद्यो
व्योहार सगरो बालिको डर रामसों ॥ बालिको बधि बाणसों
कपिनाथ तोहिं करौ सही । जानकौ लुमको मिलावों
विहँसिके कपिने कहौ ॥ बालि सारि कपालराम सुराज
दोन्ह सुकण्ठको । मास चारि सुवासकै तहँ शासना करि
कण्ठको ॥ जानकौ सुधि लेनको कपिईश कीअ पठाइकै ।
मासमें सुधि वेगि ल्यावहु खोजि देखहु जाइकै १ ॥ दोहा ॥
कीन्हयो विवर प्रवेश तिन अघन क्रियो फलफूल । पूँछि
तिथहि सूँदे नयन ठाढ़े जलनिधिकूल २ ॥

इति श्रीकिष्किन्धाकाण्डसमाप्तम् ॥

तोटककन्द ॥ हनुमान गयो सरि सागरको । उलझ्यो
जनु खोज अजाखुरको ॥ गिरि ऊपरपै चढ़ि लङ्ग लखी । हनि
लङ्घिनिको विधिबात भखी ॥ लघुरूप धरयो हनुमान बली ।
निशि लङ्ग बिलोकि नाइ भली ॥ रघुवीर प्रिया कितहंन
मिली । तहँ देखि विभीषणकेरि छली ॥ रघुवीर सुआजुहि
चित्त करयो । लखिकै हुलसान हिद्यो सुभरयो ॥ तेहिको

मिलि सुद्धि लई सगरी । हरषे हरिको मिलि ज्यों नगरी ॥
 तहँ जाय लखी रघुवीरप्रिया । लक्ष्मण मली सुखडीन सिया ॥
 पुनि रावण आनि कलेश कियो । सुनि क्रोध भयो हनुमान
 हियो ॥ सुँदरी दइ डारि निहारि प्रिया । सुखदुःख भयो हनुमन्त
 हिया ॥ रघुवीरको दूत प्रसन्नकिया । फलखानको आयसु
 सांगि लिया ॥ लखि बाग लख्यो फल खान हनू । उतपात महा
 अतिबाग बनू ॥ मनुजादनि जाय पुकार करो । हनुमान हनी
 सेना सगरी ॥ घननाद गज्यो पवनातमजा । दशकन्ध
 सभामहँ जाइ गजा ॥ चलिगो रिपु ज्यों न डर्यो मनमें । मद-
 मत्त गयन्दनके घनमें ॥ घनतेल लँगूर लपेट सही । जलसी
 निजपेकरि लङ्ग दही ॥ हनुमानके हांकते गर्भ गिरयो । मनुजाद
 प्रिया नहि धीर धरयो ॥ सियआयसु लेकरि सिन्धु तरयो ।
 हनुमान सदेह कछ्यो लिगरयो ॥ सुनिके हियसिन्धु अनन्द नरयो
 सजि सेन समूह पधान करयो ॥ बल देखि पयोनिधि पांय-
 परयो । नल देखिके सेतु समुद्र तरयो ॥ सुनि मयतनया पिय-
 पांय परी । प्रभु व्यापकविष्व विराटहरी ॥ तव जाय सभाह
 विचार करी । तपस्यौन धरो हमरी नगरी ॥ तिन मन्तिन मन्त
 कुमन्त्र कियो । लघु बन्धुहि मारिसि लाल हियो ॥ रघुवीरके
 तीर गयो भजिके । नृपको अबिवेक कछ्यो सजिके ॥ प्रभु लङ्ग
 हि अङ्गदको पठयो । पद रोपि सभाप्रण जाइ ठयो ॥ दशकन्ध
 सभा सहँ वीरवचा । नटरयो पदज्यों सहिलङ्ग रचा ॥ वरवीर
 सभा मद मारि फिरयो । रघुवीर पदाखु न पाइ परयो २ ॥ दोहा
 सुनि कपाल अङ्गदवचन बूके मन्तौयूह । अनौ चारि करि
 द्वारचहुँ लागे कौशसमूह २ ॥

इति श्रीसुन्दरकाण्ड सभाप्रम ॥

भुजङ्गप्रयातछन्द ॥ लगौ सेन समूह चाख्यो दुआरे ।
 भयो शोर देवारि नादे पुकारे ॥ तबै बीर बाँके दृष्टानन
 बुलाये । सबै जाय खाहु रीछ वानर जो आये ॥ महारोष-
 मातेहि देवारि गाजै । महामत्त मातङ्गराजौ विराजै । वनी
 बाइनी व्यूहकै बाजि साजै । ध्वजा वाण नीशान घनघोर
 गाजै ॥ करै युद्ध नानादि घोषा प्रचारै । लुरै वीर कपि
 भालु चारयो दुआरे ॥ फिरै रुखड बैसुखड जै जै पुकारै । तहाँ
 राम सौमित्र रणमध्य सारै ॥ तबै वीर रणधीरवन्धु जगाये ।
 कही जो कथा सौय जेहि भाँति लाये ॥ लरयो जाइ रघुवीर
 जो युद्ध सद्धे । गयो त्यागि तन जाइ योगी न लद्धे ॥ सुनौ
 रैनचर ईसने बन्धु झारयो । तबै तातसों वीद्ध घननाद
 कारयो ॥ लख्यो प्रात पौरुष पिता जो हमारयो । करयो क्रोध
 शक्रारि सेना विहारयो ॥ तबै ताहि ऋक्षेण गहिकै प्रभायो ।
 गयो मूर्च्छिकै बुरत लङ्का पठायो ॥ हत्यो ताहि सौमित्रना
 युद्ध मध्ये । करै देव जै जै सन्नानन्द वध्ये ॥ सुन्यो तीयने
 पीयको वीर सांचो । भई सो सतौ सत्य तिहुँलोक मांचो ॥
 सुन्यो तातको बद्ध दशकन्ध शोचा । सरै बाण नहि हाथ भै-
 पूत पोचा ॥ हनों आजु रणमध्य रासै प्रचारौ । कहा वा-
 परो वानरा वीर चारौ ॥ चले साजि सेना सबै वीर गाजै ।
 करै राग साख पणव-भेरि बाजै ॥ तबै रामके सामुहे रथ जो
 आयो । हिये दृष्टि श्रीराम सौमित्र लायो ॥ तबै राम शरको
 सकटि खैंचि बाँध्यो । लियो चाप कर साथि वर ताहि
 साध्यो ॥ कुटे बाण दशश्रीशके श्रीश छीने । लसै श्रीश
 अतिशय भये ते नवीने ॥ तबै राम लङ्केशको मन्त बूझो ।
 हमारे शरोसो न दशकन्ध जूझो ॥ सुनौ नाथ यहि ईशको
 श्रीश दीन्है । मही होहि भोगे जिन्है पुख्य कीन्है ॥ हिये

स अथ पाके सुधा शीघ्र पोषे । कुटे वाण यकतीस हियमें सो
 घोषे ॥ सरै नाथ दशशीश सुर साधु तोषे । हृत्यो धूमि
 रघवीर लङ्केश वीषे ॥ वजे दुन्दुभी व्योमचर साधु गावैं ।
 नचैँ सुर वधू वृष्टि सुमनोंकि लावैं ॥ दिथो तासुके बन्धुको
 राम टीका । तिसै हेतु कपि भालु ल्यायो असीका ॥ तवै
 राम श्रीजानकी बोलि लीन्हो । धरै देह द्विजकी अनल
 आगि दीन्हो ॥ लिये सङ्ग कपि भालु सीता समेता । चले
 राम चढ़ि यान उत्तर निकेता ॥ चल्यो यान उताल तिरथै सो
 आयो । तहां राम हनुमान अवधै पठायो ॥ दोहा ॥ सीक
 भाल सिध सङ्गलै तिरवेणी को न्हाय । भरद्वाजको बन्दि प्रभु
 केवट भेट्यो आय ॥

इति लङ्काकाण्ड समाप्तम् ॥



छन्द ॥ शुभ सगुण अवध जनाइ तेहि क्षण होत सुद
 मङ्गल महा । शीलल सुगन्ध सुमन्द मारुत अमल जल सुर-
 सरि वहा ॥ शुभ अङ्ग फरकत भरतके हिय हुलसि अहि
 आनंद लहा । तेहि समय श्रीहनुमान प्रभुको आइ सन्देशो
 कहा ॥ मन हरष भरत सुनाइ गुरुकहँ मातु सकल बुला-
 इके । कहि खबरि श्रीरघुवीरकी तिन सजे मङ्गल जाइके ॥
 गुरु बन्धु संयुत चले प्रभुपर तिरखि पदपङ्कज गहे । धरि
 भरत भुज उर ल्याइ प्रभु राजौवलोचन जल बहे ॥ पुनि प्रेम-
 युत सब मातु भेटौं निरखि प्रभु हुलख्यो हियो । तिन कनक
 मणिगण वसन भूषण आनि मंहिदेवन दिथो ॥ शुभ समय
 जानि वशिष्ठ वेगि लिवाइ लियो सुमन्तको । सब राजसाज
 सम्हारि तेहि क्षण राज दिथं भगवन्तको ॥ सिध सहित रघु-
 कुलमणि विराजत सुभग सिंहासन परै । सुर सुमन वरप्रहि

हिये हरप्रहि ब्रह्मादि सब जै जै करै ॥ गहि चल चामर चमर
 असि धनु वीर तरकसके लये । भरतादि अनुज विभीषणाज्जद
 हनुमान चित चरणन दये ॥ सुनु सिया श्रीरघुवीरकौ अवि-
 वेक सुनि उरषे धरे । कह दास तुलसी जन्ममुख लहि
 जलधि जग विन अम तरे ॥ दोहा ॥ नित नव मङ्गल अवध-
 पुर करहि सकल नरनारि ॥ लहहि चारिफल अछत तनु
 रघुवररूप निहारि ॥ कृन् ॥ नित प्रीति सरित अन्हाइ बन्धु-
 न सहित प्रभु भोजन करै । गज बाजि राजसमाज लखि सब
 देखि बन उपवन फिरै ॥ बैठे सभामहँ जाइ श्रीरघुवीर दुख
 सबके हरे । हरिन्याव प्खान उलूककौ लखि लोग सब विश्व
 करे । साण्डवी अतिकिरति उरमिलासो सबनि सुत द्वैद्वै
 जने । जानकौ सुत युगल जाये सब निगम आनँद घने ॥
 लनकादि नारद आदि सुनिवर सकल अवधहि आवहीं ।
 लखि जाहि रघुवरके चरित सब विधिहि जाय सुनावहीं ।
 एक बारको सहिदेवको सुत सभामहँ आयो मरयो । गुरु
 ब्रूमि तपते मारि अद्रहि तवहिसे उठि जिघ परयो ॥ यहि
 भाँति रामचरित्र परमपवित्र नित नूतन करै । कहि दास-
 तुलसी सुनत सबके बचन मन पातक टरै ॥ दोहा ॥ सुनि
 सीताके युगल सुत राम कौन्ह अनुमान ॥ लोक सिखावन
 दीन्ह हित बोले श्रीभगवान ४ ॥

इति श्रीउत्तरकाण्ड समाप्तम् ॥

तुलसी सतसई ॥

नमो नमो श्रीराम प्रभु परमात्मन परधाम । जेहि
 सुभिरत सिध होत हैं तुलसी जन मन काम ॥ राम नाम शिष्य
 जानकी लक्ष्म दाहिनी ओर ॥ ध्यान सकल कल्याणकर
 तुलसी सुरतल तोर ॥ परमपुरुष परधाम वर जापर अपर
 न जान । तुलसी सो समुक्तत सुनत राम सोई निर्वाण ॥
 सकल सुभद्र सुख जाहु सो राम कामनाहीन । सकल काम-
 प्रद सर्वहित तुलसी कहहिं प्रवीन ॥ जाके रोमैरोम प्रति
 अमित अभित ब्रह्मखड । सो देखत तुलसी प्रकट अयल सु-
 प्रचल प्रचखड ॥ जनतजननि श्रीजागको जनक राम शुभ-
 रूप । जासु कृपा अति आवहरखि करखि विवेक अनूप ॥ तात
 मातुपर जासुके तासु न लेश कलेश । ते तुलसी तजि जात
 किमि तजि घर तर परदेश ॥ पिता विवेकनिधान वर मातु
 कृपा युत नेह । तासु सुवन किमि पाइ है अमत अटन तजि
 गेह ॥ बुद्धि विनय गतिहीन शिष्य सुपथ लुपथ गत जान ।
 जननि जनक तेहि किमि तजे तुलसी सरिस अजान ॥ यात
 तात सियरामरुख ब्रुधि विवेक परमान । हरत अखिल अव
 लख्य तर तब तुलसी कहु जान ॥ जिन्हले उद्भव वर विभव
 ब्रह्मादिक संसार । सुगति तासु तिनकी कृपा तुलसी बदाहि
 विचार ॥ अग्नि रवि सौताराम नभ तुलसी उरसि प्रकाश ॥
 उदित सदा अयवत न सो कुबलित तयकर हान ॥ तुलसी
 कहत विचार गुरु राम सरिस नहिं आन । जासु कृपा शुचि
 होति लचि विषद विवेक प्रमान ॥ रासरूप अनूप अल

हरत सकल अलमूल । तुलसी मर्म हियो गलहि उपजत सुख
 अनुकूल ॥ देफरमित परमात्मता सह अकार सिध रूप । दीरघ
 भिलि विधि जीवद्वय तुलसी असल अनूप ॥ अनुस्वार कारण
 जगत श्रीकर करन अकार ॥ भिन्नत अकार मकारसो तुलसी
 हरि दातार ॥ ज्ञान विरागै भक्ति सह मूर्ति तुलसी पैमि ।
 वरणत गति मति अनुहरत सहिमा विघ्नद विघ्नेषि ॥ नाम
 मनोहर जानि जिय तुलसी करि परमान ॥ वरण विपर्यय
 भेदते कहौ सकल शुभ जान ॥ तुलसी शुभ कारण समुक्ति
 गहत रामरस नाम । अशुभहरण शुचि शुभकरण भक्ति
 ज्ञान गुणधाम ॥ तुलसी राम समान वर सपनेहु अपर न जान ।
 तासु भजन रतिहीन अति चाहसि गति परमान ॥ अहि रस-
 ना धन धेनु रस गणपति द्विज गुरुवार । साधव सिल सिध-
 जनम तिथि सतसैया अवतार ॥ भरण हरण अति अमिति विधि
 तत्त्व अर्थ कबिरीति । सङ्केतिक सिद्धान्त मत तुलसी वदन
 विनीति ॥ विमल बोध कारण सुमति सतसैया सुखधाम ॥
 गुरुमुख पढ़ि गति पाइ हैं विरति भक्ति अभिराम ॥ मन भय
 जरसत लाग युत प्रकट छन्द युत होइ । सो घटना शुभदा सदा
 कहत सुकवि सब कोइ ॥ जत समान तत वान लघु अपर वेद
 गुरु मान संयोगादि विकल्प पुनि पद न अन्त कह जान ॥ दीरघ
 लघ करि तहँ पठव जहँ लुल लहि विप्राम । प्राकृत प्रकट
 प्रभाव इह जनित बुधावध वाप ॥ दुइ गुरु सीता सारमण रा-
 मसोगुल्लघु होइ । लघु गुरु रमा प्रतल्लगन युगलहु हरण सोइ ॥
 सहसनाम सुनि भनित सुनि तुलसी बल्लभ नाम । सकुचलि
 यह हंसि निरख सिध धरमधुरन्धर राम ॥ दम्पति रस रसना
 दशन परिजन वदन सुगेह । तुलसी हर हित वरण शिशु
 सम्यति सरल सनेइ ॥ हिय निर्गुण नवन सगुण रसना राम

सुनाम । अनहुँ परट सम्युट लसत तुलसी ललित ललाम ॥
 प्रभु गुणगण भूषण वसन वचन विशेष सुदेश । रामसुकीरति
 कामिनी तुलसी करसव केश ॥ रघुवरकी रति तियवदन
 द्रव कह तुलसीदास । शरदप्रकाश अकाशकुंवि चारु चिबुक
 तिल जास ॥ तुलसी शोभत नखतगण शरदसुधाकर लाय ।
 मुक्ता कालर कलक जतु रामसुदश शिशु हाथ ॥ आत्म
 मध्य विवेक विनु राम भजत अलसात । लोक सहित पर-
 लोककी अवश विनाशी बाल ॥ बरु मराल मानस तजे चन्द्र
 शीत रवि घाम ॥ सोर यदादिक जो तजे तुलसी तजे न
 राम ॥ आसन दृढ़ आहार दृढ़ सुमति ज्ञान दृढ़ होय ।
 तुलसी विना उपासना विनु दुलहेको जोय ॥ रामचरण
 अवलम्ब विनु परमारथको आश । चाहत वारिदबुन्द गहि
 तुसी चढ़न अकाश ॥ रामनाम तरुमूल रस अष्ट पल फल
 एक । युगल सन्त शुभ चारि जग वरणात निगम अनेक ॥ राम
 कामतरु परिहरत सेवत कलितरु ठूँठ । स्वारथ परमारथ
 चाहत सकल अनोरथ कूँठ ॥ तुलसी केवल कामना राम-
 चरित आशाम । निश्चिचर कलि करि निहत तरु मोहि कहत
 विधि बाम ॥ स्वारथ परमारथ सकल सुलभ एकही ओर ।
 द्वार दूसरे दीनता उचित न तुलसी तोर ॥ हितसम हित
 रति रामसन रिपसन वैर विहाव ॥ उदासीन संसारसन
 तुलसी सहज सुभाव ॥ तिलपर राखै सकल जग विदित
 विलोकत लोग ॥ तुलसी महिमा रामकी को जग जानन
 योग ॥ जहाँ राम तहँ काम नहिँ जहाँ काम नहिँ राम ।
 तुलसी कबहीं होत नहिँ रवि रजनी इक ठाम ॥ राम दूर
 साधा प्रबल घटति जानि अन्वमाहिँ । बढ़ति भूरि रवि दूर
 लखि शिरपर पंगुतर छाहिँ ॥ सम्यति सकल जगतकी

ध्यासा सब नहि होय । ध्यास सोइ तनि रामपद तुलसी
 अलग न खोय ॥ तुलसी जो प्रति चलाता राजचरख खव-
 लीन । परमन परमन हारखकहँ गणिका परम प्रवीन ॥
 चतुराई चूखे परै यम गहि ज्ञानहि खाय ॥ तुलसी प्रेम
 न रामपद सब जर भूख नधाव ॥ प्रेम प्ररीर प्रपञ्च सब
 उपजी बड़ी उपाधि ॥ तुलसी भली सो वैदुई वैधि बांधई
 व्याधि ॥ राम विटप तर विबद्ध वर सहिभा अथन अपार ।
 जाकहँ जहँलनि पहुँच है ताकहँ तइँलधि डार ॥ तुलसी
 कोशतराज भजु जनि धितवै कहँ श्रीर । पूरख राम सखुँ
 सुख करु निज नयन चकोर ॥ ऊँचे बोचे कहँ मिलै हरि-
 पद परम प्रियूज । तुलसी काम सयूजसै लागै कोनेउ रूप ॥
 खामी होनी सहज है दुर्लभ होनी दास । गाडर लाये जनको
 लागीं चरै कपास ॥ चलव नौति लय रामपद प्रेम निवाह-
 व नौक । तुलसी पहिरिय सो वसन जो नथ वारत फौक ॥
 तुलसी रामरुपालुते कहि सुनाव गुण दोष । होइ दूरी
 दीनता परम पीत सन्तोष ॥ सुधिरन सैवन रामपद राम-
 चरख पहिचान । ऐसैहँ लाभ न ललक सब तो तुलसी हित-
 हान ॥ सब सङ्गी बाधक भये साधक भये न कोष । तुलसीराम-
 रुपालुते भली होय सो होय ॥ तुलसी भिटै न कल्पना गये
 कल्पतरुकाँह । जबलनि द्रवै न करि कथा जनकहुताको
 नाँह ॥ विमल बिलग सुख निकट दुख जीवन समय तुरीति ।
 रहित राखियै रामकी तजेतो उचिल राजीति ॥ जाय कहव
 करतूति विनु जाय योग बिन छेम । तुलसी जाय उपाय सब
 बिना रामपदप्रेम ॥ तुलसी रामहि परिहरै निपट हानि
 सुनु सोद । जिमि सुरसरिगत ललित वर सुरा सरिस
 गङ्गोद ॥ हरे चरहि तापहि बरे फरे पसारहि हाथ ।

तुलसी खारय मीत जग परमारय रघुनाथ । तुलसी खोटे
 दासकर राखत रघुवर मान । ज्यों सूरखट परोहितहि देल दान
 यजमान ॥ ज्यों जग देरी सीनको प्राण सहित परिवार । ज्यों
 तुलसी रघुनाथ बिन आपनि दृष्य विचार ॥ तुलसी राम
 भरोस धिर लिये पाप धरि मोट । ज्यों व्यभिचारी नारिकहँ
 बड़ी खसमकी ओट ॥ स्वामी सीतानाथकी तुलसी जेरी
 दौर । तुलसी काग जहाजको सूक्त और न टौर ॥ तुलसी
 सब छल छाँड़िके कौनै राम सनेह । अन्तर पतिसों है कहा
 जिन देखी सब देह ॥ सबही कोप रखे लखे बहुत कहे का होय ।
 तुलसी तेरो राम तजि हित जग और न कोय ॥ तुलसी हम-
 सों रामसों भलो भित्तो है दून । छाँड़े बने न सँग रहे ज्यों घर-
 माहँ कपूत ॥ कोटि विषय सङ्कट विकट कोटि शत्रु जो साथ ॥
 तुलसी बल नहि करि सकै जो सुदृष्ट रघुनाथ ॥ लगन सुहर-
 त योगदल तुलसी मनत न काहि । राम भये जैहि
 दाहिने सबे दाहिने ताहि ॥ प्रभु प्रभुना जाकहँ दर्ई बोल
 सङ्गित गहि बांह । तुलसीते गाजत फिरहि रामछलकी
 छाँह ॥ साधन साँसति सब सहत सुभन सुखद फल लाह ॥
 तुलसी चातक जलदकी रीति वृत्ति बुध काहु । चातक
 जीवन जलदकहँ जानत सत्य सुरीरि । लखत लखत लखि
 परत है तुलसी प्रेम प्रतीति ॥ जीव चराचर जहँलगे है सब-
 को प्रिय जेह । तुलसी चातक मन बसो घनसों सहज
 सनेह ॥ डोलत विषुल विशुक्त बन पिथत पोखरौवारि ।
 सुयश धवल चातक नवल तोर भुवन दशचारि ॥ सुख मीठे
 मानस अलिन कोकिल और चकोर । सुयश ललित चातक
 बलित रहौ भुवन भरि तोर ॥ आगत डोलत है नहौं तजि घर
 घनत न जात । तुलसी चातक भक्तकी उपमा देत लजात ॥

तुलसी तीनोंलोकमहँ चातक हीको साथ । सुनियत जा-
सु न दीनता किये दूसरे नाथ ॥ प्रीति पपीहा पयदकी प्रकट
नई पहिचान । याचक जगत अधीन इन किये कनौड़ो
दान ॥ ऊंची जान पपीहरा नीचो पियत न नीर । कै थाँचै
घनघ्याधलोँ कै दुख सहै शरीर ॥ कै बरषै घन समय शिर
कै भरि जनम निराश ॥ तुलसी चातक याचकहि त-
ऊ लिहारी आश ॥ चढ़त न चातक चित कबहुँ प्रिय पयो-
दके दोष । याते प्रेमपयोधि बर तुलसी योग न दोष ॥
तुलसी चातक माँगयो एक एक घन यानि ॥ देत सो भूभाज-
न भरत लेल घूँट भरि पानि ॥ छै अधीन याचत नहीं शीश
नाथ नहिँ लैय । ऐसे मानी माँगनहिँ को वारिद बिन दंय ॥
पवि पाहन दाभिनि गरज अति ककौर खर खीकि । दोष
न प्रीतमरोष लखि तुलसी रागहि रीकि ॥ कोन जियाये
जगतमहँ जीवनदायक पानि । भयो कनौड़ो चातकहि
पयद प्रेम पहिचानि । मान राखिबो माँगिबो पियसों सहज
सनेह । तुलसी तीनों तब फवैँ जब चातक मन लेह ॥ तुलसी
चातकही फवैँ धान राखिबो प्रेम । वक्तुबूँद लखि स्वातिको
निदरि निबाहत नेस ॥ उपल बरषि गरजत तरजि डारत क्कलिश
कठोर । चितव कि चातक जलद तजि कबहुँ आनकी ओर ॥
बरषि परुष पाहन जलद पच करै टुक टुक । तुलसी तदपि
न चाहिये चतुर चातकहि चूक ॥ रटत रटत रसना लटौ
लषा खूखिगो अङ्ग । तुलसी चातकके हिये नित नूतनहि
तरङ्ग ॥ गङ्गा यमुना सरस्वती सातसिन्धु भरिपूर । तुलसी
चातकके मते बिन स्वाती सब धूर ॥ तुलसी चातकके मते
स्वाती पियत न पानि । प्रेमलषा बढ़तौ भली घटे घटैगी
कानि ॥ सर सरिता चातक तजै स्वाती सुधि नहिँ लैइ ।

तुलसी सेवक वश कहा जो साहब नहि देख ॥ आश पपीहा
 पयदकी सुनु हो तुलसीदास । जो अंचवै जल स्वातिको
 परिहरि बारहमास ॥ चातक घन तजि दूसरे नियत न नाई
 नारि । भरत न माँगे अर्द्ध जल सुरसरिहूको वारि ॥ व्याधा
 बधो पपीहा परो गङ्ग जल जाय । चोंच मूँदि पीवै नहीं
 धिग पिय मों प्रण जाय ॥ बधिक बधो परि पुण्यजल उपर
 उठाई चोंच । तुलसी चातक प्रेमपट भरत न लायो खोंच ॥
 चातक सुतहि सिखाव नित आन नीर बुजनि लेहु । ये हमरे
 झुलको धरम एक स्वातिसों नेहु ॥ दरशन परशन आन जल
 बिनु स्वाती सुनु तात । सुनत चेचुवा चित चभो समुक्ति
 नीति वर बात ॥ तुलसी सुतमे कहत हैं चातक बारस्वार ।
 तात न तरपन कौजियो बिना बारिधरवार ॥ बाज चङ्गु गत
 चातकहि भई प्रेमकी पीर । तुलसी परबश ढाड़ भम परि
 है पुहुमी नीर ॥ अखड फोरि किय चेचुवा तुषा परो नीहार ।
 गहि चङ्गुल चातक चतुर डाख्यो बारहि बार ॥ होय न चातक
 पातकी जीवनदानि न मूढ़ । तुलसी गति प्रह्लादकी
 समुक्ति प्रेमपद गूढ़ ॥ तुलसीके मत चातकहि केवल प्रेम-
 पियास । पियत स्वातिजल जान जग तावत बारहमास ॥
 एक भरोसो एक बल एक आश विश्वास । स्वातिसलिल
 रघुनाथ वर चातक तुलसीदास ॥ आलवाल सुक्ताहलनि
 हिय सनेह तरुमूल । हेरु हेरु चित चातकहि स्वातिसलिल
 शबुमूल ॥ रामप्रेम विन दूबरे रामप्रेम सह पीन । विशद
 सलिल सरवर वरन जन तुलसी मन मीन ॥ आप बधिक
 वर वेष धरि कहै झारङ्गमराग । तुलसी ज्यों मृगमन सुरे
 परै प्रेमपट दाग ॥

इति प्रेम भक्ति निर्देशः 'धमः सर्गः १ ॥

खिलत बाणक ब्याल सँग पावक खेलत हाथ । तुलसी
 पिबु पिबु मातु इत्र राखत शिव खनुनाथ । तुलसी केवल
 रामपद लागै सरल समेह । तौ घर घट बन वाटमहँ कतहुँ
 रहे किन बेह ॥ कै भयता कत रामपद कै मयता कह हेल ।
 तुलसी दोनहुँ एक जन खेल छाँड़ि छल खेल ॥ कै तोहि
 लागहि राम प्रिय कै तु राम प्रिय होहि । दुद्धमहँ उचित
 तुमल लसुनि तुलसी करतव तोहि ॥ रावभरिजे दास सँग
 वाचर चलहि कुचाल । खरदूमुख भारीच सम लूठ भये वध
 काल ॥ तुलसीपति दरबारहँ कपी वखु कछु नाहि ।
 कर्षाहीन कलपत फिरत चूक चाकरीनाहि ॥ राम गरीव-
 नेवान है राम देत जन जानि । तुलसी मन परिहरत नहि
 घुराबनिधाकी बनि ॥ घर कौन्हँ घर होत है घर छाँड़े
 घर जाय । तुलसी घर बन बौचही रही प्रेमपुर छाथ ॥
 राय राम शिवा मखी तुलसी खता न खाय । लरिकान्वेते
 पेरियो बोखे वृद्धि न जाय ॥ तुलसी निलम न कौजिये भजि
 लौजे खुकीर । लनतरअचरो जात है प्रखर सारिखे तीर ॥
 रामनाथ सुनिरत सुयश भाजन भये ज्ञानालि । झारु झालुन
 पुररानवन लहत सुवन दिख्यति ॥ नाममहाराम साखि
 सुनु नरकी ऐतिक वात । सरवरपर गिगिर तरै ज्यों तलवर-
 के पाल ॥ ज्ञान गरीको पुख धरम नरक बचन निरमोम ।
 तुलसी कनहुँ न छाँड़िये घोल लत्य लन्तोष ॥ अज्ञान वसन
 सुत नारि तुल पाणिहुँके वर होइ । लन्तलमागल रामधन
 तुलसी दुर्लभ दीइ ॥ तुलसी तीरहिजे बसे अश्रि पाइये
 बाइ । वैगहि जाय न पाइये सर सरिता अन्नगाइ ॥ उग
 अन्तर राम अगल जल जलनिधि जलसञ्चार । तुलसी करिया
 कर्मबध बूझत तरत न बार ॥ तुलसी हरि अपमानते होत

अक्राज समाज । राज करत रज मिलि गयो सदल सञ्जल
 कुरुराज ॥ तुलसी सीठे वचनते सुख उपजत चहुँ ओर । वशी-
 करण यक मन्त्र है परिहरु वचन कठोर ॥ रामरूपाते होत
 सुख रामरूपा विन जात ॥ जानत रघुवर भजनते तुलसी
 अठ अलसात ॥ सनमुख द्वै रघुनाथके देहु सकल जग पीठि ।
 तजे केचुरी उरगकहँ होत अधिक अति डौठि ॥ मरयोदा दूर-
 हि रहे तुलसी किये विचार ॥ निकट निरादर होत है जिमि
 सुरसरिवरवार ॥ राम रूपानिधि स्वामि मम सब विधि
 पूरणकाम । परमारथ परधाम वर सन्त सुखद बलधाम ॥
 रामहि जानहि राम रट भञ्जु रामहि तञ्जु काम । तुलसी राम
 अजान नर किसि पावहि परधाम ॥ तुलसी पति रति अङ्क
 सम सकल साधना सून । अङ्क रहित ककु हाथ नहि सहित
 अङ्क दश गून ॥ तुलसी अपने रामकहँ भजन करहु इक
 अङ्क । आदि अन्त निरवाहिवो जैसे नवको अङ्क ॥ दुगुणे ति-
 गुणे चोगुणे पञ्च षष्ठ्यौ सात । आठौते पुनि नव गुणे
 नवके नव रहि जात ॥ नवके नव रहि जात हैं तुलसी किये
 विचार । रमो राम इमि जगतमें नहीं द्वैत विस्तार ॥ तुलसी
 राम सनेह करु त्यागु सकल उपचारु । जैसे घटत न अङ्क नव
 नवके लिखत पहारु ॥ अङ्क अगुण आखर सगुण समुक्त
 उभय प्रकार । पोये राखे आप भल तुलसी चारु विचार ॥
 यहि विधिते सब राममय समुक्तहु सुमतिनिधान । याते
 सकल विरोध तञ्जु भञ्जु सब समुक्तु न आन ॥ राम कामनाही-
 न पुनि सकलकामकरतार । याहीते परमात्मा अव्यय
 अमल उदार ॥ जो कछु चाहत सो करत हरत भरत गत भेद ।
 काहु सुखद काहु दुखद जानत हैं बुध वेद ॥ सन्त कमल मधु-
 मास कर तुलसी वरण विचार । जग सरवर तर भरख कर

जानहु जलदातार ॥ एक सृष्टिसहँ जाहि विधि प्रकट तीनि
 तर भेद । सात्त्विक राजस तम सहित जानत हैं बुध वेद ॥
 ताविधि रघुवर नाम कहँ वर्तमान गुण तीन । चन्द्र धान
 अपि अमल विधि हरि हर कहहि प्रवीन ॥ अनल रकार
 अकार रवि जानु अकार अयङ्क । हरी अकार रकार विधि मन
 महेश निःशङ्क ॥ वनन ज्ञानकहँ दहन कर अनल प्रचण्ड
 रकार । हरि अकार हर मोह तम तुलसी कहहि विचार ॥
 त्रिविध ताप हर अग्नि सतर जानहु परम अकार । विधि हरि
 हर गुण तीनिको तुलसी नाम अधार ॥ भानु कृष्णानु अयङ्कको
 कारण रघुवर नाम । विधि हरि शशु शिरोमणी प्रणत सकल
 सुखधाम ॥ अगुण अनूपम सगुणनिधि तुलसी जानत राम ।
 करता सकल जगतको भरता सब मन काम ॥ छल मुकुट सम
 विद्विअल तुलसी युगल हलन्त । सकल वरख शिरपर रहत
 महिमा अमल अनन्त ॥ रामानुज सदगुण विमल श्याम राम
 अनुहार । भरता भरत सो जगतको तुलसी लसत अकार ॥
 राजत राजसतानु जब वर धरणी धर धीर । विधि विहरत
 अति आशु करि तुलसी जनगण पीर ॥ हरण करण सङ्कट
 सतर समर धीर बलधाम । मा महेश अरिदवनवर लक्षण
 अनुज करि काम ॥ राम सदा सम शील घर सुखसागर पर-
 धाम । अज कारण अद्वैत गित समतर पद अभिराम ॥ होन-
 द्वार सहजान सब विभव बीच नहि होत । गगन गिरह करि-
 वो कबै तुलसी पढत कपोत ॥ तुलसी होत सिखेन हित तन
 गुण दूषणधाम । भरण सिखिन कवने कबो प्रकट विलोकहु
 काम ॥ गिरत अखु लघुट अलख जलज पल अनयास ।
 अललसुवन उपदेश केहि जात सुसलति अकास ॥ विविध
 जित जल पल विच अधिक नून सम सूर । कब कौने तुलसी

रचै केहि विधि पक्ष स्यूर ॥ काकमुता गृह ना करे यह
 अचरञ्च बड़वाय । तुलसी कहि उपदेश सुनि जनित
 पिता घर जाय ॥ सुपथ कुपथ खीन्हे जानत ख खभाव अदु-
 खार । तुलसी सिखवत नाहि शिश्य लूपकहन न मजार ॥
 तुलसी जानत है सकल चेतन मिलत अचेत । कौट जात
 उड़ि तिय निकट विनहि पढ़े रति देत ॥ होनहार सब आपुते
 वृथा थोच कर जौन । कञ्च श्चङ्ग तुलसी सृगन कहहु उमेठत
 कौन ॥ सुख चाहत सुखमें बसत है सुखरूप विद्याल । सन्त-
 त जा विधि मानसर कवहुं न तजत मराल ॥ नौति प्रीति यश्च
 अयश्च मति सबकहँ शुभ पहिचान । बस्ती हस्ती हस्तिनी देत
 न पति रति दान ॥ तुलसी अपने दुखदते को कहहु रहत
 अजान । कौश कुन्त अङ्गर बनहि उपजत करत निदान ॥
 यथा धरणि सब बीजमें नखत अकाश निवास । तथा राम
 सब धर्मस्य जानत तुलसीदास ॥ पहुँची पानी पावकहु
 पवनहु माहँ समात । ता कहँ जानत राम अपि विनु गुरु कि-
 मि लिख जात ॥ अशुच ब्रह्म तुलसी सोई सशुच विलोकत
 सोइ । दुख सुख नाना भाँतिको तेहि विरोधते होइ ॥ शूर
 यथा गण जीति अरि पलटि आव चलि गेह । तिमि गति
 जानहि रामकी तुलसी सन्त सनेह ॥ परमात्मपद राम
 पुलि लीजे सन्त सुजान । जे जगयहँ विरचहि धरे देह विगत
 अभिमान ॥ चौथी संज्ञा जीवकी सदा रहत रत काम ।
 ब्रह्मणसेतन रामपद निधि वासर ब्रह्मबाम ॥ सुख पाये
 हरपत हँसत खीकत लहे विषाद । प्रकटत दुरत निरय पर-
 त केवल रत विषखाद ॥ नाना विधिकी कल्पना नाना विधि-
 को सोग । सूत्रमञ्जौ अख्यूल तन कवहुं तजत नहि रोग ॥ जे-
 से कुष्टीकी सदा गलित रहत दोउ देह । विन्दुकी गति तै-

सिये अन्तरहू गति एह ॥ लिधा देइ गति एक विधि कबहूँ
 यागति आन । विविध कष्ट पावत सदा निरखहि सन्त
 सुजान ॥ रामहि जाने सन्तवर सन्तहि राम प्रमान । सन्त-
 न केवल राम प्रभु रामहि सन्त न आन ॥ ताते सन्त दयाल
 वर देहि राम धन रीति । तुलसी यह जिय जानिकै करियत
 हठि अति प्रीति ॥ तुलसी सन्त सुअम्बतरु फूलि फरहि पर-
 हेतु । इतते वै पाहन हनै उतते वै फल देतु ॥ दुख सुख दोनों
 एकसम सन्तनके मनमाहि । मेरु उदधि गति कङ्कर जिमि
 भार भीजिबो नाहि ॥ तुलसी राम सुजानकी राम जनावै
 सोइ । रामहि जानै रामजन आन कबहूँ ना होइ ॥ सो
 गुरु राम सुजासु सम नहीं विषमता लेश । ताकी कृपा कटाक्ष-
 ते रहे न कठिन कलेश ॥ गुरुकहँ तब समकौ सुनै निज कर-
 तबकर भोग । कह तब गुरु कर तब करे मिटै सकल भव-
 भोग ॥ अरणागत तेहि रामके जिन्ह हियधी सियरूप ।
 जा पद पाये पाइये आनँद पद उपदेश । संशय शमन नशाय
 सब पावै पुनि न कलेश ॥ सेधा सीता संम समुक्त गुरु विवेक
 सम राम । तुलसी सिध सम सो सदा भयो विगत मग वास ॥
 आदि मध्य अवसान गति तुलसी एक समान । तेई सन्त
 सख्य शुभ जे अनीत गति आन ॥ एई शुद्ध उपासना परा-
 भक्तिकी रीति । तुलसी यहि भगु पगु धरे रहे रामपद प्रीति ॥
 तुलसी विन गुरुदेवके किमि जानै कहू कोय । जहँते जो
 आयो सो है जाय जहाँ है सोय ॥ अपगत ये सोई अविनि सो
 पुनि प्रकट पताल । कहां जनम अपि मरणमपि समुक्तहि सुम-
 तिरसाल ॥ सङ्ग दोषतते भेद अस मधु मदिरा मकरन्द । गुरु
 गमते देखहि प्रकट पूरण परमानन्द ॥ डावर सागर कूपगत
 भेद दिखाई देत । है एकै दूजे नहीं द्वैत आनके हेत ॥ गुण-

गत नाना भांति तेहि प्रकटत कालहि पाय । जान जाय गुरु
 ज्ञानते विन जाने धरमाय ॥ तुलसी तरु फूलत फलत जा
 विधि कालहि पाय । तैसेही गुण दोषते प्रकटत समय
 सुभाय ॥ दोषहु गुणकी रीति यह जानु अनल गति देखि ।
 तुलसी जानत सो सदा जेहि विवेक सुविशेषि ॥ गुरुते आवत
 ज्ञान उर नाशत सकल विकार । यथा निलय गति दीपकै
 मिटत सकल अंधियार ॥ यद्यपि अवनि अनेक सुख तोय ता-
 सु रस ताल । सन्तत तुलसी मानसर तदपि न तजहि मराल ॥
 तुलसी तोरत तीर तरु मानस जहँ सविडार । विगत नलिनि
 अलि मलिन जल सर सरिहू बड़ि आर ॥ जो जल जीवन
 जगत को परसत पावन जौन । तुलसी सो नीचे ढरत ताहि
 निवारत कोन ॥ जो करता है करम को सो भोगत नहि आन ।
 बवनहार लूनि है सोई देनौ लहै निदान ॥ रावण रावणको
 हन्यो दोष रामकहँ नाहि । निज हित अनहि देखु किन
 तुलसी आपहिमाहि ॥ सुमिरु राम भजु रामपद देखु राम
 सुनु राम । तुलसी समुक्तहु रामकहँ अहनिशि बह तव
 काम ॥ रज अप अनल अनिल नभ जड़ जानत सब कोइ ।
 बह चैतन्य सदा समुक्त कारजरत दुख होइ ॥ निजकृत बिल-
 सत सो सदा विन पाये उपदेश । गुरुपगु पाय सुमग धरै
 तुलसी हरै कलेश ॥ सलिल शुक्र शोणित समुक्त पल अरु
 अस्थि समेत । बाल कुमार युवा जरा है सुसमुक्त कर चेत ॥
 ऐसिहि गति अवसानकी तुलसी जानत हैत । ताते यह गति
 जानि जिय अविरल हरि चित चेत ॥ जानै रामस्वरूप जब
 तब पावै पद सन्त । जन्म मरण पदते रहित सुखमा अमल
 अनन्त ॥ दुखदायक जाने भले सुखदायक भजि राम । अब
 हमको संसारको सब विधि पूरणकाम ॥ आपुहि मदको

पान करि आपुहि होत अचेत । तुलसी विविध प्रकारको
 दुख उतपति यहि हेत ॥ जासों करत विरोध हठि कहु तुलसी
 को आन । सोत भजन न आन तव नाहक होसि अमान ॥
 चाहसि सुख जेहि मारिके सो तो मारि न जाय । कौन लाभ
 विषते बढ़लि ते तुलसी विष खाय ॥ कोह द्रोह अघमूल है
 जानत को कहु नाहि । दया धर्म कारण समुक्ति को दुख
 पावत तोहि ॥ बनो बनायो है सदा समुक्त रहित नहि शूल ।
 अरुण वरण केहि कामको वास बिनाको फूल ॥

इति द्वितीयः सर्गः ॥

जनकसुता दशयानसुत उरग ईश अमजौरि । तुलसी-
 दास दशपद परखि भवसागर गघो पौरि ॥ तुलसी तेरो
 रोग खर तात मात गुरुदेव । तात जितोहीं उचित सब
 उचित आन पद सेव । तर्क विशेषि निषेध पति उर मानसु
 सुपुनीत । बसत मरालल रहित करि तेहि भजु पलटि
 विनीत ॥ शुक्लादिहि कल देहु सक अन्त सहित सुखधाम ।
 दे कमला कल अन्तको मध्य सकल सुखदाम ॥ बीज धन-
 ज्ञय रवि सहित तुलसी तथा मयङ्ग । प्रकट तहाँ नहि तम
 तमी समचित रहस अङ्ग ॥ रञ्जन कानन कोकनद वंश
 विमल अवलंस । गञ्जन पुरहुत अरि लदल जगहित मानस
 हंस ॥ जगते रहु कृतौस है रामचरण कृतौन । तुलसी
 देखु विचारि हिय है यह सतो प्रवीन ॥ कन्दन दून बचल
 हनि गनी अनुज तेहि कौन्ह । जेहि हरि कर मनि मान हनि
 तुलसी तेहि पद लौन्ह ॥ शिला आयु मोचक वरण हरण
 सकल जञ्जाल । भरण करण सुख सिद्धितर तुलसी परम
 रूपाल ॥ सरण विपति हर धर धरम धराधरण बलधाम ।
 अरण तासु तुलसी चहत वरण अखिल अभिराम ॥ विद्वान्

दौत्र रैथत द्वितय पति पति तुलसी तोर । तासु विमुख सख
 अति विषम सपनेहु होत न ओर ॥ द्वितिय कोल राजिव
 प्रथम बाहु न निचय साहि । आदि एक कल दे भजहु वेद
 विदित गुण नाहि ॥ वसत जहाँ रावव जलज तेहि मिति
 गोजहि सङ्ग । भजु तुलसी तेहि अरि सुपद करि उर प्रेम
 अभङ्ग ॥ भजहु तरणिअरि आदिकहँ तुलसी आत्मज अन्त
 पञ्चानन लहि पदम मधि गहे विमल मन सन्त ॥ बनिता
 शैल सुतासकी तासु जनमको ठाम । तेहि भजु तुलसीदास
 हित प्रखत सकल सुखधाम ॥ भजु पतङ्गसुत आदिकहँ
 मृत्युञ्जय अरि अन्तु । तुलसी पुहकर यज्ञकर वरण पाँसु-
 पिच्छन्तु ॥ उलटे लासी तासु पति सौ हजार मन सत्य ॥
 द्वितिय तृतीय हर कास नहि भजु तेहि तुलसीदास । काका-
 सन आसन किये सासन लहे उपास ॥ आदि द्वितिय अव-
 तारकहँ भजु तुलसी नृप अन्त । कमल प्रथम अरु मध्य सह
 वेद विदित मत सन्त ॥ जेहि न गन्थो कस्यु मानसहु
 सुरपति अरि मौ आस । तेहि पद शुचिता अवधि भव तेहि
 भजु तुलसीदास ॥ नैनकरण गुणधरण वर तावर वरण
 विचार । चरण सतर तुलसी चहसि उबरन अरण्यअधार ॥
 भजु हरि आदिहि वाटिका भरिता राजिव अन्त । करिता
 पद विश्वास भव सरिता तरसि तुरन्त ॥ जड़ मोहन वरणादि-
 कहँ सह चञ्चल चित चेत । भजु तुलसी संसार अहि नहि
 गहि करत अचेत ॥ मरण अधिप वारण वरण दूसर अन्त अगार ।
 तुलसी वृषु सह रागधर तरण तरण अधार ॥ ज्यों उरविज
 चाहसि कटित तौ करि घाटित उपाय । सुमन सवर वर अरि-
 चरण सेवन सरल सुभाय ॥ द्वितिय पयोधर परमधन बाण
 अन्त युत सोय । भजु तुलसी संसार हित धाते अधिक न

कोय ॥ पति पयोधि पावत पवन तुलसी करहु विचार ।
 आदि द्वितिय अरु अन्तयुत तामत तव निरधार ॥ हंस कपट
 रस सहित गुण अन्त आदि प्रथमन्त । भजु तुलसी तजि वाम-
 गति जेहि पद रत भगवन्त ॥ कना समुक्ति कवरण हरहु
 अन्त आदि युत तार । श्रीकर तमहर वरण वर तुलसी सरत
 उवार ॥ अङ्गदशारस आदि युत पाण्डुसूनु सह अन्त ।
 जानि सुवन सेवक सतर करि है कृपा परन्त ॥ कटिति
 सखाहि विचारि हिय आदि वरण हर एक । अन्त प्रथम
 स्वर दे भजहु जा उर तत्त्व धिवेक ॥ आदि चन्द्र चञ्चल सहित
 भजु तुलसी तजु काम । अघगञ्जन रञ्जनसुजन भवंभञ्जन
 सुखधाम ॥ विगति देह तनु जासु पति पद रति सहित
 सनेह । यदि अति मति चाहसि सुगति तदि तुलसी करु प्रेम ॥
 करता शुचि सुरसरिसुता शशि सारंग महि जान । आदि
 अन्तसह प्रथम युत तुलसी समुक्तु न आन ॥ गिरिजागति
 कल आदि इक हरि नन्दद्व युधि जान । आदि अन्त भजु अन्त
 पुनि तुलसी शुचि मन मान ॥ ऋतुपतिपद पुनि पदि-
 क युत प्रथम आदि पुर लेहु । अन्त हरण पद द्वितियमहँ
 मध्य वरण नह नेहु ॥ बाहन शेष सुमधु परव भरत नगर युत
 जान । हरि भरि सरित विपर्य करि आदि मध्य अवसान ॥
 तुलसी उडुगणको वरण बनज सहित दोउ अन्त । ताकहँ
 भजु संशयश्चमन रहित एक कल अन्त ॥ वारिज वारिज वरण वर
 वरणत तुलसीदास । आदि आदि भजु आदि पद पाये परम
 प्रकाश ॥ भजु तुलसी कुलिशान्तकहँ सह अगार तजि काम ।
 सुखसागर नागर ललित बली अली परधाम ॥ चञ्चल सहि-
 तरु चञ्चला अन्त अन्त युत ज्ञान । सन्त शास्त्र समत समुक्ति
 तुलसी करु परमान ॥ आदि वसन्त इकार दे आशय ता-

सु विचार । तुलसी तासु शरण परे काहु न भयो उबार ॥ धरा
 धराधर वरण युग शरण हरण भवभार । करन सतर तर परम
 पद तुलसी परमाधार ॥ वरन धनञ्जय सूनूपति चरण शरण
 रति नाहि । तुलसी जगवञ्चक विहठि किये विधाता ताहि ॥
 तुलसी रजनी पूर्यिमा हार सहित लखि लेहु । आदि अन्त
 युत जानि कहि तुलतरसनलसनेहु ॥ भानु गोत्र तिमि तासु
 प्रति कारण अति हित जाहि । ज्ञान सुगति युत सुखसदन
 तुलसी मानत ताहि ॥ भजु तुलसी औघादिकहँ सहित
 तत्त्व युत अन्त । भव आयुर्जय जासुबल मन चल अचल
 करन्त ॥ देत कहा नृप काजपर लेत कहा दूत राज । अन्त
 आदि युत सहित भजु जो चाहसि शुभ काज ॥ चन्द्ररवखि
 भजु गुण सहित समुक्ति अन्त अनुराग । तुलसी जो यह बन
 परै तौ तव पूरण भाग ॥ जिनके हरि वाहन नहीं दक्षिसुत
 सुत जेहि नाहि । तुलसीते नर तुच्छ हैं विना समीर उड़ाहि ॥
 रवि चञ्चल अरु ब्रह्म द्रव बीच सुवास विचारि । तुलसि-
 दास आसन करे अवनिसुता उर धारि ॥ बन वनितादृगकी-
 पमा युन करु सहित विवेक । अन्त आदि तुलसी भजहु परि-
 हरि मत कर टेक ॥ उर्वी अन्तहु आदि युत कुल शोभी कम-
 लादि । कै विपर्य्य ऐसेहि भजहु तुलसी शमन विषाद ॥ तौ
 तोहिकहँ सब कोउ सुखइ करहि कहा तव पाँच । हरव तृतीय
 वारिज वरण तजव लीन सुनु साँच ॥ तजहु सदाशुभ आशअरि
 भजु सुमनस अरिकाल ॥ सजु मतईश अवन्तिका तुलसी विमल
 विशाल ॥ एतवन्त वरवरणयुग सेत जगत सब जान । चेत
 सहित सुमिरण करत हरत सकल अधखान ॥ मैत्रीवरणय-
 कारको सहसर आदि विचारि । पञ्चवर्ग गहियुत सहित तुलसी
 ताहि सँभारि ॥ हलधम मध्य समानयुत याते अधिक न ज्ञान ॥

तुलसी ताहि विसारि शठ भरमत फिरत सुलान ॥ कौन जाति
 सीतासती को दुखदायक वाम । को कहिये शशिकर दुखद
 सुखदायक को राम ॥ को शङ्कर गुरुवागवर शिवहरको अभिमान
 करताको अजजगतको भरताको हरिजान ॥ सरदेय सरजीव-
 गुण करु तैहि दृढ़पहिचान । पञ्चवर्ग गहि युतसहित तुलसी
 लाहि समान ॥ होत हरष का पाय धन विपति तजे का धाम ॥
 दुखदा कुमति कुनारि तर सति सुखदायक राम ॥ वीर कवन
 सह मदनशर धीर कवन रतराम । कवन क्रूर हरिपदविमुख
 को कामी वशवाम ॥ कारण को कंजीव को खंशुण कह सब
 कोय । जानतको तुलसी कहत सो पुनि आवन होय ॥ तुलसी
 वरण विकल्पको औचप द्वितिय समेत ॥ अब समुझे जड़ सरि-
 त नर समुझे साधु सचेत ॥ जासु आसु सरदेवको अरु असार
 हरु वाम । सकल दुखद तुलसी तजहु मध्य तासु सुखधाम ॥
 चञ्चल तियभजु प्रथम हरि जो चाहसि परधाम । तुलसी कहहि
 सुजन सुनहु यही सयानप काम ॥ कुलिशधर्म युग अन्तयुत
 भजु तुलसी तजु काम ॥ अशुभहरण संशयशमन सकल कला
 गुणधाम ॥ श्रीकरको रघुनाथहर अनयश कह सब कोय । सुख-
 दाको जानत सुमति तुलसी समतादोय ॥ वैरमूलहित हरवचन
 प्रेममूल उपकार । दोहा सरल सनेहमें तुलसी करै विचार ॥
 प्राग कवन गुरु लघु जगत तुलसी और न आन । श्रेष्ठाको हरि-
 भक्तिसम को लघु लोभ समान ॥ चरण द्वितिय नाशक निरय
 तुलसी अन्तरसार । भजहु सकल श्रीकरसदन जनपालक खल-
 सार ॥ चपश्रेय सस्वर सहित यमयुत दुखद न आन । तुलसी
 हलयुतते कुशल अन्तिकार सहजान ॥ तुलसी यमगण बोध
 बिन कहु किमि भिटै कलेश । ताते सदगुरुशरण गह जाते पद-
 उपदेश ॥ भगण जगण कासों करसि रामअयन नहि कोय ।

तुलसी पतिपहिचान विन कोउ तुलकबहुँलहोय ॥ तुलसी तगण-
 विहीन नर सदा नगणके बीच । तिनहि जगण कैसे लहै परे
 सगणके बीच ॥ इन्द्रमणि सुरदेव ऋषि रुक्मिणिपति शुभ
 जान । भोजनहुहिता काक अलि आनँद अशुभ समान ॥
 को हित सन्त अहित कुटिल नाशकको हित लोभ । पोषक
 तोषक दुखद अरि शोषक तुलसी चोभ ॥ सदा नगण
 पद प्रीति यहि जानु नगण सम ताहि । जगण ताहि
 जययुत रहत तुलसी संशय नाहि ॥ भगण भक्ति कर
 भरम तजि तगण सगण विधि होय । सगण सुभाय ससुकि
 तजो भजे न दूषण कोय ॥ श्रीगज आसनजतजू विहरत तीर
 सुधौर । यज्ञ पाय मैत्राणपद राजत श्रीरघुवीर ॥ वाणद्युतजू तट
 निकट विहरत रामसुजान । तुलसी करकमलन ललित लसत
 शससन वान ॥ मृदुमेचक शिरखह रुचिर श्रीशतिलक भ्रूवङ्क ।
 धनुशर गहि जनु तहितयुत तुलसी लसत मयङ्क ॥ हंस कमल
 विच वरणयुत तुलसी अतिप्रिय जाहि । तीनलोकमहँ जो भजे
 लहै तासु फल ताहि ॥ आदि महै अन्तहु महै मध्य रहै तेहिजान ।
 अनजाने जड़जीव सब ससुकौ सन्तसुजान ॥ आदि रहै मध्ये रहै
 अन्त दहै सो बात । रामविमुखके होत है रामविमुखते जात ॥
 ललित चरण कटि कर ललित लसत ललित वनमाल । ललित-
 चिञ्चुक द्विज अधरसह लोचन ललित विशाल ॥ भरणहरणअर्घ्य-
 अमल सहित विकल्पविचार । कह तुलसी मति अनुहरत दोहा
 अर्थ अपार ॥ वशिष्ठादिलङ्कारमहँ सङ्केतादि सुरीति ॥ कहे
 बहुरि आगे कहब समुक्तव सुमतिविनीति ॥ कोष अलङ्कृत सन्धि
 गति मैत्रीवरण विचार । हरण भरण सुविभक्ति भल कविहि
 अर्थ निरधार ॥ देशकाल करताकरम बुधि विद्यागतिहीन । ते
 सुरतरु तर दारदौ सुरसरितौर खलोन ॥ देशकाल गतिहीन जे

करताकर अनजान । तेपिसर्थ सगु पगुधरहि तुलसी खान समान
 अधिकारी सब वोसरी भलोजानिबो मन्द । सुधासदन वसुवारहो
 चौथी अथवाचन्द ॥ नरवर नभ सरवर सलिल विनय बनज
 विज्ञान । सुमति शुक्तिका थारदा ख्वाती कहँहि सुजान ॥
 अम दम समता दीनता दानदयादिक गैति । दोषदुरित हरदर
 दरउ रवरविविमल विनीति ॥ धरमधुरीख सुधीरधर धारनवरपर-
 पौर । धराधरा धरसम अचल बचन न विचल सुधीर ॥ चौतिस-
 के प्रस्तारमें अर्थभेद परमान । कहहु सुजन तुलसी कहँहि या
 विधिंते पहिचान ॥ वेद विषम कवरण सतर सुतर रामकौ रीति ।
 तुलसी भरत न भरिहरत भूलि हरहु जनि प्रीति ॥ बनते गुण-
 कहँ जानिये ताते दृगदिग तीन । तुलसी यह जिय समुक्तिकरि
 जगजित सत्त प्रवीन ॥ चन्द्रअनल नहिँ है कहुँ कूठो विना
 विवेक । तुलसीते नर समुक्ति हैं जिनहिँ ज्ञानरस एक ॥ सतसैया
 तुलसी सतर तमहर परपर दैत । तरित अविद्या जनदुरित वर-
 तुलसम करि लेत ॥

इति तृतीयः सर्गः ३ ॥

त्रिविध भौतिको प्रवृत्त वर विखटन लट परसान । कारण
 अद्विरल अल पिपयत तुलसी अविध सुलान ॥ दिगभ्रम जा विध
 होत है कौन सुलावत ताहि । जानि परत गुरु ज्ञानते सब
 जग संशय साहि ॥ कारण चारि विचारु वर वरणन अपर
 न आन । सदा सोउं गुण दोषमें लखि न परत गुण ज्ञान ॥
 इह करतब सब ताहिको यहिते यह परमान । तुलसी मर-
 य न पाइ हौ विन सदगुरु वरदान ॥ दिगभ्रम कारण चार ते
 जानहिँ सन्त सुजान । ते कैसे लखि पाइ हैं जे वहि विषम
 सुलान ॥ सुख दुख कारणसा भयो रसनाको सुत वीर ।

हलसी सो तव लखि परै करै कृपा वरधीर ॥ अपने खोदे
 रूपमहँ गिरे गया दुख होइ । तुलसी सुखद समुक्ति हिये
 रचत जगत सब कोय ॥ ता विधिते अपनी विभव दुख सुख
 दे करतार । तुलसी कोउ कोउ सख बर कीन्है विरचि विचार ॥
 रसनाहीके सुत उपर करत करनतर प्रीति । तेहि पाछे जग
 सब लगे समुक्त न रीति अरीति ॥ माया मन जिव ईश भखि
 ब्रह्मा विष्णु महेश । सुर देवी औ ब्रह्मलौं रसनां सुत उपदेश ॥
 करखाधार वारिधि अगम को गम करै अपार । जन तुलसी
 सतसङ्गबल पाये विशद विचार ॥ गहि सुबेल विरले समुक्ति
 बहि गय अपर हजार । कोटिन बूड़े खवरि नहि तुलसी कह-
 हिं विचार ॥ अब न सुनत देखत नयन तुलस न विविध
 विरोध । कहहु कही केहि मानिये केहि विधि करिय प्रबोध ॥
 अखात्मक ध्वन्यात्मक वखात्मक विधि तीन । त्रिविध शब्द
 अनुभव अगम तुलसी कहहिं प्रबोध ॥ कहत सुनत आदिहिं
 वरख देखत वरखविहीन । दृष्टिमान चर अचरगण एकहि
 एकन लीन ॥ पञ्च भेद चरगण विपुल तुलसी कहहिं विचारि ।
 नर पशु खेदज खगज खग कृमि बुध मत निरधारि ॥
 अति विरोध तिनमहँ प्रचल प्रकट परत पहिचान । अखा-
 वर गति अपर नहिं तुलसी कहहिं प्रमान ॥ रोम रोम ब्रह्माखंड
 बहु देखत तुलसीदास । विन देखे कैसे कोऊ सुनि मानै
 विष्वास ॥ वेद कहत जहँलगि जगत तेहिते अलग न आन ।
 तेहि आधार व्यवहरत लखु तुलसी परम प्रमान ॥ सरषप सूक्त
 जासुकहँ ताहि सुमेख असूक्त । कहेउ न समुक्त सो अबुध
 तुलसी विगत विसूक्त ॥ कहत अवर समुक्त अवर गहत तजत
 कछु और । कहेउ सुनै समुक्त नहीं तुलसी अति मतिबौर ॥
 देखो करै अदेख दूव अनदेखो विष्वास । कठिन प्रबलता

मोहक्री जलकहँ परम पिपास ॥ सोई सेमर सोइ सुवा सेवत
 पाइ बसन्त । तुलसी महिमा मोहक्री विदित बखानत सन्त ॥
 सुन्यो सबन देख्यो नयन संशय भ्रमन समान । तुलसी समता
 असमभव कहत आनकहँ आन ॥ बसहा भव अरि हित
 अहित सोपि न ससुभात हीन । तुलसी दीन मलीनमति
 मानत परम प्रवीन ॥ भटकत पर अद्वैतता अटकत ज्ञान
 गुमान । सटकत वितरनते विहटि फटकत लिषु अभिमान ॥
 जो चाहत तेहि विनु दुखित सुखित रहित तेहि होइ । तुलसी
 सो अतिशय अगम सुगम रामते सोइ ॥ सात पिता निज
 बालकहि करहि दृष्ट उपदेश । सुनि साने विधि आप जेहि
 निज शिर सहे कलेश ॥ सबसों भलो मनाइबो भलो होनकी
 आस । करत गगनके गेडुआ सो शठ तुलसीदास ॥ विलि-
 मिसु देखत देवता करणी समता देव । सुये मार अविचार-
 रत खारथ सावक एव ॥ विनहि बीज तरु एक भव शाखा दल
 फल फूल । को वरखै अतिशय अमित सब विधि अकल
 अतूल ॥ शुक पिऊ मुनिगण बुध विबुध फल आश्रित अति
 दीन । तुलसी ते सब विरदहित सो तरु तासु अधीन ॥ को न-
 हि सेवत आय भव को न सेय पछताय । तुलसी बादहि
 पचत है आपहि आप नशाय ॥ कहत विविध फल विमल
 तेहि बहत न एक प्रमान । भरम प्रतिष्ठा मानि मन तुलसी
 कथत भुलान ॥ सुगजल घट भरि विविध विधि सींचत नभ-
 तरुमूल । तुलसी मन हरप्रित रहत विनहि लहे फल फूल ॥
 सोपि कहहि हमकहँ लख्यो नभतरुको फल फूल । ते तुलसी
 तिनते विमल सुनि मानहि सुद भूल ॥ तैपि तिन्है याचहि
 विनय करि करि बार हजार । तुलसी गाडरकी दरन जाने
 जगत विचार ॥ शशि कर सग रचना किये कत शोभा सर-

सात । स्वर्ग सुमन अवलन्त खलु चाहत अचरज बात ॥
 तुलसी बोल न बूझई देखत देखन जोय । तिन शठके उपदेश-
 का करव सथाने कोय ॥ जो न सुनै तेहि का कहिय कहा
 सुनाइय ताहि । तुलसी तेहि उपदेशही तासु सरित्त मति
 जाहि ॥ कहत सकल घट राममय तौ खोजत केहि काज ।
 तुलसी कह इह कुमति सुनि उर आवत अति लाज ॥
 अलख कहहि देखन चहहि ऐसे परम प्रवीन । तुलसी जग
 उपदेशही वनि बुध अबुध मलीन ॥ हहरत हारत रहित विद
 रहत धरे अभिमान । ते तुलसी गुरु आव नहि कहि इतिहास
 पुरान ॥ निज नैनन दीसत नहीं गही आंधरे बाह । कहत
 मोहवश तेहि अधम परम हमारे नाह ॥ गगनवाटिका
 सींचही भरि भरि सिन्धुतरङ्ग । तुलसी मानहि मोद मन
 ऐसे अधम अमङ्ग । दृषद करत रचना विहरि रङ्ग रूप सम-
 तूल । विहग वदन विष्ठा करे ताते भयो न तूल ॥ चाह ति-
 हारो आपते मानन आनन आन । तुलसी करु पहिचान पति
 याते अधिक न आन ॥ आत्मबोध विचार इह तुलसी करु
 उपकार । कोउ कोउ रामप्रसादते पावत परमतपार ॥ जहां
 तोष तहँ राम हैं राम तोष नहि भेद । तुलसी देखि गहत
 नहीं सहत विविध विधि खेद ॥ गोधन गजधन बाजिधन
 और रतनधनखान । जब आवै सन्तोषधन सब धन धूरि
 समान ॥ कुथि रति अटत विम्ह लट घट उदघटत न ज्ञान ।
 तुलसी रटत हटत नहीं अतिशय गति अभिमान ॥ भूलुवङ्ग
 गत दाम भुव काम न विविध विधान । तो तन वर्तमान यत
 तत तुलसी परमान ॥ भो उर सुक्ति विभव पढ़ि मनगत
 प्रकट लखात । मन भो उर अति सुक्तिते विलग विजानव
 तात ॥ रामचरण पहिचान विनु मिटौ न मनकी दौर ।

जन्म गँवाये बादही रटत पराये पौर ॥ सुनै वरख भानै वरख
 वरख बिलग नहिं ज्ञान । तुलसी सुगुरुप्रसाद बल परै वरख
 पहिं ज्ञान ॥ बिटप बेलिगख बागके सात्ताकार न जान ।
 तुलसी ता विधि विद विना करता राम भुलान ॥ करतव ही
 सो कर्म है कहँ तुलसी परमान । करखहार करतारसो भोगै
 कर्म निदान ॥ तुलसी लट पढ़ते सटक अटक अपित नहिं
 ज्ञान । ताते गुरु उपदेश बिनु भरमत फिरत भुलान ॥ ज्यों
 बरदा बनिजारके फिरत घनेरे द्वेष । खँड़ भये सुख खात है
 विन गुरुके उपदेश ॥ बुध्वा वैरन खनथ पढ़ ख्वपिन पदारथ
 लीन । तुलसी तेहि रासभ सरिस निज मन गणहि भवौन ॥
 कहत विविध देखे विना गहत अनेक न एक । ते तुलसी
 सोनहिं सरिस बाणी बढहिं अनेक ॥ विन पाये परतीत अति
 करत यथारथ हेत । तुलसी अबुध अकाश इत्र भरि भरि
 सूठी लेत ॥ बसन बारि बाँधत बिहठि तुलसी कौन विचार ।
 हानि लाभ विधि बाध बिनु होत नहीं निरधार ॥ काम क्रोध
 मद लोभकौ जबलगि मनमें खान । का पण्डित का मूरख
 दोनों एक समान ॥ इत कुलकौ करणी तजे उत्त न भजे भग-
 वान । तुलसी अधवरके भये ज्यों बधूरको पान ॥ कौर
 सरिस बाणी पढ़त चाखन चाहत खँड़ । मन राखत वैराग-
 महँ घरमों राखत रँड़ ॥ रामचरण परचै नहीं विन साधन
 पढ़ नेह । सँड़ सुड़ाये बादहीं भँड़ भये तजि गेह ॥ काह भयो
 बन बन फिरै जो बनि आयो नाहिं । बनते बनते बनि गयो
 तुलसी घरहीमाहिं ॥ जो गति जानै वरखकी तन गति सो
 अनुमान । वरख बिन्दु कारण यथा तथा जानु नहिं आन ॥
 वरख योग भद्र नाम जग जानु भरमको मूल । तुलसी करता
 है तुही जानु मोनु जनि भूल ॥ नाम जगत तम समुक्त जग

वस्तु न करि चित बैन । विन्दु गये जिमि गैनेतै रहत ऐनको
 ऐन ॥ आपुहि ऐन विचारु विधि सिद्धि विमल गति मान ।
 आन वासना विंदुसम तुलसी परम प्रमान ॥ धन धन कहे
 न होत कोउ समुक्ति देखु धनमान । होत धनिक तुलसी
 कहत दुखित न रहत जहान ॥ हिमकी भूरतिके हिये लगत
 नीरकी प्यास । लगत शब्द गुरु तरनिकर सोमै रही न आस
 पाके उरवर वासना भई भाष ककु आन । तुलसी ताहि विह-
 स्वना कहि विधि कथहि प्रमान ॥ रुजत न भव परचै विना
 भेषज करि किमि कोय । जान परै भेषज करै सहज नाश रुज
 होय ॥ मानस व्याध कुचाह तव सदगुरु वैद समान । जासु
 वचन अलत्रल अवल होत सकल रुज हान ॥ रुचि वाढ़े सत-
 सङ्गमहँ नौति च्छा अधिकाय । होत ज्ञानबल पीन अल
 वृजिन विपति मिटि जाय ॥ शुक्लपत्र शशि स्वच्छमी कृष्ण-
 पत्र द्युतिहीन । बह्व्र घटत्र विधि भाँति विचि तुलसी कह-
 हि प्रवीन ॥ सतसङ्गति सितपत्र सम असित असन्त प्रसङ्ग ।
 जानु आपकहँ चन्द्र सम तुलसी वदन अभङ्ग ॥ तीरथपति
 सतसङ्ग सन भक्ति देवसरि जान । विधि उलटी गति रामकी
 तरणिसुता अनुमान ॥ वर मेधा मानहु गिरा धीर धर्म न-
 योध । मिलन त्रिवेणौ मनहरणि तुलसी तजहु विरोध ॥
 समकव सब मञ्जन विशद मल अनीत गद धोय । अवश
 मिलन संशय नहीं सहज रामपद होय ॥ ज्येष्ठ विमल वारा-
 णसी सुरअपगा सम भक्ति । ज्ञानविश्वेश्वर अति विशद
 लसत दया सह शक्ति ॥ बसत ज्येष्ठ गृह जासु मन वाराणसी
 न दूरि । बिलसित सुरसरि भक्ति जहँ तुलसी नय कृत भूरि ॥
 सित काशी मगहर अमित लोभ मोह मद काम । हानि
 लाभ तुलसी समुक्ति बास करहु वसुयाम ॥ गये पलटि आवे

नहीं है सो करु पहिचान । आजु जेद सो काल है तुलसी भर-
 स न मान ॥ वर्तमान आधीन दोउ भावी भूत विचार । तुलसी
 संशय मनन करु जो है सो निरुधार ॥ मानस उर वर मम
 सधुर रामसुधश्च शुचिनीर । उठेउ वृजिन बुधि मल भई बुधि
 नहि अगम अधीर ॥ अलङ्कार कवि रीति युत भूषण दूषण
 रीति । वारिजात वरणत विविध तुलसी विमल विनीति ॥
 विनै विचार सुहिर्दता सो पराग रस गन्ध । कामादिक तेहि
 सरल सत तुलसी घाट प्रबन्ध ॥ प्रेम उद्यम कवितावली चली
 सरित शुचिधार । राम वराधरि मिलन हित तुलसी इरब
 अपार ॥ तरल तरङ्ग सुहृन्द वर हरत द्वैत तरु मूल । वैदिक
 लौकिक विधि विमल लसत विशदवर कूल ॥ सन्तसभा विमला
 नगरि सिगरि सुमङ्गलखानि । तुलसी उर सुरसरिसुता लसत
 सुधल अनुमानि ॥ सुक्त सुसुबू र विप्रद श्रोता त्रिविध प्रकार ।
 ग्राम नगर पुरयुग सुतट तुलसी कहहि विचार ॥ वाराणसी-
 विराग नहि शैलसुता मन होय । तिभि अवधहि सरयु न तजै
 कहत सुकवि सब कोय ॥ कहव सुनव समुझव पुनः सुनि संसु-
 क्षायव ज्ञान । अमहर घाट प्रबन्धवर तुलसी परम प्रमान ॥

इति चतुर्थःसर्गः ॥ ४ ॥

यतन अनूपम जानु वर सकल कला गुणधाम ॥ अविनाशी
 अब यह अमल भौ यह तनु धरि राम ॥ सदा प्रकाश सहपवर
 अख न अपर न आन । अप्रमेय अद्वैत अज याते दुरत न ज्ञान ॥
 जानहि हंसा रसमकहं तुलसी सन्त न आन । जाकी रुपा
 कटाक्षते पाये पदनिर्वाण ॥ तजत सलिल अपि पुनि गहत घटत
 बढ़त नहि रीति । तुलसी यह गति उर निरख करिय रामपद-

प्रीति ॥ चुम्बक इरहन सेति जिम सन्तन हरि सुखधाम । जान
 तिरौचर सम सफरि तुलसी जानत राम ॥ भरत हरत दरशत
 लवहिं पुनि अदरब लवकाहु ॥ तुलसी सुगुरु प्रसादवर होत
 परमपद लाहु ॥ यथा प्रत्यक्ष स्वरूप बहु जनित है सब कोय ॥
 तथाहि लै गतिको लखव असमच्छप अति सोय ॥ यथा सकल
 अपि जात अप रविमखडकके माहिं । मिलत तथा जिव रामपद
 होत तहांलै नाहिं ॥ कर्मकोष संग लै गयो तुलसी अपनी बानि ।
 जहां जाय बिलसे रहां परे कर्त पहिचानि ॥ ज्यों धरणीमहँ
 हेतु सब रहत यथा धरि देह । त्यों तुलसी लै राममहँ मिलत
 कबहुँ नहिं एह ॥ शोषक पोषक समुक्त शुचि राम प्रकाशस्वरूप ।
 यथा तथा विन देखिये जिमि आदरब अनूप ॥ कर्म मिटाये
 मिटत नहिं तुलसी किये विचार । करतव हीके फेर है या विधि
 सार आधार ॥ एक किये हो दूसरो बहुरि तीसरो अङ्ग । तुलसी
 कैसेहु ना नशे अतिशय कर्म तरङ्ग ॥ इन दोउनते रहत भी कोउ न
 राम तजिआन । तुलसी यह गति जानिहै कोउकोउ सन्तसु
 जान ॥ सन्तनको लै अमिसदन समुक्ति सुगति प्रवीन । कर्मविप
 र्यय कबहुँ नहिं सदा रामरसलीन ॥ सदा एकरस सन्त सिय निश्च
 य निश्चि कर जान ॥ रामदिवाकर दुखहरण तुलसी शौलनिधान ॥
 सन्तनको गति उरविजा जानहु शशि परनाम । रमित रहत रसमें
 सदा तुलसी रति नहिं आन ॥ जातरूप जिमि अनल मिलि
 ललित होत लन आन ॥ सन्तशौल कर सीय तिमिलसहि रामपद
 पाय ॥ आपहिं बाँधत आपु हठि कौन कुड़ावत ताहि ॥ सुखदा
 यक देखत सुनत तदपि सो मानत नाहि ॥ जौन तारते अधम
 गति उर्द्ध लीन गति जात । तुलसी मकरीतन्त इव कर्म न कबहुँ
 नशात ॥ जहाँ रहत तहँ सह सदा तुलसी तेरी बानि । सुधरै
 विधिवश होय जब सतसङ्गति पहिचानि । रवि रजनीस घरातथा

इह अस्थिर अस्थूल । सूक्ष्म गुणको जीवकर तुलसी सो तन-
मूल " आवत अपर विते यथा जात तथा रविमार्हि ॥ जहँते
प्रकटत ही दूरत तुलसी जानत ताहि ॥ प्रकट भये देखत
सकल दूरत लखत कोइ कोय । तुलसी यह अतिशय अगम
बिन गुरु सुगम न होय । या जग जे नथहीन नरवरवस दुखमग-
जाहि । प्रकटत दूरत महादुखी कहँलुगि कहियत ताहि ॥
सुखदुख मग अपने गहे मगकेहु गहत न धाय । तुलसी राम-
प्रसाद बिनु सो किमि जानो जाय ॥ सहिते रवि रविते अविनि
सपनेहुँ दुख कहँ नाहि । तुलसी तबलुगि दुखित अति अशिश-
गु लहत न ताहि ॥ सन्तनकी गति शीतकर लेश कलेश न होय ।
सो सिधपद सुखदा सदा जानु परमपद सोय ॥ तजत अमिय
अशि जानि जग तुलसी देखत रूप । गहत नहीं सबकहँ विदित
अतिशय अमल अनूप ॥ अशिकर सुखद सकल जगत को तेहि
जानत नाहि । कोक कर्मलकर दुखदकर तदपि दुखद नहि
ताहि ॥ बिन देखे समुझे सुने सोड भौ मिथ्यावाद । तुलसी
गुरु गमकै लखै सहजहि मिटे विषाद ॥ वरषि विश्व हरषित
करत हरत ताप अघप्यास । तुलसी दोष न जलदकर ल्यो जड़
करत जबास ॥ चन्द्र देत अमि लेत विष देखहु मनहि बिचार ।
तुलसी तिषि सिध सन्तवर अहिमा विशदुअपार ॥ रसम विदित
रवि रूप लखु शीत शीतकर जान । लसत योगयशकार भव
तुलसी समक समान ॥ लेति अविनि रविअंशकहँ देति अमिय
अपसार । तुलसी सूक्ष्मको सदा रवि रजनौश अधार ॥ भूमि
भानु अस्थूलअप सकल चराचर रूप । तुलसी बिन गुरु ना लहै
यह सत अमल अनूप ॥ तुलसी जे लयलीन नर ते निशिकर तन-
लीन । अपर सकल रविगत भये महाकष्ट अतिदीन ॥ तुलसी
कवनेहुँ योगते सतसङ्गति जब होय । राम मिलन संशय नहीं

कहहिं सुमति सब कोय ॥ सेवक पद सुखकर सदा दुःखद सेव्य-
 पद जान । यथा विभीषण रावणहि तुलसी समुक्त प्रमान ॥
 शीत उष्णकर रूपयुग निश्चिदिन कर, करतार । तुलसी तिन-
 कहँ एक नहिं निरखहु करि निरधार ॥ नहिं नैनन काहू लख्यो
 धरत नाम सब कोय । ताते साँचो है समुक्त काँठ कवहुँ नहिं
 होय ॥ वेद कहत सब कोउ विदित तुलसी अमिय स्वभावं ।
 करत पान अपि रुजं हरत अविरल अमल प्रभाव ॥ गन्ध शीत
 अपि उष्णता सबहि विदित जग जान । महिवन अनल
 सुआनि लग बिन देखे परमान ॥ इनमहँ चेतन अमलअल
 विलखत तुलसीदास । सो पद गुरुउपदेश सुनि सहज होत
 परकास ॥ यहि विधिते वर बोध इह गुरु प्रसाद कोउ पाव ।
 हैं ते अल तिहुँ कालमहँ तुलसी सहज प्रभाव ॥ काकसुतासुत-
 वासुता मिलत जननि पितु धाय । आदि मध्य अवसान गत
 चेतन सहज सुभाय ॥ समता स्वारथहीनते होत न विशद वि-
 वेक ॥ तुलसी यह तिनहीं फवै जिनहिं अनेक न एक ॥ सब स्वा-
 रथ स्वारथ रटत तुलसी घटत न एक । ज्ञानरहित अज्ञानरत
 कठिन कुमनकर टेक ॥ स्वारथ सो जानहु सदा जासों विपति
 नशाय । तुलसी गुरुउपदेश विन सो किमि जानी जाय ॥
 कारज स्वारथ हित करै कारण करे न होय । मनवा ऊप्रविशेषते
 तुलसी समझहु सोय पू० कारण कारज जानता सबकाहू पर-
 मान । तुलसी कारजकारजो सो तैं अपर न आन ॥ विन करता
 कारज नहीं जानत हैं सब कोय । गुरुमुख अवण सुनत नहिं
 प्राप्ति कवन विधि होय ॥ करता कारण कारजहु तुलसी गुरु पर-
 मान । लोपत करता मोहबध ऐसो अबुध मलान ॥ अनिल
 सलिल विधियोगते यथा बीचि बहु होय । करत करावत नहिं
 ककुक करता कारण सोय ॥ जेम धरख करतार कर तुलसी

पति परधाम । सो वरतरता समन कोउ सब विधि पूरण-
 काम ॥ करता कारण सारपद आवै अमल अभेद । कस्य
 घटत अपि बहत हैं तुलसी जानत वेद ॥ खेदज जवन प्रका-
 रते आपु करै कोउ नाहि । भये प्रकट तेहि को सुनौ कौन
 विलोकत ताहि ॥ भयो विप्रमता कर्म महँ समता किये न
 होय । तुलसी समता समुक्त कर सकल मान मद धोय ॥
 समहित सहित समस्त जग सुहृद जान सबकाहु । तुलसी यह
 मत धारु उर दिन प्रति अति सुख लाहु ॥ यह मनमहँ
 निश्चय धरहु है कोउ अपर न आन । कासन करत विरोध
 हठि तुलसी समुक्त प्रमान ॥ सहि जल अनल सुअनिल
 नभ तहाँ प्रकट तव रूप । जानि जाय वर बोधते कति शुभ
 अमल अरूप ॥ जोपै आकसमातते उपजे बुद्धि विशाल ।
 नातो अति छलहीन है गुरुसेवन कस्यु काल ॥ कारज युग
 जानहु हिये नित्य अनित्य समान । गुरु गमते देखहि सुजन
 कह तुलसी परमान ॥ सहि मयङ्ग अहिनाशको आदि ज्ञान
 भौ भेद । ता विधि तेई जीवरुहँ होत समुक्त विन खेद ॥
 परो फेर निज कर्म महँ अस भवका यह हेत ॥ तुलसी कहत
 सुजन सुनहु चेत न समुक्त अचेत ॥ नामकार दूषण नहीं
 तुलसी किये विचार । कर्मनकी घटना समुक्ति ऐसे वरण
 उचार ॥ सुजन कुजन सहि गत यथा तथा भानु शशिमाहि ।
 तुलसी जानत हो सुखी होत समुक्त विन नाहि ॥ मातु तात
 भवरीति त्रिभि तिभि तुलसी गति तोरि । मात न तात न
 जानु तव है तेहि समुक्त बहोरि ॥ सर्व सकल तैं है सदा
 विश्लेषित सब ठौर । तुलसी जानहि सुहृद जे ते अति मति
 शिरमौर ॥ अराङ्गार घटना कनक रूप नाम गण लीन ।
 तुलसी रामप्रसादते परसुहि परमप्रवीन ॥ एक पदारथ

त्रिविध गुण संज्ञा अगम अपार । तुलसी सुगुरुप्रसादते पाये
 पद निरधार ॥ गन्ध न मूल उपाधि बहू भूपय तन गण
 जान । शोभा गुण तुलसी कहहि समुक्तिहि सुमतिनिधान ॥
 जैसे जहां उपाधि तहँ घटित पदारथ रूप । तैसे तहां प्रभा
 समन गुणगण सुमति अनूप ॥ जानु वस्तु अस्थिर सदा मित्त
 मिटाये नाहि । रूप नाम प्रकृत दृत्त समुक्ति विलोकहु
 ताहि ॥ पैरूप संज्ञा कहव गुण सुविवेक विचार । इतनो-
 ई उपदेश वर तुलसी किये विचार ॥ सदा सगुण सीता रमण
 सुखसागर बलधाम । जन तुलसी परखे परम पाये पद
 विश्राम ॥ सगुण पदारथ एक नित निर्गुण अमित उपाधि ।
 तुलसी कहहि विशेषते समुक्त सुमति सुठि साधि ॥ यथा एक-
 महँ वेद गुण तामहँको कहु नाहि । तुलसी वर्तत सकल हैं
 समुक्त कोउ कोउ ताहि ॥ तुलसी जानत साधुजन उदय
 अरुगत भेद । विन जाने कैसे मिटे त्रिविध जनन जन खेद ॥
 संशय शोक समूल रुज देत अमित दुख ताहि । अहि अनुगत
 सपने त्रिविध चाहि परायण जाहि ॥ तुलसी सांचो आप है
 जब लगि खुलै न नैन । सो तबलगि जबलगि नहीं सुने
 सुगुरुवर वैन ॥ पूरण परमारथ दरश परशत जौलगि आश ।
 तौलगि खन उत्थान नद जबलगि जल न प्रकाश ॥ तबलगि
 हमतै सब बड़ो जबलगि है कछु चाह । चाहरहित कह को
 अधिक पाय परमपद याह ॥ कारण करता है अचल अपि अ-
 नादि अजरूप । ताते कारण विपुलतर तुलसी अमल अनूप ॥
 करता जानि न परत है विन गुरुवरपरसाद । तुलसी
 निज सुख विधि रहित केहि विधि मिटे विषाद ॥ मृण्मय
 घट जानत जगत विन झलाल नाहि होय । तिमि तुलसी
 करता रहित कर्म करै कहुँ कोय ॥ ताते करता ज्ञान कर जाते

कर्म प्रधान । तुलसी ना लखि पाइ हौ किये अमित अनु-
मान ॥ अनमान साक्षी रहित होत नहीं परमान । कह तुलसी
प्रत्यक्ष जो सो कहु अपरको आन ॥ मिति कारण करता सहित
कारज किये अनेक । जो करता जाने नहीं तौ कहु कवन
विवेक ॥ स्वर्णकार करता कनक कारण प्रकट लखाय । अल-
ङ्कार कारज सुखद गुण शोभा सरसाय ॥ चामीकर भूषण
अमित करता कह तब भेद । तुलसी जे गुरु गमरहित ताहि
रमित अति खेद ॥ तन निमित्त जहँ जो भयो तहाँ सोइ पर-
मान । जिन जाने माने तहाँ तुलसी कहहि सुजान ॥ मृणमय
भाजन विविध विधि करता मन भव रूप । तुलसी जानेते सुख-
द गुरु गम ज्ञान अनूप ॥ सब देखत मृण भाज नहि कोइ कोइ
लखत कुलाल । जाके मनके रूप वह भाजन विलखु विशाल ॥
एकै रूप कुलालको माटी एक अनूप । भाजन अमित
विशाल लघु सो करता मन रूप ॥ जहाँ रहत वरतत तहाँ
तुलसी नित्य स्वरूप । भूत न भावी ताहि कह अतिशय अमल
अनूप ॥ प्रवास समीर प्रत्यक्ष अप स्वच्छा दरश लखात । तुलसी
रामप्रसाद बिन अबिगति जानि न जात ॥ तुलसी तल रहि
जात है युग तन अचल उपाधि । यह गति तेहि लखि परत
जेहि भई सुमति शुठि साधि ॥ करता कारण कालके योग
कर्म मत जान । पुनःकाल करता दुरत कारण रहत प्रमान ॥

इति पञ्चमः सर्गः ॥ ५ ॥

जल थल तन गत है सदा ते तुलसी तिहुँकाल । जन्म
 वरण समुक्ते विना भाषत समन विशाल ॥ ते तुलसी करता
 सदा कारण शब्द न आन । कारण संज्ञा सुख दुखद विन
 गुरु तेहि किमि जान ॥ कारजरत करता समुक्ता दुख सुख
 भोगत सोय । तुलसी श्री गुरुदेव विन दुखप्रद दूर न होय
 कारण शब्द स्वल्पमें संज्ञा गुण भव जान । करता सुखगुणते
 सुखद तुलसी अपर न आन ॥ गन्ध विभावरि नीर रस सलिल
 अनल गत ज्ञान । वायुवेगकहँ विन लखे बुध जन कहहि
 प्रमान ॥ अनुस्वार अक्षर रहित जानत हैं सब कोय । कह
 तुलसी जहँलगि वरण तासु रहित नहि होय ॥ आदिहु अन्त-
 हु है सोई तुलसी और न आन । विन देखे समुक्ते विना
 किमि कोइ करै प्रमान ॥ रहित विन्दु सब वरणते रैफ सहित
 सब जान । तुलसी स्वर संयोगते होत वरण पद मान ॥ अनु-
 स्वार सूक्ष्म यथा तथा वरण अलस्य । जो सूक्ष्म अस्थूल सो
 तुलसी कवहुँ न मूल ॥ अनिल अनल पुनि सलिल रज तनगत
 तनवत होय । वहुरि सो रजगत जल अनल स्रहत सहित रवि
 सोय ॥ और भेद सिद्धान्त यह निरखु सुमति कह सोय । तुलसी
 सुत भव योग विन पितु संज्ञा नहिं होय ॥ संज्ञा कह तब गुण
 समुक्त सुनव शब्द परमान । देखव रूप विशेष है तुलसी वेप
 बखान ॥ होत पिताते पुत्र जिमि जानत को कहु नाहि । जबलगि
 सुत परसो नहीं पितु पद लहै न ताहि ॥ तिसि वरखन संज्ञा
 करे वरण वरण संयोग । तुलसी होय न वरण कर जबलगि
 वरण वियोग ॥ तुलसी देखहु सफलकहँ यहि विधि सुत
 आधीन । पितु पद परखि सुदृढ़ भयो कोउ कोउ परम
 प्रवीन ॥ जहँ देखो सुत पद सकल भयो पिता पद लोप ।
 तुलसी सो जानै सुई जासु अमोलिक चोप ॥ ख्यात सुवन

तुलसीसतसई ।

तिहुँ लोकमहँ महाप्रबल अति सोइ । जो कोइ तेहि पाछे
 करै सो पर आगे होइ ॥ तुलसी हीत नहीं कछुक रहित सुवन
 व्यवहार । तोहीते अग्रज भयो सब विधि तेहि परचार ॥ सुवन
 देखि भूले सकल भय अति परम अधीन । तुलसी जेहि समु-
 भाइये सो मन करत मलौन ॥ मानत सो साँचो हिये सुनत
 सुनावत वादि ॥ तुलसीते समुझत नहीं जो पद अमल
 अनादि ॥ जाहि कहत हैं सकल सो जेहि कह तव सो ऐन ॥
 तुलसी ताहि समुझि हिये अजहुँ करहु चित बैन ॥ तुलसी
 जो है सो नहीं कहत आन सब कोथ । यहि विधि परम विड-
 खना कहहु न काकहँ होथ ॥ गुरु करिवो सिद्धान्त यह होथ
 यथारथ बोध । अनुचित उचित लखाय उर तुलसी मिटे
 विरोध ॥ सतसङ्गतिको फल यही संशय लहै न लेश । है
 अस्थिर शुचि सरल चित पावै पुनि न कलेश ॥ जो भरवो पद
 सबन को यह लगि साध असाध । कवन हेतु उपदेश गुरु
 सतसङ्गति भव बाध ॥ जो भावो कछु है नहीं झूठो गुरु सत-
 सङ्ग । ऐसि कुमति ते झूठ गुरु सन्तनको परसङ्ग ॥ जौले लखि
 नाहीं परत तुलसी परपद आप । तौलंगि सीहि विवश
 सकल कहत पुत्रको वाप ॥ जहाँलंगि संज्ञा वरण भौ जासु
 कहैते होथ । तो तुलसीसे है सबल आन कहा कहु होथ ॥
 अपने नैनन देखि जे चलहि सुमतिवर लोग । तिनहि न
 विपति विषाद रुज तुलसी सुमति सुयोग ॥ सृगा गगनचर
 ज्ञान विन करत नहीं पहिचान । परवश शठ दठ तजत मुख
 तुलसी फिरत भुलान ॥ काह कहो तेहि तोहिके जेहि उप-
 देशेउ तात । तुलसी कहत सो दुख सहत समुझ रहित
 हित बात ॥ विन काटे तरुवर यथा मिटे कवन विधि छाह ।
 त्यों तुलसी उपदेश विन निःसंशय कोउ नाह ॥ अपनी कर-

तब आप लखि सुनि गुनि आप विचार । तौ तोहिकहँ दुख-
दा महा सुखदा सुमति अधार ॥ ब्राह्मण वर विद्या विनय
सुरति विवेकनिधान । पद्य रति अनय अतीत मति सहित
दया श्रुति मान ॥ विनयकृत शिर जासुके प्रतिपद पर-
उपकार । तुलसी सो चलो सही रहित सकल व्यभिचार ॥
वैश विनय मग पग धरै हरै कटुक घर वैन । सदय भदा
शुचि सरलता होय अचल सुख ऐन ॥ शूद्र चुद्र पद्यपरि हरै हृदय
विप्रपद मान । तुलसी मन समता सुमति सकल जीव सम
जान ॥ हेतु वरण वर शुचि रहनि रसनि रास सुखसार ।
चाहन काम सुरा न रस तुलसी सुदृढ़ विचार ॥ यथालाभ
सन्तोषरत गृह भगवन सगरीत । सो तुलसी सुखमें सदा
जिन तनु विभव विनीत ॥ रहै जहां विचरै तहां कमी कहँ
कलु नाहि । तुलसी तहँ आनन्द संग जात यथा संग छाहि ॥
करत कर्म जेहिको सदा सो मन दुखदातार । तुलसी जो
समुक्ते मनहि तो तेहि तजै विचार ॥ कहत सुनत समुक्त
लखत तेहिते विपति न जाय । तुलसी सबते विलग हैं जबते
नहि ठहराय ॥ सुनत कोटि कोटिन कहत कौड़ी हाथ न
एक । देखत सकल पुराण श्रुति तापर रहित विवेक ॥ समु-
क्त है सन्तोष धन याते अधिक न आन । गहत नहीं तुलसी
कहत ताते अबुध मलान ॥ कहा होत देखे कहे सुनि समुक्ते सब
रीति । तुलसी जबलगि होत नहि सुखद रामपद प्रीति ॥
कोटिन साधनके किये अन्तरमल नहि जाय । तुलसी जो
लगि सकल गुण सहित न कर्म नशाय ॥ चाह बनी जबलगि
सकल तबलगि साधन सार । तामहँ अमित कलेशकर
तुलसी देख विचार ॥ चाह किये दुखिया सकल ब्रह्मादिक
सब कोय । निश्चलता तुलसी कठिन राम कृपावश होय ॥

अपनी कथन आपकहँ भलो मन्द जेहि काल । तब जानव
 तुलसी भई अतिशय बुद्धि विशाल ॥ तुलसी जबलगि लखि
 परत देह प्राणको भेद । तबलगि कैसेकै मिटै करम जनित
 बहु खेद ॥ जोइ देह सोइ प्राण है प्राण देह नहि दीय ।
 तुलसी जो लखि पाय है सो निरदय नहि होय ॥ तुलसीते
 झूठो भयो करि झूठे संग प्रीति । है साँचो हो साँच जब गहै
 रामकी रीति ॥ झूठी रचना साँच है रचत नहीं अलसात ।
 बरजसहू आगरत विहठि नेक न वृक्षात बात ॥ करम खरी कर मोह
 पल अङ्ग चराचर जाल । हरत भरत भर हर गनत जगत
 जोतखी काल ॥ कहन काल किल सकल बुध ताकर यह व्य-
 वहार । उतपति धिति लय होत है सकल तासु अनुहार ॥
 अहुर किशलय दल विपुल शाखायुत वर मूल । फूलि फरत
 अतु अनुहरत तुलसी सकल सतल ॥ कहतब करतब सकल
 तेहि ताहि रहत नहि आन । जानन मानन आन विधि अनू-
 मान अभिमान ॥ हानि लाभ जय विधि विजय ज्ञान दान
 सनमान । खान पान शुचि रुचि अशुचि तुलसी विदित
 विधान ॥ आलक पालक सम विषम रम भम गम गति ज्ञान ।
 छट घट लट नट नादि जट तुलसी रहित न जान ॥ कठिन
 करम करखी कथन करता कारक काम ॥ काय कष्ट कारण
 करम होत काल सम ग्राम ॥ खबर आतमा बोध वर खर
 बिन कवहुँ न होय । तुलसी बसस बिहीन जे ते खरतर
 नहि सोय ॥ चित रति विज्र व्यवहरित बिधि अगम सुगम
 जय नीच । धीर धरम धारण हरण तुलसी परत न बीच ॥
 अर्थ रूप विवरन विशद तासु योग भव नाम । करता नृप
 बहु जाति तेहि संज्ञा सब गुणधाम ॥ नाम जाति गुण देखि
 के भयो प्रबल उर भर्म । तुलसी गुरुपदेश बिन जानि सकै

को मर्म ॥ अपन कर्म वर मानिके आप बंधो सब कोय । कार-
 जरत करता भयो आपन समुक्त सोय ॥ को करता कारण
 लखै कारण अगम प्रभाव । जो जहँ सो तहँ तर हरष तुलसी
 सहज सुभाव ॥ तुलसी विन गुरुको लखै वर्तमान विधिरोत ।
 कहु केहि कारणाते भयो सूर उष्ण शशि शील ॥ करता कारण
 कर्मते पर पर आतमज्ञान ॥ होत न विन उपदेश गुरु जो षट
 वेद पुरान ॥ प्रथम ज्ञान समुक्ते नहीं विधि निषेध व्यवहार
 उचितानुचितहि हेरि धरि करतव करिय सँभार ॥ जब मन-
 महँ ठहराय विधि श्रीगुरुवरपरसाद । इहि विधि परमात्म
 लखै तुलसी मितै विषाद ॥ बरवस करत विरोध हठि होन
 चहत अकहीन । गहि गति बक वृक खान इव तुलसी परम
 प्रबौन ॥ साक कर्म भेषज विदित लखत नहीं मतिहीन ।
 तुलसी शठ अकवश विहठि दिन दिन दौन मलीन ॥ करता-
 हीते कर्म युग सो गुण दोष सखप । करत भोग करतव यथा होय
 रङ्ग किन भूप ॥ वेद पुराणरुशास्त्र युत निज बुधिवल अनु-
 भान । निज निज करि करि है बहुरि कहु तुलसी परमान ॥
 विविध प्रकार कथन करै जाहि यथा भवमान । तुलसी सु-
 गुरुप्रसादबल कोउ कोउ कहत प्रमान ॥ उर ढर अतिलघु
 होनको भव लघु सुरति भुलान । स्वर्गलाह लखि परत नहि
 लखत लोहको हान ॥ नैनदोष निज कहत नहि विविध वनावत
 बाल । सहत जानि तुलसी विपति तदपि न नेक लजात ॥ करत
 चातुरी मोहवश लखत न निज हित हान । शुक मरकट इव
 गहत हठ तुलसी परम सुजान ॥ दुखिया सकल प्रकार शठ समु-
 क्ति परतही नाहिं । लखत न कण्टक मीन जिमि अशन भषत
 भ्रम नाहिं ॥ तुलसी निज मनकामना चहत सुन्यकहँ सेय ।
 वचन गाय सबके विविध कहहु पयस केहि देय ॥ बातहि बात

हि बनि परै वातहि वात नशाय । वातहि आदिहि दीप भव
 वातहि अन्त बताय ॥ वातहिते बनि आवई वातहिते बनि
 जात । वातहिते वर वर मिलत वातहिते बौरात ॥ वात बिना
 अतिशय विकल वातहि तै हरपात । बनत वात वर वातते
 करत वात बरधात ॥ तुलसी जानु वात विन बिगरत हर दूक
 वात । अनजाने दुख वातके जानिपरत कुशलात ॥ प्रेम वैर
 औ पुण्य अघ यश अपयश जय हान । वात बीज इन सबनको
 तुलसी कहहिं सुजान ॥ सदा भजन गुरु साधु द्विज जीव दया
 सम जान । सुखद सुनै रत सत्यव्रत स्वर्ग सप्तसोपान ॥ वचक
 विधिरत नरतनय विधिहिंसा अतिलीन । तुलसी जगमहँ
 बिदित वर नरकनिशेनी तीन ॥ जे नर जग गुण दोषयुत तुलसी
 वदत विचार । कबहुँ सुखी कबहुँ दुखित उदय अस्त व्यवहार ॥
 कारज जगके युगलतम काल अचल बलवान । त्रिविध विकल
 तैते हटहिं तुलसी कहहिं प्रमान ॥ अनुभव अमल अनूप गुरु
 ककुक शास्त्रगति होय ॥ वचै काल क्रम दोषते कहहिं सुबुध
 सब कोय ॥ सब विधि पूरण धामवर राम अपर नहिं आन ।
 ताकी रुपाकटाचते होत हिये दृढ़ज्ञान ॥ सो स्वामी सो तर
 सखा सो वर सुखदातार । तात मात आपदहरण सो आसमय
 सधार ॥ सुखद दुखद कारज कठिन जानत को तैहि नाहि ।
 जानेहुपर विन गुरुरुपा करतब बनत न काहिं ॥ तुलसी सकल
 प्रधान है वेद विदित सुखधाम । तामहँ समुक्तब कठिन अति
 युगलभेद गुणनाम ॥ नाम कहत सुख होत है नाम कहत दुख
 जात । नाम कहत सुख जात दुरि नाम कहत दुख खात ॥
 नाम कहत वैकुण्ठसुख नाम कहत अवखान । तुलसी तोते
 उर समुक्ति करहु नाम पहिचान ॥ चारों चौदह अष्टदश रस
 समुक्तब भरिपूर । नामभेद समुक्ते विना सकल समुक्तमहँ धूर

वार दिवस निशि माससित असित वरष परमान । उत्तर
दक्षिण आश रवि भेद सकलमहँ जान ॥ कर्म शुभाशुभ मित्र
अरि रोदन हँसन बखान ॥ और भेद अति अमित है कहँ
लगि कहिय प्रमान ॥ जहँलगि जन देखव सुनव समुभाव-
कहव सुरीत । भेदरहित कछु है नहीं तुलसी वदहि विनीत ॥
भेद याहि विधि नाममहँ विनु गुरु जान न कोय ॥ तुलसी कहहि
विनीत वर व्यो विरखि शिवहोय ॥

इति षष्ठःसर्गः ६ ॥

तिनहि पढ़े तिनहीं सुने तिनहिं सुमति परगास ।
जिन आशा पाछे करे गहे अलख नौसास ॥ तबलगि योगी
जगतगुरु जबलगि रहै निरास । जब आशा मनमें जगी जग गुरु
योगी दास ॥ हित पुनीत स्वारथ सबहि अहित अशुचि विन-
चाउ । निजमुख माणिक सम दशन भूमि परत भौहाउ ॥ निज
गुणवटत न नागनग हर्षि न पहिरत कोल । गुञ्जा प्रभुभूषण करे
ताते बड़ेन सोल ॥ देइ सुमन करि वास तिल परिहरि खरि रस-
लेत । स्वारथहित भूतल भरे मनमें चक तन सेत ॥ अँसुवन पथिक
निराशते तटभुइ सजल सखप । तुलसी किन वच्चे नहीं इन सबथ
ल केरूप ॥ तुलसी मित्त महासुखद सबहि मित्तकी चाउ । निकट
भये विलसत सुखप एक कृपाकर छाउ ॥ मित्र कोप वरतर सुखद
अनहित मृदुल कराल ॥ द्रुमदल शिशिर सुखात सब सह निदाथ
अति लाल ॥ खल नेरे गुण मान नहिं मेठहि दाता वोप ॥ जिमि-
जल तुलसी देत रवि जलद करत तेहि लोप ॥ बरषत हरषत
लोगसब करषत लखत न कोय । तुलसी भूपति भानुसप्त
प्रजा भागवश होय ॥ मालौ भानु कशानु सम नौतिनिपुण
महिपाल । प्रजा भागवश होहिं कबहिं कबहिं कलिकाल ॥

समयपरे सुपुत्र नरन लघुकरि गनिय न कोथ । नायक पीपर
 बीजसम बचैतो तरुवर होय ॥ बड़े राम रत जगतमें कै परहित
 चित जाहि ॥ प्रेमपैज निवहौ जिन्है बड़े सो सबहौ चाहि ॥
 तुलसी सन्तनते सुनै सन्तत इहै विचार ॥ तनधन चञ्चल अदल
 जग युगयुग परउपकार ॥ ऊँचहि आपद् विभव वर नीचहि दत्त
 न होत ॥ हानिवृद्धि द्विजराजकहँ नहिं तारागण कोथ ॥ बड़े
 रतहिं लघुके गुणहिं तुलसी लघुहि न हेत । गुञ्जाते सुक्ताअरुण
 गुञ्जा होत न श्वेत ॥ होहिं बड़े लघु समय सह तो लघु सकहिं न
 काहि । चन्द्र दूवरो कूवरो तऊ नखतते बाहि ॥ उरग तुरग नारी
 नृपति नरनीचो हथियार । तुलसी परखत रहव नित इनहिं न
 पलटत बार ॥ दुरजन आप समान करि को राखै हितलागि ।
 तपततोय सह जाहि पुनि पलटि बतावत आगि ॥ अन्ततन्त-
 तन्तलौबिया पुरुष अश्व धन पाठ । पुनि गुण योगविधोगतै तुरत
 जाहिं ये आठ ॥ नीच निचाई नहिं तजै जो पावहि सतसङ्ग ।
 तुलसी चन्दनविटप बसि विनविष भय न भुजङ्ग ॥ दुरजन
 दरपणसम सदा करि देखो हिय दौर ॥ सनमुखकी गति और है
 विमुख भये ककु और ॥ मितक अवगुण मितकौ परपहँ भाषत
 नाहिं । कूपकाँह गिमि आपनी राखत आपहि माहिं ॥ तुलसी
 सो समरथ सुमति सुकती साधु सुजान । जो विचारि व्यवहरत
 जग खरचलाभ अनुमान ॥ सौख सखा सेवक सचिव सुतिय
 सिखावन साँच ॥ सुनि करिये पुनि परिहरिय परमनरञ्जन
 पाँच ॥ पुष्टिहि निज रुचि काज करि रुष्टहिं काज बिगारि ।
 तिया तनय सेवक सखा मनकेकणटक चारि ॥ नारि नगर भोजन
 सचिव सेवक सखा अगार ॥ सरस परिहरे रङ्गरस निरस विषा-
 दबिकार ॥ दीरघ रोगी दारिदौ कटुबच लोलुपलोग । तुलसी
 प्राण समानज्यो वरित त्यागिवे योग ॥ धाय लगे लोहा ललकि

खच्चिउ लेइयनीच । समरघ पापीसां वः र लीन वेसाहो मौच ॥
 तुलसी स्वारथ सासुहे परमारथ तन पीठि ॥ अन्य कहे हूख
 पावकहि द्विठियारि द्वियडोठि ॥ अनसबकैने शोचवर अवशि
 समुक्तिये आप ॥ तुलसी आपन समुक्तिविन पलपलपर परि-
 ताप ॥ रूप खनहिं मन्दिर जरत लावहिं धारि ववर । वोये ल र-
 चह समय विन कुमतिशिरोमणि कूर ॥ निडर अनय करि अन-
 कुषल वोसवाह सम होय । गयो गयो कह सुमतिजन भयो
 कुमति कह कोय ॥ बहुसुत बहुसचि बहुवचन बहु अचारव्यवहार
 दनको भलो मनाइवो इह अज्ञान अपार ॥ अपयश्च योग कि
 जानकी मण्डिचोरी कि कान्ह । तुलसीलोग रिक्ताइवो करसि
 कातिवो नान्ह ॥ सांगि मधुकरी खात जे सोवत पाँव पसारि ।
 पापप्रतिष्ठ बढि परौ तुलसी वाढोरारि ॥ लही आखिकवआंध-
 रहिं बाँझ पूत कव जाय । कव कोढी काया लही जगबहेराइच-
 जाय ॥ या जगक्री विपरीति गति काहि कहे समुक्ताय ।
 जल जलिंगो स्नात्र बाधिगौ जनतुलसी मुमुकाइ ॥ कै जूक्तिवो
 कि वूक्तिवो दान कि कायकलेश । चारिचारु पालोऊपथ यथा
 योगउपदेश ॥ बुध कि मान सरवेदवन सते खेत सत्र सौंच ॥
 तुलसी ह्यभिगति जानिवो उत्तम मध्यम नौच ॥ सहि कुबोल
 सासति असम पाय अनट अपमान । तुलसी धर्म न परिहरहिं
 ले वर सन्त सुजान ॥ अनहित ज्यो परहित किये आपनहित
 तमजान ॥ तुलसी चारुविचारमति करिय काज सममान ॥
 इमिथ्यासाहुर सजनकहँ खलहिं गरलसम साँच । तुलसी परसि-
 परात जिमि पारद पावक आँच ॥ तुलसी खलबाणी विमल
 सुनि समुक्ताव हिय हेरि । रामराज बाधक भई मन्दप्रथ्याचेरि
 दान दयादिक युद्धके बीरधीर नहिं आन । तुलसी कहहिं विनी-
 त इति ते नरवर परमान ॥ तुलसी साथौ विपतिके विद्याविनय-

विवेक । साहस सुकृत सत्यव्रत रामभरोसो एक ॥ तुलसी
 अमनयके सखा साहस धर्मविचार । सुकृतशील स्वभावरिज
 रामअरख आधार ॥ विद्याविनय विवेकरति रीति जासु उरहोय ।
 रामपरायण सौ सदा आपदताहिनकोय ॥ विनप्रपञ्च खलुभीख-
 भलि नहिं फल क्रिये कलेश । वामनबलिसों लौन्हिछलि दीन्ह
 सत्रहि उपदेश ॥ विबुधकाज वामन बलिहि छलो भलो जिय-
 जानि । प्रभुता तेजि वसभेतदपि मनते गहनगलानि ॥ बड़ेबड़े-
 तेकलकरै जनम कनौड़ेहोहिं । तुलसी श्रीपति शिर लसै बलि-
 वामन गति सोहिं ॥ खल उपकार विकारफलतुलसीगानजहान
 मेखट मरकट बणिक बक कथा सत्य उपखान ॥ ज्यों मूरख
 उपदेशके होते योग जहान । दुरयोधन कहबोधकिन आयेप्र्याम
 सुजान ॥ हितपर बहत विरोध जब अनहितपर अपमान । राम-
 विमुख विधि वामगति सगुन अत्राय अमान ॥ साहसही सिख
 कोपबस क्रिये कठिन परिपाक । अठ सङ्कटभाजन भये हठि
 कुजती कपिकाक ॥ मारि सौंह करि खोजलें करिमतसत्र विन-
 लास । सुये नोच विनमोचते जे इनके विश्वास ॥ रोक आपनी
 बूझ पर खोका विचारविहौन । तेउपदेशन मानहीं सोह सहोद
 धि सोन ॥ समुक्ति सुनौत कनौतरत जागतहौरहसय । उपदे-
 शिवोजगाद्वयो तुलसी उचित न होय ॥ परमारथ पथमत समु-
 क्ति लसत विषय लपटान । उतरि चिताते अधजरी मानहुँ
 सती परान ॥ तजत अमिय उपदेशगुरु भजत विषय विषखान ॥
 अङ्गकिरखोखे पयस चाटत जिमि अठखान ॥ सुरसदतन
 तीरछपरिन निपट कुचालि कुसाज । मनहुँ मवासे मारि कलि
 राजत संहित समाज ॥ चोर चतुर बटमार भट प्रभु प्रिय
 अकआभण्ड । सब भञ्जौ परमारथौ कलि सुपथ पाखण्ड ॥
 भोल गँवार ष्टपाल कलि जमन महासहिपाल । साम न

दास न भेद कलि केवल दखु कराल ॥ पाप पत्नीता कठिन
 गुरु गोला पदमपाल ॥ राग रोष गण दोषको साक्षी हृदय-
 सरोज । तुलसी विकसत तिल लखि सकुचत देखि मनोज ॥
 वयर सनेह नयानपहि, तुलसी जो नहि जान । ते कि प्रेयस
 मग धरत पशु दिन पूछ बखान ॥ रामदास यह जायके जो
 नर कथहि सधान । तुलसी अपने खाँड़ हैं खाक मिलावत
 खान ॥ त्रिविध एक विधि प्रभु अगण प्रसहि सँवारहि शउ ।
 करते होत रुपायको कठिन घोर घन घाउ ॥ काल विलोकत
 ईशरुख भानु काल अनुहार । रवि हि राहु राजहि प्रजा बुध
 व्यवहरहि विचार ॥ यथा अमल पावन पवन पाप सुसङ्ग
 कुसङ्ग । कहिय सुवास कुवास तिमि काल महौष प्रसङ्ग ॥
 भलउ चलन पथ शोच भय नृप नियोग नय नेम । कुतिय सु-
 भूषण भूषियत लोह निवारित हेम ॥ सुधा कुनाज सुनाज पल
 आम अशनसम जान । सुप्रभु प्रजाहित लेहि कर सामादिक
 अनुमान ॥ पाके पकए विटप दल उत्तम मध्यम नीच । फल
 नर लहरहि नरेश तिमि करि विवार मन वीच ॥ धरणि धेनु
 चरि धरम तन प्रजा सुवत्स पहाय । हाथ कल नहि लागि
 है किये गोष्ठनी गाय ॥ टङ्क टङ्क हूँ परत गिरि शाखा
 सहस खजूरि । गरहि कुन्टप करि करि कुनय सो
 कुचाल भुवि भूरि ॥ भूमि रुचिर रावणसभा अङ्गदपद
 महिपाल । धर्म राम नय सोनवत्त अचत्त होत तिहुँ
 काल ॥ प्रीति रामयद् नौरित धर्म प्रतीय स्वभाव ।
 प्रभुहि न प्रभुता परिहरै कबहुँ वचन मन काय ॥ करके
 कर मनके मनहि वचन वचन जिय जानि । भूपति
 भलहि न परिहरहि विनय विभूति सधानि ॥ गोलौ बाण
 सुभक्त सुर समुक्ति उलटि गति देखु । उत्तम मध्यम नीच

प्रभु वचन विचारु विशेखु ॥ अत्त सधाने सलिल इत्त राख
 श्रीश अपुनाव । बूडित लखि डगमगत अति चपरि चहूँ-
 दिशि धाव ॥ रच्यत राज समाज घर तन धन धर्म सुबाहु ।
 सत्य सुमचिवहि सौपि सुख बिलसहि निज नरनाहु ॥
 रसना मन्त्री दशन जन तोष पोष सब काज । प्रभु कैसे नृप
 दानवृक बालक राज समाज ॥ लकरौ डौवा करकुली सरस
 काज अनुहारि । सुप्रभुजु गहहि न परिहरहि सेवक सखा
 विचारि ॥ प्रभु समोप छोटे बड़े अचल होहि बलवान ।
 तुलसी विदित विलोकहौं कर अंगुली अनुमान ॥ तुलसी भल
 वरणत बहत निज मूलहि अनुकूल । सकल भ्रांति सबकहूँ
 सुखद दलन सहित बिन फूल ॥ साधन संगुण सधरम सगण
 सजन सुसबल महोप । तुलसी जे अभिमान बिन ते त्रिभुवन-
 के दोष ॥ साधन समय सुसिद्ध लहि उभय मूल अनुकूल ।
 तुलसी तीनों समयसम ते महि मङ्गलमूल ॥ रामायण अनु-
 हरत शिप्र जग भो भारत रौनि । तुलसी शठक्री को सुनै कलि
 कुचालिपर प्रीति ॥ सुहित सुखद गुणयुत सदा काल योग
 दुख होय । घर धन जागत अनल जिमि त्यागे सुख नहि कोय ॥
 तुलसी नरवर स्वस्थ जिमि तिमि चेतन पट साहि । नहि
 सुखत पनहुतन सो समुक्त सुबुत्र जन लाहि ॥ तुलसी अगरा
 बडेनके बीच परहु जनि धाय । लहै लोह पाहन दोऊ बीच
 रुई जरि जाय ॥ अर्थ आदिहन परिहरहु तुलसी सहित
 विचार । अन्त गहन सबकहूँ सुने सत्त नमत सुखसार ॥
 गहु उपकार विचार पद साफल हानि विमूल । अहो जानु
 तुलसी यतन बिन जाने इत्त शूल ॥ नीच निरावहि निरस तरु
 तुलसी सौचहि ऊख । पोषत पद सगान जल विषय ऊख-
 के लह ॥ लोक वेदहूँ लौं दगी नाम मूलको पोच । धरम-


राज यमराज यम कहत सकोच न शोच ॥ तुलसी देवल
 रामके लागे लाख करोर । काक अभागे हगि भरे महिमा भय-
 उ न थोर ॥ भलो कहहि जाने बिना कि अग्रवा अपवाद ।
 तुलसी गौडर जानि जिय करहु न हरष विषाद ॥ तन धन
 महिमा धर्म जेहि जाकहँ सह अभिमान । तुलसी जियत
 विहम्बना परिणामहु गति जान ॥ वढो विबुध दरवारते भूमि
 भूप दरवार । जापक पूजक देखियत सहत निराहर भार ॥
 खग सृग मीन पुनीत किय बनहु राम नेपाल । हुनइ बाल्क
 रावण घरहि सुखद बन्धु किय काल ॥ रामलक्ष्मण विजयी
 भये सुनहु गरीबनिवाज । मुखर बालि रावण गये घरहौ
 सहित समाज ॥ द्वारे टाट न दै सकहि तुलसी जे नर नीच ।
 निदरहि बलि हरिचन्द्रकहँ किहुका करन दधीच ॥ तुलसी
 निज कौरति चहहि परकौरतिकहँ खोय । तिनके मुंह
 असि लागि है मिटहि न मरिहैं धोय ॥ नीच चङ्गसम जानि-
 बो सुनि लखि तुलसीदास । ढौल देत सहि गिरि परत
 खँचत चढत अकास ॥ सहबोसी काचौ भयै पुरजन पाक
 प्रबोन । कालचेप किहि विधि करै तुलसी खग सृग मीन ॥
 वड़े पाप वाढ़े किये छोट करतल जात । तुलसी तापर सुख
 चहत विधिपर बहुत रिसात ॥ सुमति निवारहि परिहरहि
 दल सुमनहु संग्याम । सकल गये तनबिन भये साखी यादव
 काम ॥ कलह न जानवि छोट करि कठिन परम परिणाम ।
 लगत अनल अति नीच घर जरत धनिक धनधाम ॥ जूके
 ते भल बृक्षिबो भलो जीतते हारि । जहाँ जाइ जहँ डाइबो
 भलो जो करिय विचारि ॥ तुलसी तीन प्रकारते हित अनहित
 पहिचान । बरखस परे परोसवण परे मामला जान ॥ दुर्-
 जन बदन कमान सम बचन विमुञ्चत तीर । सज्जन उर

वैधत नहीं जमा समाह शरीर ॥ कौरव पाण्डव जानिवो क्रोध
 जमाके सोम । पाँचहि मारि नभौ सकै सयो निपाते भीम ॥
 जो मधु दौन्दे ते भरे साहुर देउ न ताउ । जग जिति हारे
 परशु पर हारि जिते रघराउ ॥ क्रोध न रसना खोलिये बड़
 खोलव तरवारि । सुनत मधुरं परिणाम हित बोलव वचन
 विचारि ॥ तुलसी मौठो समयते माँगी मिलेजु मीच । सुधा
 सुधाकर समय बिन कालकूटते नीच ॥ पाहौ खेती लगन
 बड़ि ऋण कुव्याज भग खेतु । बैर आपते बड़नते क्रियो पाँच
 दुख हेतु ॥ रीक खीक गुरु देत शिष्य शिष्यहि सुसाहब साध ।
 तोरि स्वाय फल होय भल तरु काटे अपराध ॥ चढो बबूरहि
 चङ्ग जिमि ज्ञानते शोक समाज । करम धरम सुख सम्पदा
 तिमि जानिवो कुराज ॥ पेट न फूटत बिन कहे कहे न लागत
 ढेर । बोलव वचन विचारयुत समुक्ति सुफेर कुफेर ॥ प्रीति
 सगाई सकल विधि बनिज उपाय अनेक । कल बल कुल कलि-
 अल मलिन डहकत एकहि एक ॥ दक्षसहित कलि धर्म सब
 कुल समेत व्यवहार । खारथ सहित सनेह सब रुचि अनुहरत
 अचार ॥ धातु बधौ निरुपाधिवर सद्गुरु लाभ सुभौत ।
 दक्ष दरश कलिकालमहँ पोथिन सुनव सुनीत ॥ कायर क्रूर
 कपूत कलि घरघर सरिस उधार ॥ ज्यों जगदीशतो अति
 भलो ज्यों महीशतो भार । जन्म जन्म तुलसी चहत राम-
 चरण अनुराग ॥ का भाषाका संसकत विभव चाहिये साँच
 कामतो आवे कामरी का लै कथि कमाच ॥ वरण विशद
 मुक्तासरिस अर्थ सूत्र सम तूल । सतसैया जग वरविशद गुण
 शोभा सुखमूल ॥ वर माला बाला समति उर धारै यत नेह ।
 सुख शोभा सरसाय नित लहै रामपतिगेह ॥ भूप कइहि
 लघु गुणि न कहँ गुणी कहहि लघु भूप । महि गिरि गत दोउ

लखत जिमि तुलसी खरवस रूप ॥ दोहा चारु विचारु चलु
परिहरि वाद विवाद । सुकृत सौम स्वारथ अवधि परमारथ
सरयाद ॥

इति सप्तमः सर्गः ॥

इति ॥



विजया-वटिका ।

अनेक प्रसिद्ध डाक्टर कविराज वैद्य कहते हैं ज्वरादि रोगोंकी ऐसी अहोषध अभीतर और कभी ईजाद नहीं हुई । ज्वर होनेका लक्षण आ गया है शरीर हाथ पैरोंमें हड़फूटन होने लगी है जम्हाई आने लगी है आंखोंमें गर्मी आ गई है—ऐसे मौकेपर तीन तीन घण्टे पीछे एक एक करके दो विजया-वटिका मात्र खालेनेसे ज्वर आनेका भय नहीं रहेगा । विजया-वटिका तन्मुखस्त्रीकी हालतमें खानेसे और रोगोंसे जकड़ जानेका भय नहीं रहता ।

विजया वटिकाका मूल्यादि ।

वटिका	संख्या	मूल्य	डाकमहसूल	पेकिङ्ग	वी० पी०
१नं०	१८ गोली	॥	॥	॥	॥
२नं०	२६ गोली	१॥	॥	॥	॥
३नं०	५४ गोली	१॥	॥	॥	॥

वद्धत वडी—मृहस्थीके कामकी उदिया अर्थात्

४नं०	१४४ गोली	४॥	॥	॥	॥
------	----------	----	---	---	---

विजया वटिकाका अलौकिकत्व ।

रोगीकी नाड़ीपर दिन रात ज्वर है, प्लीहाकी ऐं चातानी और यकृतसे तड़पड़ाता हुआ कष्ट पाता है, उसका हाथ, पांव, मुंह सूज गया है, आंखें पीली हो गई है; नाकसे नकसीर फूटती है—ऐसे विविध व्याधिग्रस्त रोगी भी विजया-वटिकासे अच्छे हुए हैं और जब आदमीको प्लीहा, यकृत कुण्ठ नहीं है, ज्वर भी नहीं है, अच्छा शरीर है,—उस समय भी विजया-वटिका सेवनसे भूख बढ़ेगी, शरीरका लावण्य बढ़ेगा । इसीसे विजया-वटिका विचित्र है ।

विलनेका प्रता,—वी० वसु० एण्ड कं०—७८ नं० हेरिसन रोड, कलकत्ता ।

बी० बसु एण्ड कम्पनीका हाथीमाका सालसा ।

सहस्रयुक्त और सुखाद है ।

हिन्दुस्थानी लोग यौवन हीमें तब ही जाते हैं । बत्तीस वर्षकी उमरसे पहले ही कितनोंका अङ्ग शिथिल हो जाता है । बयालिस वर्ष की उमरमें कितने ही सचमुच बूढ़े हो जाते हैं । (बी० बसु० एण्ड कम्पनीका सालसा पीनेसे आदमी सहजमें बूढ़ा न होगा । शरीर हस्त रहेगा । जो साठ वर्षके बूढ़े हैं, कानर झूक गई है और मांस लटक गया है, तीन सहोंने यह बी० बसु एण्ड कम्पनीका सालसा पीके देखें शरीरमें नई जवानीका उभार होगा, बलवोर्ध्म बढ़ेगा, नये आदमी बन जावेंगे । लड़के बच्चे, पुरुष स्त्री, सब बी० बसु एण्ड कम्पनीका सालसा सेवन करें । नाना प्रकारके पारेका घाव, नाना प्रकारके चर्म-रोग, सूखी खाज, गर्मीके घाव, वातरोग, जोड़ोंका दर्द, अङ्गोंका दर्द, दवासीर, भगन्दर, अन्नादि नाना रोग आराम होते हैं ।

हाथीमाका सालसाका मूल्यादि ।

	मूल्य	डाः	मः	पेकिङ्ग
१ नं० आध पावकी शीशी	॥	॥	॥	॥
२ नं० पावभरकी शीशी	१	॥	॥	॥
३ नं० डेढ़ पावकी शीशी	१	॥	१	॥

विलासिका प्रता,—बी० बसु एण्ड कम्पनी, ७५ नं० हेरिसन रोड, कलकत्ता

